

# *PEOMOLATO*

Ke a go leboga, Ngwanešu Neville. A re feleng re eme feela nakwana bakeng sa thapelo. A re inamišeng dihlogo tša rena. A go na le dikgopelo e ka ba dife tše di boletswego, ge di ka tsebjä ka seatla se se phagamišitšwego, feela go Modimo, wa re, “ke—ke . . .”? Swara ka monaganong wa gago bjale seo—seo o nyakago go Mo kgopela, gomme o se dumele ka pelo ya gago yohle, ge ke neela thapelo ya ka bakeng sa lena, le nna.

2 Tate wa Legodimong, rena re . . . bala wo go ba monyetla, go tla ntlong ya Morena, godimo ga letšatši le la leutu, le—le go hwetša Seetsä Morwa wa Modimo se phadima, le go kwa Moya wo Mokgethwa o opela ka batho, le go bolela ka batho, feela momo mokgobo wo monnyane wa Morwa o phadima ka gare. Re a Go leboga bakeng sa se, Morwa wa Legodimong a phadima go dikologa dipelo tša rena. Re Go leboga bjang bakeng sa yona! Bjale bona ba . . .

3 Batho ba Gago ba nno phagamiša diatla tša bona ka go phuthego ye, gore ba na le dikgopelo, gore ba tla hlologela gore O tla di araba mosong wo. Gomme ke a rapela, Tate, gore O tla fa ye nngwe le ye nngwe ya dikgopelo tša bona. Go na le tše dintši kudu, di pakelane godimo ga teseke, le dikgopelo tše dintši kudu mogohle, batho ba a babja, ba a tlaišega; pitšo ya mogala, bokgole bjo botelele, e ka ba masometlhano ka letšatši. O Modimo, re tla dira eng? E no re etelepapele, Morena. Ga—ga re tsebe ke tsela efe go ya goba go dira eng, eupša O ka šupetša dilo tše, gomme re a rapela gore O tla e fa go rena. Ka gore, ke—ke maikemišetšo a rena, Morena, bophelo bjo re nago nabjo lefaseng bo filwe rena ke Wena, gomme re nyaka go bo šomiša go hlomphha Wena ka bjona. Bjale O re hlahla ka go dilo tše, Tate.

4 Re šegofatše lehono bjalo ka ge re kgobokane mmogo go kwa Lentšu la Morena, go opela dipina, go neela thapelo. Ekwa dithapelo tša rena. Thaba le rena ka dikošang tša rena, le go bolela le rena ka Lentšu, ka gore re e kgopela Leineng la Jesu. Amene.

Le ka dula.

5 Ke no se tsebe lefelo e ka ba lefe moo ke tla tšeago go ba monyetla wo mogolwane go ema, go feta ka mo go ka bago go ema ka—ka phuluphithing, go ngwatha Borotho bja Bophelo go ba ba letilego, ba swerwego ke tlala, batho ba ba nyorilwego. Gomme wo ke monyetla wo mogolo.

6 Sa pele, ke tla rata go botšiša ge eba—ge eba e ka ba ofe wa lapa la Wright a lego fa, Hattie goba Orville, goba e ka ba mang? Hattie. A Orville o na le wena, Hattie? Gabotse, mmotšišeng ge eba o tla tla ntlong, ka pela, ka se ke mmoditšego, le a tseba.

A feta ntlong, ge a ka kgona. Ke lebetše go e tliša tlase le nna, mosong wo, se sengwe bakeng sa mpšanyana ya bona ye nnyane ba nago yona tlase fale. Kafao ke—ke no... Ge o ka rata, e no otlela thwi go feta ntlong ge o tloga ntle bakeng sa—bakeng sa tir—... morago ga tirelo.

<sup>7</sup> Gomme bjale, Edith, samme wa Hattie, yo re mo tsebago bjalo ka mosetsana yo monnyane yo a bego a golofetše ge e sa le a le le—le lesea. Gomme ke mosadi bjale, gomme o ka seemong se sebe kudu. Bjale ke, e ka ba ngwaga wa go feta, ke ile tlase fale ge a bile le tlhaselo ya gagwe ya mathomo, gomme ka pela ke hweditše se bothata bja gagwe bo bego bo le, ka thušo le mogau wa Modimo. Bjale, ka kgonthe, bothata ke eng ka ngwana...

<sup>8</sup> O dutše, maoto a gagwe a iteilwe mmogo, gomme ebile ga a kgone go a aroganya, ke ka baka la kgattelelo ye kgolokgolo godimo ga tshe—tshe tshepedišo ya mogalatšika. Eupša, se e lego, ga go selo sa phošo ka mmele ka ngwana, ka ntle ga tlaišego ya bogole bja segotlane ge a be a le e ka ba dikgwedi tše tshela bogolo. O goeeditše le go lla bophelo bja gagwe bjhohle, go nyakile, go fihla... Re mo rapeletše mengwaga ye mentši ya go feta, gomme—gomme o be a thabile ge e sa le, go fihla e ka ba ngwaga wa go feta.

<sup>9</sup> Gomme bjale ka kgonthe ke menophose. Ka mantšu a mangwe, go fetoga ga bophelo bja gagwe, gomme megalatšika ya gagwe e ka go seemo se segolo bjalo. Gomme mohumagadi yo monnyane o na le ka monaganong wa gagwe gore o a hwa, o—o no se ye go phela, feela go tloga iri e tee go ya go ye nngwe. Gomme le a tseba. Gomme go phelega, basadi ba go tia ba ne nako ye šoro, nako ye nngwe o swanetše go tšea ditšhwana tša dihomone, le—le go ya ka mafelong, le go tšea kalafo ya letšhogo le se sengwe le se sengwe, nakong yeo.

Motho o na le diphetogo tše pedi tša bophelo.

<sup>10</sup> Ba na le phetogo go tloga go mošemanе go ya go mo—mo monna; go tloga go mosadi... go tloga go mosetsana go ya go mosadi. E ka ba lesometshela, bogolo bja mengwaga ye lesomešupa, ba ba bjalo ka sehlopha sa feela bomphetakapejana. Gomme—gomme ge le ka no kgona go tlaišega le bona lebakeng la lebaka leo. Ke na le morwedi ka lebakeng leo thwi bjale, Rebekah. Mo rapedišeng. Gomme Billy, oo, yo mongwe le yo mongwe wa rena, re tla go kgabola lebaka le lennyane lela la tlalelo. Gomme—gomme ka fao re swanetše go tlaišega le bona, re lemoga gore ke se sengwe seo—seo ba—ba swanetšego go ya go se kgabola.

<sup>11</sup> Gomme bjale, Edith, ka phetogo ye ya—ya—ya mengwaga ye šupa. Mengwaga ye mengwe le ye mengwe ye šupa, bophelo bja gago bo a fetoga. Kafao šupa atiša šupa, le a bona, gomme—gomme e e dira mohuta wo mothata, gomme yeo ke phetogo ye e feletšego. Gomme e—e tshwenya basadi. Banna ka mehla ba

hwetša mohuta wa go dira go segiša nakong yeo, gomme dinako tše dingwe ba tlogela basadibagatša ba bona. Eupša basadi ga ba—ga ba nontšhwa ka morago ga seo. Gomme bohle re ya go kgabola seo, gomme re swanetše go elelwa gore ke dilo tše re swanetšego go di rwadišana seng, le go kwešiša dilo tše.

<sup>12</sup> Gomme Edith yo monnyane o tsene ka go seemo se, gomme o lahlegetšwe ke boima bjo bontši, gomme o bonala gampe. Gomme—gomme—gomme ke a le botša, bošego bjo bongwe, e sego lena bohle mmogo, eupša feela leeto le lennyane tlase... Ba dutše le yena, mosegare le bošego. Gomme le—le leeto le lennyane tlase kua go tšwa go tabarenekele ye le—le ditabarenekele tša go fapania, kga—kga kgaetšedi ditabarenekele mo, ba bangwe ba lena batho eyang tlase gomme le bone lapa la Wright. Ke na le nnete ba tla e leboga. E nong go ya tlase, dulang le bona nakwana ye nnyane, le go bolela le bona, šikinyang seatla sa bona, gomme ge e se bontši go feta ketelo ye nnyane ya segwera.

<sup>13</sup> Re—re lebala seo ga bonolo, le a tseba. Gomme ge go etla legaeng la rena beng, gona re a e leboga. Gomme re swanetše go elelwa, ba bangwe ba e leboga, le bona. Gomme lapa la Wright, ke na le nnete, le tla leboga seo. Ke—ke a tseba le ka be le e dirile ge nkabe le tsebile seemo se se gona. Eupša le be le sa e tsebe, kafao fao—kafao ke be ke le botša mosong wo, bakeng sa yona.

<sup>14</sup> Eyang gomme le etele lapa la Wright, gomme le leke go tutuetša Edith. Bjale, le se ke la mmotša gore o lebega gampe. Mmotšeng gore o “lebega gabotse,” o “ya go ba gabotse.” Yeo, o tla ba gabotse ge re no tšwelapele re mo swareletše. Seo ke se re lego mo bakeng sa sona. Ke kgaetšedi wa rena, gomme—gomme re mo go swarelela ka go dinako tše bakeng sa ngwana yola. Feelia boka ke nyaka yo mongwe go ntshwara le go rapela ge ke be ke eya go kgabola meleko ya ka, gomme o nyaka yo mongwe bakeng sa ya gago.

<sup>15</sup> Gomme—gomme lapa la Wright le bile bo—bo boletelele... le lengwe la maloko a kgalekgale a a tlago go kgobokano ye. Bona, ke a thankia, le Ngwanešu Roy Slaughter le Kgaetšedi Slaughter. Ke ba bone feela dinakwana di se kae tša go feta, ke ba emišeditše seatla ge ba etla ka gare. Ke naganne, nnamong, ge ke otletše go dikologa khona, “Ke mengwaga ye mekae ke bonego Ngwanešu le Kgaetšedi Slaughter ba tšeа lefelo la bona ka kerekeng ye, go kgabola merotoga le metheoga, gomme ba sa phaya go ya pele?” Gomme lapa la Wright, le ka mokgwa woo, le leboga batho bao, le a bona. Gomme a re—a re laetšeng ditebogo tša rena go bona.

<sup>16</sup> Bjale, lehono, ke na le Molaetša wo motelele. O godimo ga peomolato.

<sup>17</sup> Gomme—gomme gona, bošegong bjo, ke a kwa go na le selalelo le go hlapišana maoto, le go ya pele. Kafao modiša o tla bolela, gomme re tla ba... re tla tla tlase. Gomme ge o—ge o le tikologong, etla gomme o ipshine ka mo—mo molaetša go tšwa

go modiša, go tšwa go Morena, gomme ka gona gape go tšwa go go hlapišaneng maoto le—le selalelo, bošegong bjo. E ba bo—bo bošgo bja go patagana boima ka kgonthe, kafao re tla thaba go ba le wena, ge o se ne lefelo le lengwe go ya.

<sup>18</sup> Gomme re nyaka go leboga Don Ruddell, le—le ngwanaborena, le Ngwanešu Jackson. Gomme—gomme baena ba ke ngwanešu wa rena, dikereke kgaetšedi tše di amanago. Ngwanešu Jack Palmer godimo fa, yo a bolokago se—se sehlopha tlase ka Georgia. Gomme re—re—re nyaka go leboga monna yo ka pelo ya rena yohle. Ka gore, dinako ge re na le ditirelo, ge ke etla ka gare, gomme ba—ba tla go re etela, gomme re a e leboga.

<sup>19</sup> Ke a bona, mosong wo, mogwera wa ka wa go loka, Ngaka Lee Vayle le mosadimogatša wa gagwe. Ke lemogile Kgaetšedi Vayle fao, sa pele, gomme ka tšwela pele ke lebelela go dikologa go bona fao Ngwanešu Lee a bego a le gona. Gomme ke na le, wo mmolelo wa kgale wa Borwa, “legokobu go topa le yena,” le a bona, nako le nako ge ke mo hwetša. Ke ile ka mo lebelela letšatši le lengwe le le lengwe, ka khonferenseng yela, go ba tlase kua go nthuša. Ke rile, “Gabotse, ge Lee a etla, mo dire a rere, gomme ke tla no dira thapelo go balwetši.” Gomme re mo nyakile, le se sengwe le se sengwe gape, gomme ga se nke ra kgona go mo hwetša. Kafao, ke—ke, ke e hweditše, legokobu go topa le yena, ge ke fihla go bolela. Gomme re thakgetše go ba le Ngwanešu le Kgaetšedi Vayle ka gare, mosong wo.

<sup>20</sup> Gomme mohlomongwe go na le ba bantši gape mo ba re sa ba kwešišego. Ke bona kgaetšedi mo, ke a dumela, go tšwa Chicago. Nka se kgone. . . . Ke tseba sehlopha fa, eupša ke no se kgone go bitša maina a bona tlwa. Kafao re—re ba thabela go tšwa mogohle, e ka ba kae le lego.

<sup>21</sup> Ke bona baena fa, baisa ba babedi ba baswa bao ba swanetšego go hlomamišwa (baswa ka bodireding, bonnyane) mosong wo. Ba babedi, baena ba rena ba makhalate go tšwa godimo ka New York, ba sa tšo amogela ditshwanelo tša bona ka kereke ya Filadelefia, le go fa kereke ye bjalo ka moo ba tšwago gona. Gomme re ya go bea diatla godimo ga bona, gore Modimo o tla šegofatša bodiredi bja bona ka New York. Re na le dikereke tše pedi goba tše tharo tše nnyane godimo kua, ke a dumela. Ngwanešu Milano o na le se setee sa dihlopha tše nnyane fao, gomme re. . . . re a di leboga. Gomme—gomme mo go na le ba babedi gape ba yago ntle bjale go dira, go ba le ditirelo tša batho kua. Gomme re—re leboga dilo tše.

<sup>22</sup> Morena a le šegofatše wa go huma. Bontši kudu; ke lebelela go dikologa le go bona ba go fapano, gomme le no se kgone go bitša maina a bona bohle, eupša ke a tseba gore O a kwešiša.

<sup>23</sup> Bjale, ke a dumela, ge kgaetšedi wa rena, mmapiano, goba yo mongwe wa bona a ka tla fa le go re ralokela.

Ge legala la Mollo le kgwathile moprofeta,  
 Go mo dira tlhweko ka mo tlhweko e kgonago  
     go ba,  
 Gomme ge Lentšu la . . . Segalontšu sa Modimo  
     se rile, “Ke mang a tla re elago?”  
 Ka gona o arabile, “Ke nna yo, roma nna.”

<sup>24</sup> Ge, re hlomamiša badiredi ba ka go bea diatla godimo. Bjale, re a hlokomela gore tsela ya Lengwalo ya go hlomamiša modiredi ke go bea diatla godimo. Ke a nagana ke moo baena ba rena ba Pula ya Kgogolamooko, goba batho ba Battleford, le go ya pele, ba hlakahlakanego; gomme ge ba bone seo, go beeng ga diatla, go fa dimpho tša semoya. Bjale, ga re dumele gore dimpho di tla ka go bea diatla godimo. Re a dumela gore . . . go beeng ga diatla ke tumelelo go se re šetšego re se bone. Le a bona? Ke, “Amene.” Le a bona?

<sup>25</sup> Bjale, ge ba beile diatla godimo ga Timotheo, le godimo ga baena bao, ba lemogile ka go bona banna go be go le mpho. Elelwa, “Hudua mpho yela e bego e le ka go wena, go tšwa go makgolwago Lois.” Gomme ba bone se ka go Timotheo, gomme kagona bagolo ba beile diatla godimo ga gagwe le go mo hlomamiša. E sego go bea diatla godimo ga monna yo go sego selo se kilego sa laetšwa pele, le a bona. Gomme ba nno kgopela ditšhegofatšo. Gomme bohle re dumela seo. Kafao ga re fe dimpho tša semoya; re no di lemoga, le go bea diatla godimo ga bona, go ba dumela, gore re dumela gore Modimo o diretše batho dilo tše bjalo.

<sup>26</sup> Ke lemogile, mosong wo, moragorago ka morago, Ngwanešu McKinney go tšwa . . . Ke a dumela ke Kinney goba McKinney, modiredi wa Methodist a dutšego morago kua, yoo e sa tšwago go hlomamišwa mo kgauswana, le yona, ke a dumela e be e le thereso, go tšwa sefaleng; go swarelala godimo ka Ohio, le Ngwanešu Dauch le Kgaetsedi Dauch, le sehlopha go tšwa godimo ka Ohio.

<sup>27</sup> Oo, ge bohle re kgobokana mmogo, mafelo a mannyane a a tla mmogo, go a makatša. Ga go kerekeleina; ga go ditlemo tša selo, eupša feela go Jesu Kriste, seo ke sohle, le a bona, feela “go dula mmogo ka mafelong a Magodimong.”

<sup>28</sup> Go lokile, kgaetsedi, ge o ka re fa . . . A re nong go opela temana ye tee ya yela, “Ge legala la Mollo le kgwathile moprofeta.” A re e opeleng mmogo bjale.

Ge legala la Mollo le kgwathile moprofeta,  
 Go mo dira tlhweko ka mo tlhweko e kgonago  
     go ba,  
 Ge Segalontšu sa Modimo se rile, “Ke mang a  
     tla re yelago?”  
 Ka gona o arabile, “Ke nna yo, roma nna.”  
 Bolela, Morena wa ka, bolela, Morena wa ka,

Bjale baena ba tla tla pele, ge le rata.

...gomme ke tla akgofa go araba...

<sup>29</sup> A nke banešu badiredi ba bangwe ba tle pele, ge ba rata, bao ba yago go bea diatla godimo ga bona.

...Morena wa ka...

Badirišani ba tabarenekele mo, Ngwanešu Ruddell, Ngwanešu Lamb, le bona. Thwi *mo*, ge le rata.

...gomme ke tla araba, “Morena, nthome.”

(Ka go nokologa bjale, hle.)

Oo, dimilione bjale ka sebeng le dihlong ba a hwa,

Theetsa sello sa bona sa manyami le kgalako; Phakišang, baena, phakišetšang tlhakodišong ya bona;

Ka pela araba, “Mong, ke nna yo.”

Bolela, Morena wa ka, bolela, Morena wa ka, Bolela, gomme ke tla hlaganelo go Go araba; Bolela, Morena wa ka, bolela, Morena wa ka, Bolela, gomme ke tla araba, “Morena, nthome.”

<sup>30</sup> Leina la gago o mang, ngwanešu? [Ngwanešu o re, “Orlando Hunt.”—Mor.] Ngwanešu Orlando Hunt, go tšwa New York City. A yeo ke nnete? Gomme Ngwanešu...[Ngwanešu yo mongwe o re, “Joseph Coleman.”] Joseph Coleman.

Bjale ge le ka no retologela go batheeletši, baena ba ka.

<sup>31</sup> Ngwanešu Hunt le Ngwanešu Coleman, pitšo ya Modimo godimo ga dipelo tša bona. Gomme bjalo ka ge re sa tšwa go opela pina, “Fao go dimilione bjale ka sebeng le dihlong, ba a hwa.” Ba kwele sello sela sa manyami le bohloko. Gomme re a ba kgopela: phakišang, banešu, phakišetšang tlhakodišong ya bona! Le a bona, araba ka pela, “Mong, ke nna yo.” Yeo ke tsela ye ba arabago, mosong wo.

<sup>32</sup> Gomme ge re, bjalo ka baena ba kereke ye, le sehlopha se, re dumelela se, ka go bea diatla tša rena godimo ga bona le go ba fa seatla se setona sa kopanelo, bjalo ka go ba dihlatsa tša Jesu Kriste, ka thekgo ya rena fa, gore re tla ba thekga ka go se sengwe le se sengwe seo se hlomphegago le go loka, ka go Ebangedi. Dithapelo tša rena di tla ba kgafetša bakeng sa banna ba, gore Modimo o tla ba šomiša go Mo hlompha. Gomme a nke mabodiredi a bona a hume le go gola ka New York. A nke bophelo bja bona—bja bona bo tlale tirelo go Yena, ba tliša dišerefene tše bohlokwa ka gare go Mmušo. A nke ba phele a matelele, maphelo a lethabo. A nke Morena Modimo a ba bofelele ka Bogona bja Gagwe bja go ya go ile, gomme a ba fe go phelega le maatla, le

go ba boloka ka tirelong ya Gagwe go fihla Jesu Kriste a tla ba biletša go Legae la bona la Gosafelego ka Legodimong la khutšo.

<sup>33</sup> A nke phuthego ye bjale . . . ge re inamiša dihlogo tša rena, gomme rena badiredi re ya pele go bea diatla tša rena godimo ga bona.

<sup>34</sup> Tate wa rena wa Legodimong, re bea diatla tša rena godimo ga Ngwanešu Hunt, Leineng la Morena Jesu Kriste, bjalo ka se re se tsebilego ka yena, Morena, e bile toko. Gomme re a Go leboga bakeng sa pitšo ye ka bophelong bja gagwe, ya bodiredi. Morena, bolela ka ngwanešu yo, thopa disoulo, tliša tokologo, Morena, go bao ba lego bothopša, bobedi bolwetši le—le tlhaologanyong, le nameng le semoyeng. Morena, mo fe bodiredi bja kgonthe, gore a ke a, mo bofelong bja tsela ya gagwe, a lebelele morago tlase go kgabola mohlala wo motelele wola gomme a bona gore o kgonne, ka mogau wa Modimo, go swara lenaba le lengwe le le lengwe. Ka Jesu Kriste Morena wa rena, re a e kgopela. Amene.

<sup>35</sup> Godimo ga Ngwanešu Coleman gape re bea diatla tša rena, bjalo ka dihlatsé, Morena, go fa tumelelo go pitšo ya gagwe, gore rena, kereké ye, seholpha se sa batho, re dumela go yena bjalo ka mohlanka wa Kriste. Gomme re kgopela gore O mo šegofatše le go mo fa bjo bogolo, bodiredi bjo maatla, gore o tla Go thopela disoulo, Morena, le go lokolla mathopša, le—le go roba maatla a Sathane, go dikologa maphele a batho bao a kopanelago le bona. Mo fe, Morena, bophelo bja go tlala kenywa, go phelega go gobotse le maatla. Gomme, gape, ge a etla bofelong bja tsela, Modimo, efa gore a kgone go lebelela fase mohlala wo motelele le go bona moo, ka mogau wa Jesu Kriste, o kgonne go kgaola tlemo ye nngwe le ye nngwe ya lenaba, go tlhompho ya Modimo.

<sup>36</sup> Tate wa Legodimong, a nke banna ba bjale ba phele le go ſoma ka punong ya Modimo. A nke ditšhegofatše tša Gago di khutše godimo ga bona le go ba le bona go fihla nako ye bohole re kopanago ka maotong a Mong yo mogolo wa rena. Leineng la Jesu Kriste re a e kgopela. Amene.

<sup>37</sup> Modimo a go šegofatše, Ngwanešu Hunt, a go fe bodiredi bja dikenywa. Modimo a go šegofatše, ngwanešu, le go go fa bo—bo bodiredi bja dikenywa, le wena. Modimo a go šegofatše. Gape:

Ge legala la Mollo le kgwathile moprofeta,  
Go mo dira tlhweko ka mo tlhweko e kgonago  
    go ba,  
Ge Segalontšu sa Modimo se rile, “Ke mang a  
    tla re yelago?”  
Ka gona o arabile, “Ke nna yo, roma nna.”

Oo, bolela, wa ka . . . (A nke A bolele le dipelo  
    tše ntši tše mpsha.) . . . bolela, Morena wa ka,  
    (Biditšwe ke Modimo!)  
    . . . gomme ke tla phakiša go araba Wena;

Bolela, Morena wa ka, bolela, Morena wa ka,  
 Bolela, gomme ke tla araba, “Morena,  
 nthome.”

<sup>38</sup> Re leboga Morena bjang mosong wo bakeng sa tlhompho ye kgolo ye, ya kereke e hlatsela go roma ntle ga badiredi ka tšhemong ka letšatšing le la mafelelo. Mogau wa Modimo o ye le lena, baena ba ka! Ke a holofela O le romela mašemong a še le go kgabaganya lefase, go rera mahumo a a go se puruputšege a Jesu Kriste, moo go hlokago kudu. Go hloka kudu, lefase le lehono.

<sup>39</sup> Bjale, bontši kudu bja dilo tše botse tše, re no swanela go tše se sennyane *fa* le se sennyane *fale*, gore ke e hwetše yohle ka go tirelo mosong wo. Bjale lehono re... ke bolela godimo ga thuto yeo ke... Dinako tše dingwe ga ke rate go batamela dinako tše go befa ka kgonthe.

<sup>40</sup> Bjale, Lamorena la go feta, ge ba bangwe ba lena ba be ba se mo gomme—gomme ba se ba hwetše Molaetša wa *Khudugo Ya Boraro*; gomme ge le rata ditheipi, ke a dumela le tla ipshina ka yeo, *Khudugo Ya Boraro*.

<sup>41</sup> Re na le eng, mošemanne wa go babja mo, goba se sengwe? Oo, yo monnyane, mošemanne wa segole. Ya. A nke Modimo a mo šegofatše. Yeo ke yona. Go lokile. Feela mo bofelong bja tirelo, re ya go rapelela balwetši, go le bjalo, le a bona. Kafao re, bjale, re...

<sup>42</sup> Re a le kgopela, mohlomongwe ge le ka kgonas, go hwetša Molaetša, ka *Khudugo Ya Boraro*, lekga la boraro leo Seetša, Morongwa wa Morena yoo a bileditšego batho go khudugo, ka go bonagala se iponagaditše ka Bosona lefaseng, ka go khudugo. Le a bona? Ke nagana seo se itlhaotše ka kgonthe, go nna: khudugo ya boraro!

<sup>43</sup> A le ka tshwenyega ge ke apotše jase ya ka? [Phuthego e re, “Aowa.”—Mor.] Go borutho gampe ka tabarenekeleng mosong wo, gomme sefehlamoya se nnoši re nago le sona ke—ke se o ka kgonago go se butšwetša. O swanetše go hlola maatla a gago mong. Kafao re a beakanya, letšatši le lengwe, go bea tshepedišo ya go tšidifatša ka fa, ka pela ge re ka dira dilo di lokišwe.

<sup>44</sup> Bjale, re tla leboga, ge le—ge le rata go—go kwa Molaetša, *Khudugo Ya Boraro*. Bjale, re bile le dikhudugo tše dintši, eupša ka kgonthe re ka bea seatla sa rena lefelong, nako, ya dikhudugo tše tharo tše Modimo, ka sebopego sa Pilara ya Mollo, a tliego fase go bitsa le go aroganya batho. Gomme bjale e aroganya batho.

<sup>45</sup> Gomme re hwetša gore, ge A biditše khudugo ya Gagwe ya mathomo, O ile pele ga bona ka go Pilara ya Mollo, le go ba etapele go ya... go ba etapele go ya go naga moo moragwana A bonagetšego pele ga bona, ka sebopego sa Monna yo a bitšwago

Jesu Kriste. O tšwa go Modimo, gomme o ile go Modimo. Gomme...morago O gannwe. Gomme O tlile nako yeo go bitša batho go tšwa go—go tšwa go seemo sa female seo ba tsenego ka go sona, go swana le ge ba bile tlase ka Egepeta, ba file tsela go sebe le go di—di ditsela tša Baegepeta. Gomme Modimo o ba bileditše ntle.

<sup>46</sup> Gomme bjale re hwetša, lekga la bobedi, ba tla fa tsela ka tlase ga bothopša go mmu—mmu Mmušo wa Roma. Gomme ba fapogetše ka go dithutotumelo le go ya kgole go tloga go tlhokofalo ya kgonthe ya thapelo, gomme Modimo gape o rometše khudugo ye nngwe. Gomme mo...O tšweletše ka sebopego sa Monna yo a etilegopele banna.

<sup>47</sup> Ka go khudugo ya pele, O be a le Pilara ya Mollo. Ka gona, ge A tlile lefaseng, ka nageng moo A ba išitšego. A sekai se sebotse se tla bago ka go Mileniamo, moo A etelagopele Kereke bjale. “Re tla Mmona ka mo A lego, gomme re tla ba le mmele boka mmele wa Gagwe Mong wa letago.”

<sup>48</sup> Gomme lehono, ka Seetša sa Ebangedi se bonagatša go tšwa go Seetša, Pilara ya Mollo ka go bonagala magareng ga rena! Saense e Se bone. Se ka go dikgatišobaka, le go kgabaganya lefase. Gomme Ke, bobedi ka sesaense le semoyeng, go lemogwa bjalo ka Pilara ya Mollo ya go swana, ka maswao a go swana le dilo tša go swana E di dirilego ka mehla. Gomme bjale ka bogareng bja matšatši ge fao go le bohlanya bjo bontši le dilo, efela, Modimo ka mehla o itsebiša ka Boyena. Bjale re hwetša se.

<sup>49</sup> Gomme a selo sa letago e lego sona go tseba gore, “Tabarenekele ye ya lefase, letšatši le lengwe,” mmele wo wa kgale wa go gwahlfala wo re babjago le go tlaišwa ka go wona, “o tla fetolwa le go dirwa go swana le mmele wa Gagwe Mong wa letago; gona re tla Mmona ka mo A lego,” le go ba le Yena ka Nageng ye re tlementšwego go yona lehono. Oo, ke tla...nyaka go re dira re ikwele boka go ema le go opela *Ke Tlementšwe Naga Ya Tshepišo*. Go molaleng ba tla be ba opela yeo ka tirelong ya kolobetšo, go le bjalo, gobane yeo ke pina ya rena ya kolobetšo.

<sup>50</sup> Bjale go baena, bobedi fa le ka nageng ya moo ditheipi di yago, gomme leo ke lefase go dikologa. Melaetša ye ga ya lebanywa go motho ka motho yo a itšego. Gomme re ka se nyake batho go nagana gore re mohuta wo mongwe wa sehlopha, goba sehlopha sa mahlanya seo se kgobokanego mmogo renabeng, “go ikaroganya renabeng, go itaetša, go se be le Tumelo,” goba go ikaroganya renabeng kgahlanong le e ka ba mang, goba—goba kgahlanong le Modimo, goba kgahlanong le Kereke. Re bakeng sa Kereke. Eupša re no leka go šupa ntle, ka Moya wo Mokgethwala le thušo ya Gagwe, lebaka la kgethologanyo ye re nago le yona lehono. Rena, ga re dumele go yona.

<sup>51</sup> Re dumela gore dikereke tšohle di swanetše go kopanela mmogo, e sego go kgethologanywa; Mamethodist go sehlopha sa

bona, le Mabaptist go sa bona, le Oneness, le Mathrinitarian, le se re nago le sona, bohle ba arogantšwe ntle. Re a dumela gore e swanetše go ba mmogo, bjalo ka sehlopha se tee se se kopanego se segolo sa Mmele wa Jesu Kriste, se letile go Tla goo ga letago. Ga ba swanelo go aroganywa, le gatee.

<sup>52</sup> Gomme se se e aroganyago, go swanetše go ba lebaka la motheo gore ga re mmogo. Go ithuteng yona, ke a lemoga, go ithuteng yona, ga se mebala ya letlalo la rena; gobane, ba baserolvana, ba baso, ba batsotho, le bašweu, bohle ba arogana ka go mekgatlo ya go fapana. Ga se mohuta wa dijo re di jago; bohle re ja dijo tša go swana. Re apara mohuta wa go swana wa diaparo, le go ya pele. Eupša ke bona fao go lego ka motheo, ke monna yo a arogilego tsela ye e iteilwego ya thuto ya Ebangedi, motho yo mongwe le yo mongwe.

<sup>53</sup> Gomme go swanetše go ba tsela ye nngwe go laetša ka kgonthe ye e lokilego le ye e fošagetšego. Gomme tsela e nnoši o ka tsogego wa e dira, ga se go bea tlhathollo ye e itšego go Lentšu, e no Le bala ka tsela ye Le lego le go Le dumela ka tsela yeo.

<sup>54</sup> Monna yo mongwe le yo mongwe a bea ya gagwe e nnoši, tlhathollo ya mong, e dira Le bole se sengwe go fapana, e le tliša morago go mokgatlo wa setlogo wa kereke ya Katoliki. E lego, kereke ya Katoliki e dumela gore Modimo o ka kerekeng ya Gagwe, “Gomme Lentšu ga le na le selo go dira le yona; gomme Modimo o ka kerekeng ya Gagwe.”

<sup>55</sup> Gomme rena Maprotestant, bjalo ka ge re hwetša, gomme bjalo ka Kutollo 17, gore bohle ba bona ba pakelane godimo mmogo, le gore kereke ya Katoliki e be e le “mme” wa mekgatlo yohle. Gomme re bona gore mokgatlo wa Protestant, go le bjalo ka bofou, ka bofou, o na le tlhago ya go swana ya kereke ya Katoliki. Beibele e bitša kereke ya Katoliki “seotswa,” gomme e bitša kereke ya Protestant “bommalegogwana,” e boletše gore seotswa e be e le “mmago diotswa.” Gomme bao ke batho, yoo ke mosadi wa tumo ye mpe yo a sa phelego therešo go dikenō tša gagwe tša lenyalo.

<sup>56</sup> Gomme bohle re tleleima go ba Monyalwa wa Kriste, gomme efela go se rereše. Ke eng e tla dirago go se rereše? Ka go phela go fapana le—le mothalo wa boitišo wo Modimo a o beetšego Monyalwa wa Gagwe go phela ka wona. Yeo ke kgopolu ya ka mong, Beibele, gomme Ke Lentšu la Modimo la go se palelwe, ke a dumela.

<sup>57</sup> Gomme, kagona, re hwetša gore kereke ya Protestant, gore e be le mokgatlo, e ikaroganya ka boyona le go tšwa Mangwalong, go dira mokgatlo wa yona. Badiredi, ba ba hlomamišitšego, ba tla swarelela go dilo tšebo . . .

<sup>58</sup> Bjale, ba tla go go ithuta ga ka le ka dikamoreng, ka makgolo, gomme ba mpotša, “Ngwanešu Branham, o dira ditlhohlo tšebo go

batho. Ga go yo a yago go ema ntle kua kgahlanong le Leo. Ba a tseba ke Therešo.”

Gobaneng, ke re, “Gobaneng, gabaneng o sa e dire?”

<sup>59</sup> “Gabotse, o a bona, ge ke dira, ke tla be ke kgopela borotho bja ka. E sego yo mongwe . . . Ke na le bodiredi. Ke swanetše go ya go Morena, gomme ke swanetše go fihla go batho. Gomme nka se be le thekgo.”

<sup>60</sup> A le no lemoga gore Kriste ke mothekgi wa ren! Beibele ke mothekgi wa ren. Le a bona?

<sup>61</sup> Eupša, yona, le a bona, gona seo se lahlela ke—ke kereke ya Protestant tlwa sona selo sa go swana kereke ya Katoliki e lego.

<sup>62</sup> Kereke ya Katoliki ga e kgathale . . . Gabotse, ga ke re . . . Ga ke e dire bošoro bjoo, go re ga ba kgathale se Beibele e se bolelago. Ba—ba dumela Beibele, eupša, le a bona, ba na le . . . Tatelano ya boapostola ke se kereke ya Katoliki e theilwego godimo ga sona. Yeo ke tatelano ya bomopapa, le go bitša Petro mopapa wa mathomo, le go ya pele go theoga. Bjale, bona, ba dumela seo. Bona, ka maatla ba dumela seo.

<sup>63</sup> Gomme Protestant, le a bona, ba—ba kgobokana mmogo le go ba le mokgatlo feela tlwa boka ba dirile ka Nicaea, Roma, moo ba kgatlofaditšego ke—ke kereke ya Katoliki ka . . . go Khanelse ya Nicaea. Gomme re hwetša gore bobedi ba a swana. Bobedi ba a swana. Ba tlogela Lentšu la Modimo, go dira mokgatlo. Le a bona? Gomme ka gona ge go etla go Ditherešo tše ntši tše kgolo tše di bonalago go se tlwaelege lehono, Ke tše šele go bona, gobane ba rutilwe feela ka tirelo.

<sup>64</sup> Ga re ne tirelo eupša Beibele. Ga re ne selo eupša Lentšu le Lekgethwa la Modimo, gomme Ke moo re emago.

<sup>65</sup> Gomme bjale, lehono, ke nyaka go bala Lengwalo le lengwe, motsotsa feela, go tšwa go le lekgethwa, Lentšu le lekgethwa la Modimo, le hwetšwago ka go Puku ya Mokgethwa Luka. Tema ya 23 ya Mokgethwa Luka, go thea, go hwetša se—se sefala sa se ke—ke nyakago go se bolela, kgopolu ya motheo ka selo se ke nyakago go bolela ka sona. Gomme le bula bjale go Mokgethwa Luka, tema ya 23, gomme ke nyaka go bala temana e tee. Seo ke sohle ke se hlokago bakeng sa motheo wo mosong wo, go o bea godimo. Bjale re bala ya 20 . . . tema ya 23, temana ya 33 ya tema ya 23.

*Gomme ge ba . . . tlide lefelong, le le bitšwago Khalibari, fao ba bapotše yena, le basenyi, yo motee ka seatleng se setona, gomme yo mongwe ka go sa nngеле.*

<sup>66</sup> Bjale ke nyaka go tšeа mantšu a mane go tšwa fao, go tšwa go palo yeo, go thea se ke nyakago go se bolela, “fao ba bapotše Yena,” mantšu a mane. Gomme bjale sehlogo sa ka se bitšwa . . . Ke—ke tliša peomolato go dikerekemaina tše letšatši

le, gomme gape le tše ntši tša go ikema, go bapoleng Jesu Kriste ka boswa mo letšatšing le. Go di bea molato! Mosong wo, e bitšwa: *Peomolato*.

<sup>67</sup> Gomme ke nyaka mohuta wa go e šomiša kudu boka ge eba e be e le boka kamora ya kgorotsheko, moo go bilego... Gomme ka morago ga tšohle, phuluphithi le kereke kamora ke kgorotsheko. Beibele e rile, "Ke setulo sa kahlolo, gore—gore e swanetše e thome ntlong ya Morena." Gomme se se swana le—le terone le—le lekgotla la baahlodi, le dihlatse, le go ya pele. Gomme ke na le, lehono, bakeng sa bohlatse bja ka, ke Lentšu la Modimo.

<sup>68</sup> Gomme peomolato ya ka e kgahlanong le dikereke tša lehono. Bjale ga—ga ke tliše modiradibe ka go ye. Ke no bolela se go kereke. Gomme se—se swanetše go ba ka go di—di—di ditheipi bjale, gomme ke—ke tla leka go kgabola ka pela ka mo nka kgonago. Ke bea moloko wo molato bakeng sa go bapola Jesu Kriste la bobedi.

<sup>69</sup> Gomme bjale go dira se ka go lebaka le re phelago ka go lona, ke—ke dira se, ke swanetše go bontšha bohlatse. Ge eba ke swanetše go tliša peomolato, o swanetše go bontšha bohlatse bja molato wo o dirilwego. Ke—ke na le, go ba bea molato, ke—ke swanetše go tliša bo—bo bohlatse go e netefatša, gore ke, gore se ke se bolelago se tla ema pele ga Moahlodi mogolo. E lego, gomme ke itšeela ka bonna bjalo ka moemedi go... godimo ga peomolato ye. Gore, Lentšu la Modimo, go beng hlatse ya ka, ke bea moloko wo molato bakeng sa papolo.

<sup>70</sup> Ke swanetše go bontšha, gomme ke tla bontšha, gore moywa go swana o godimo ga batho lehono woo o tlišitšego papolo ya mathomo, le go dira selo sa go swana. Ke—ke swanetše go dira seo, ge e eya go ba papolo, gore ba bapotše. Ke swanetše go bontšha go ba—ba batho gore mokgwatebelelo wa go swana ka go batho lehono o dira selo sa go swana, semoyeng, gore ba dirile nameng nako yela. Ba bapotše, mmeleng, Jesu Kriste, Morwa wa Modimo. Gomme bjale, lehono, ka Lentšu la go swana, le ka momo Moya wo Mokgethwa wa go swana le Lentšu la go swana, ke—ke duma go laetša dikereke fao—fao mo di emego, gore ba dira selo sa go swana lehono, gomme Beibele e rile ba tla se dira, le go netefatša gore le ke letšatši le re phelago ka go lona.

<sup>71</sup> E be e ka se kgone go dirwa mengwaga e se mekae ya go feta. Ke re, mengwaga ye masometlhano ya go feta e be e ka se kgone go dirwa, eupša lehono ye ke nako kudu. Gomme e be e ka se kgone go dirwa, mohlomongwe, mengwaga ye lesome ya go feta, eupša e ka kgona go dirwa lehono ka baka la gore na—na nako e fedile. Re mo—re mo nakong ya bofelo. Gomme ke a dumela, bjalo ka mohlanka wa Gagwe, gore re—re no ba kgauswi le go kgabaganya go tloga nageng ye, go ya go ye Nngwe.

<sup>72</sup> Kagona, nako ya tshokologo, bakeng sa setšhaba, e ile. Ke a dumela gore setšhaba se se ka se sokologe. Ke a dumela gore

se tshetše mothalo gare ga kgaogelo le kahlolo. Ke a dumela o thekesela ka sekaleng.

<sup>73</sup> “Ngwanešu Branham, pele o thoma molato wa gago, o ya go netefatša seo bjang?”

<sup>74</sup> Feela se, gore re molato wa dibe tša go swana tše Modimo a sentšego lefase ka tšona, ka go lefase la pele ga meetsefula. Re molato wa dibe tša go swana tše A sentšego lefase ka Sodoma le Gomora. Gomme, bjale, gomme re na le bohlatse bjohle bja go swana bja semoya bo robetše mo pele ga rena, bohlatse bjohle bja go swana bja semoya, bo tsebjia lefaseng ka bophara, bjoo bo tlisitšego tlase dikgaogelo tša Modimo godimo ga meloko yela. Gore, gape, go gana, go tlisa kahlolo. Kafao ge moloko wo o ganne kgaogelo ya go swana ye ya go ganwa ka go wona matšatši, Modimo o tla ba go hloka toka go ba lesa ba fete ntle le kahlolo.

<sup>75</sup> Bjalo ka Jack Moore, mogwera wa ka, o kile a re, “Ge setšhaba se se feta ntle le kotlo go tšwa go Modimo, gona Modimo o tla tlamega go tsoša Sodoma le Gomora le go kgopela tshwarelo go ba tšumeng.”

<sup>76</sup> Bjale, re a tseba gore semoyeng ba dira selo sa go swana lehono, ka gore ba a e dira, le bona, bakeng sa morero wa go swana, le ka tsela ya go swana ye ba dirilego ka go papolo ya Morena, nameng. Ba e dira ka lebaka la mona, ka lebaka la bofofu bja semoya. Gore, ga ba nyake go bona. Ba ka se Le theetše.

<sup>77</sup> Jesu, ka leetong la Gagwe mo lefaseng, O rile, “Jesaya o boletše gabotse ka lena, ‘Le na le mahlo gomme ga le kgone go bona, le ditsebe gomme ga le kgone go kwa.’” Le a bona?

<sup>78</sup> Lebaka la go swana, morero wa go swana—wa go swana le go fa mabaka ga go swana, ba tlisa go papolo ya Kriste ka boswa, ka boswa, (bjalo ka ge re tla tla go yona morago ga lebakana), bakeng sa mabaka a go swana ao ba a dirilego nako yela.

<sup>79</sup> Ga ba kgone go hwetša selo kgahlanong le Lona. Ga ba swanela go leka go Le hlohla. Gomme ba a tseba bohlatse bo gona. Gomme ba a tseba Beibele e bolela bjalo. Gomme selo se nnoši ba ka kgonago go se dira ke go Le rogaka. Seo ke tlwa. Kafao, le sohle se, mabaka a go swana.

<sup>80</sup> Gomme bjale, godimo ga motheo wo, ke hlohla moloko wo ka papolo ya Jesu Kriste; bakeng sa go bapola, le molato; ka tša ditšhila, tše mpe, tša bojato, diatla tša kerekeleina le bapotše Mokgoma wa Bophelo yo a bego a nyaka go itlisa Yenamong go batho.

O re, “Motho wa go swana?”

<sup>81</sup> “Mathomong go be go le Lentšu, gomme Lentšu e be e le Modimo. Gomme Lentšu la dirwa nama, gomme la iponagatša ka Bolona.” Lentšu le bonagaditšwe nameng, gomme ba ahlotše nama le go e bolaya, gobane Lentšu le bonagaditšwe. Bahebereg

13:8, e rile, "Jesu Kriste o a swana maabane, lehono, le go ya go ile." Ke Lentšu la go swana. Le a bona? Gomme, ka lebaka la go swana, ba leka go bapola Lentšu.

<sup>82</sup> Bjale, go sehlogo sa ka, go phuleletša morago godimo ga thuto ye ke nyakago go e tsea. "Fao," mantšu a mane, a re hlalošeng, "fao." "Fao," toropokgolo ye kgethwa kudukudu lefaseng, Jerusalema. "Fao," toropokgolo ya bodumedi kudukudu lefaseng. Fao, "bona," batho ba bodumedi kudukudu lefaseng, moketeng wa bodumedi, mokete wa Paseka. "Fao," lefelo la bodumedi kudukudu, toropokgolo ya bodumedi kudukudu, ye—ye kgolokgolo go mekgatlo yohle, hlogo ya yona yohle. Fao, "bona," batho ba bodumedi kudukudu ka go lefase lohle, ba be ba kgobokane go tšwa gohle godimo ga lefase. Ba "bapotše," lehu la dihlong kudukudu le ka kgonago go ba, go bolaya, motho a ka kgonago go bolawa; a ponoka, ba hlobotše diaparo go tloga go Yena. "O—O nyaditše kgobogo." Bona... Sefapano se na le le—le—le lešela le tateditšwe go Mo dikologa; eupša ba apotše thososo diaparo tša Gagwe go tloga go Yena. Dihlong kudukudu!

<sup>83</sup> "Fao," toropokgolo ye kgolokgolo ya bodumedi, "bona," batho ba bodumedi kudukudu, "ba batotše," lehu la dihlong kudukudu, "Yena," Motho yo bohlokwa kudukudu. Ge seo e se sa lekanelia go ahlola moloko wo!

<sup>84</sup> "Fao," mokgatlo wa bodumedi kudukudu, wo mogologolo go dikereke tšohle di kgobokane mmogo ka lefelong le tee. "Bona," batho ba bodumedi kudukudu go mehlobo yohle, batho ba ba swanetšego go ba bona barapedi ba Modimo. Ba kgobokane moketeng wo mokgethwa wo mogologolo ba nago le wona, tlhwekišo ya... Paseka, ge ba be ba tlišwa go tšwa ditlemong go ya tokologong. Gomme "fao" ka nako yeo, "bona" ka nako yeo, batho ba bodumedi kudukudu, ka go mokete wa bodumedi kudukudu, ka go lefelo la bodumedi kudukudu, ba tlišitše godimo ga Mokgoma wa Bophelo selo sa dihlong kudukudu se ka kgonago go dirwa, go hlobola Monna le go Mo lekeletša godimo ga mohlare. Gobane, "Morogwa ke yena," go boletše molao woo ba rapetšego ka wona, "morogwa ke yena yoo a lekeletšego godimo ga mohlare." "Gomme O dirilwe thogako bakeng sa rena." Ba hlobola diaparo tša Gagwe thososo, ba Mo itia, le go Mo kwera, yena Modimo wa Legodimo; ba tsea diaparo tša Gagwe go tloga go Yena, gomme ba Mo kokotela sefapanong. Yena! "Fao ba batotše Yena," ka tlase ga kotlo ya lehu ya Roma.

<sup>85</sup> Lehu la dihlong kudukudu lehono e ka se be go thunywa. Lehu la dihlong kudukudu lehono e ka se be go thulwa ke koloi le go bolawa, go nweletšwa ka meetseng, go tšhungwa ka mollo. Eupša lehu la dihlong kudukudu lehono ke kotlo ya lehu ya phatlalatša, moo lefase ka moka le go solago le go go bitša wa molato.

<sup>86</sup> Gomme lefase ka moka le beile diatla tša bona godimo ga Monna yo gomme la Mmitša wa molato, ge A be a se na le molato. Gomme O hwile ka tlase ga ya lenaba, (e sego bagwera ba Gagwe, e sego melao ya Gagwe), eupša ka tlase ga papolo ya lenaba. Mokgoma wa Bophelo, Motho yo bohlokwa kudukudu yoo a kilego a phela, goba a ka tsogego a phela, Jesu Kriste. “Yena,” Motho yo bohlokwa kudukudu! Bolokang seo monaganong bjale ge re aga sefala sela go dikologa lehono.

<sup>87</sup> A o ka eleletša, lefelong boka Jerusalema, moo lebaka la mengwaga ye makgolo a masomepedi tlhano, goba go feta, gore batho... goba makgolo a mengwaga. Nka no ba boteletsana gannyane ka go seo. E ka no ba e bile e ka ba mengwaga ye makgolo a seswai goba senyane, goba se sengwe. Ga ke tsebe feela gore bjang, bokgole bjo bokae, go tloga ka nako ye Salomo a agilego tempele. Ke a eleletša, e ka ba mengwaga ye makgolo seswai, se sengwe boka seo.

<sup>88</sup> Gomme ba be ba lebeletše Mesia yo a tlago. Ba be ba kgobokane kua bakeng sa thapelo ya Paseka. E no nagana ka yona bjale! Hlogo ya bohole Bafarisei, Basadutsei, le e ka ba eng, kopano e tee ye kgolo, go rapela Modimo. Lefelo le lekgethwakgethwa, Jerusalema, tempele ya Morena, le batho ba Morena, ba tšere Morena Yenamong gomme ba Mmapotše, ka kotlo ya lehu. Selo se sebjalo!

<sup>89</sup> Bjale wona mantšu a mane, bona, “Fao ba bapotše Yena.” Bjale, le sa bontšha Beibele, le a bona. E no ba mantšu a mane, eupša Beibele e ngotlofatša Ditherešo tša Yona.

<sup>90</sup> Bjale, nna, ke swanetše go ya tsela go dikologa, go hlaloša se ke bolelago ka sona, eupša Beibele ga ya swanela go hlaloša selo. E no ba Therešo yohle, kafao be—be—be Beibele ga ya swanela go hlaloša e ka ba eng. Yona—Yona ga ya swanela go le hlaloša, ka gore yohle Ke Therešo.

<sup>91</sup> Mantšu a mane šea a ketane ya Yona ye kgolo ya Therešo. Ke tla leka go Le hlaloša. Gomme go leka go Le hlaloša, ka go hlweka, go tla dira bokgobapuku. Ga go tsela go nna go hlaloša mantšu a mane ale. Eupša bjale a re, ka thušo ya Gagwe Yo a Le dirilego go ngwalwa, go leka go hlaloša mantšu a mane a, go a tliša ka tsela ye e lego gore batho ba tla e kwešiša.

<sup>92</sup> Se re nago le sona pele ga rena bjale, re na le papolo ya mathomo e robetše pele ga rena; *lefelong* le lekgethwakgethwa, *batho* ba bodumedi kudukudu, *lehu* la dihlong kudukudu, go *Motho* yo bohlokwa kudukudu. Oo, ke thulano ye bjalo. Nna, oo, nna, ke kgobogo!

<sup>93</sup> Bjale a re tšeeng, pele, lentšu la pele, “fao.” A re boleleng ka lona metsotso e se mékae pele re tliša peomolato. Re tla ripaganya le le go le bontšha se ba bego ba se dira, morago re tla hwetša ge eba peomolato bya ka e nepile goba aowa. “Fao,” Jerusalema, lefelo le lekgethwakgethwa, gobane tempele e be

e le fao; lefelo le lekgethwakgethwa, gobane, yona, tempele, e be e le fao. Gomme Bajuda go tšwa gohlegohle lefaseng ba kgobokane go lefelo le letee le, mabala a go kopanela go rapela. Bontšintši... lefelo le legologolo go rapela le bego le le gona, le be le ka Jerusalema. Tempele e be e le fao. Seo ke, "Go ngwadilwe, 'Batho bohle ba swanetše go rapela ka Jerusalema,'" go lokile, gobane ke lefelogare la go rapela.

<sup>94</sup> Gomme lehono le a ba kwa, yo mongwe wa bona o nyaka go re, bona, "Oo, re tla go dikhonferense tše kgolo tše," moo dikerekemaina tše di nago le yona. Gomme—gomme ka gona re na le go—go bulwa ga... ka Vatican City, le—le ditaelo tše tša bomopapa, le go ya pele. Bona, yo mongwe le yo mongwe o re, "Bohle re swanetše go ya go mafelo a go kampa a Mamethodist, goba kho—kho khonferense ya Beibele ya Baptist." Goba—goba, "Bohle re swanetše go ya go—go Roma, le fao moo bogare bjo bogolo," ba a bitša, "bja Bokriste."

<sup>95</sup> Lebakeng la nako ya ntwa ya mafelelo, ge Roma e ewa, mašole a a Jeremane... Bontši bja lena bašemane le tseba ka se. Bona mašole a Jeremane ba ile morago godimo ka Vatican City kua, gomme ba be ba thunya Maamerika ge ba be ba batamela. Ngwanešu Funk, le Ngwanešu Roberson, le ba bantši, le Ngwanešu Beeler, le ba bantši ba baena bao ba bego ba le ka ntweng yela, ba a tseba. Gomme le a tseba ke eng? Re file ditaelo gore ba ka se kgone go thunya toropokgolo yela. Maamerika, le eme fao, gomme le be le le senepša go bona. Eupša ka West... Westminster Abbey ka... ka Engelane, le kgonne go thunya yeo gabotse; moo ke mo Maprotestant ba kgobokanego. Kafao go be go lokile go thunya yeo, eupša e sego go thunya Vatican. Gobane, bjalo ka Mopresidente Roosevelt... ke kwele polelo ya gagwe ge a—ge a e gaša bošegong bjoo, e bitšwa, Polelo ya thoko ga Mollo. O rile, "Ge Roma e wele," o rile, "dihlong tše bjalo, gobane Roma ke hlogo ya Bokriste bjohle." A le ka eleletša Moprotestant a bolela seo?

<sup>96</sup> Kafao lefelogare le legolo la bodumedi bja Bokriste, gabotse, re ya go—re ya go bea leo boka Jerusalema, ge le duma go. Ge le ka rata go dira seo, a re beeng leo ka Jerusalema. Hlogo ya tšohle tše dingwe tše, ma—ma—ma Masanhedrin, le—le ya Bafarisei, le ya Basadutsei, bohle ba bona ba ile godimo Jerusalema. Yeo ka kgonthe e be e le motsemošate.

<sup>97</sup> Gomme ka go bophelo bja mokgatlo, o swanetše go amogela gore Kereke ya Katoliki ya Roma ke mmago yohle ya yona. Ka kgonthe ke yena. Gomme e thomile go tloga go Pentecost. Ke moo ba fihlilego ge ba kgatlofaditše. Bjale rena, Maprotestant, re no ba dikgaetsedi tše nnyane go tšwa kerekeng yela. Gomme bjale a re re e tla ba fao ka Vatican, lehono.

<sup>98</sup> Goba, kua Jerusalema, bjalo ka ge go bile ka letšatši lela, "Ge batho bohle ba swanetše go tla Jerusalema go šoma... go

rapela." Gobaneng ba e dirile ka matšatšing a—a Jesu? Gobaneng ba rile batho bohle ba swanetše go rapela ka Jerusalema? Ka gore, fao go lefelo le tee feela mo Modimo a tla kopanelago le motho, leo ke ka tlase ga madi a sehlabelo. Ke ka baka leo ba ilego ba swanela go tla Jerusalema.

<sup>99</sup> Modimo a ka se tsoge a kopana le motho e ka ba kae gape eupša ka tlase ga Madi. Ge o gana Madi, gona lefelo la gago la kopano le Modimo le tlošitšwe. Modimo o dirile sephetho sa Gagwe sa mathomo ka serapeng sa Edene, gore motho o tla no Mo rapela feela ka tlase ga madi a tšholotšwego a sehlabelo. Gomme leo ke lefelo le nnoši leo Modimo a kopanego le motho nako yela, gomme leo ke lefelo le nnoši leo Modimo a kilego a kopana le motho.

<sup>100</sup> Gomme leo ke lefelo le nnoši A kopanago le motho lehono, ke ka tlase ga Madi a tšholotšwego a Sehlabelo. Le a bona? Ga ke kgathale ge e ba o Momethodist, Baptist, Presbyterian; ge le ka kgona go lebala diphapano tša lena, Katoliki ya Roma, e ka ba eng le ka bago yona, gomme la tla ka tlase ga Madi a tšholotšwego, Modimo o tla kopana le bobedi bja rena fale. Moo ke mo bohle re ka kopanago le go kopanela mafelong a go swana. Eupša, go sego bjalo, A ka se kopane feela gobane o Momethodist; A ka se kopane feela gobane le Mapentecostal. O tla kopana le lena ka tlase ga seemo se tee, seo ke, ka tlase ga Madi a tšholotšwego, ge dibe tša lena di ipoletšwe le go rakelwa ka Bogoneng bja Gagwe, nako yeo, ka Madi. Gomme Madi ka mehla a pele ga Gagwe, gomme kagona O kgona feela go go bona ka Madi ale a tšholotšwego. Gomme o yo mošweu bjalo ka leswele, le a bona, ge o ipoletše dibe tša gago. Go sego bjalo, ga o gona, o ka se kgone go kopanela.

<sup>101</sup> Leo ke lebaka gore ga le bone dilo di direga ka dikerekeng. Ba ipolela gore ba dumela Madi, eupša ba gana yona polane go fihla go Madi; Lentšu. Le a bona? Go na le tsela e tee feela Modimo a tla hlomphago Lentšu leo. O ka se tsoge wa hlompha Lentšu lela, wa tla gomme wa re, "Ke nna Mokatoliki wa Roma. Ke nyaka se go dirwa." O ka se kgone go e dira. Methodist, Baptist, goba Mapentecostal, o ka se kgone go e dira.

<sup>102</sup> Tsela e nnoši o ka kgonago go e dira ke ka tlase ga dikgaogelo tša Modimo, ka mogau wa Gagwe, ke go tla ka Madi a tšholotšwego a Jesu Kriste, go re, "Morena, ke teleima tshepišo." Le a bona? Gomme gona ge ka kgonthe o le ka tlase ga Madi ale, Modimo o tlemega go Lentšu lela. Eupša, sa pele, o swanetše go ba ka tlase ga Madi ale. Le a e bona bjale?

<sup>103</sup> Ga go makatše ga ba kgone go dumela go mehlolo. Ga go makatše ga le kgone go dumela go tša kagodimogatlhago. Ga go makatše ba a le ahlola. Lebaka la go swana ba le ahlotségo morago kua, ke lebaka la go swana ba le ahlolago lehono. Ba na

le molato ka mo molato o ka kgonago go ba. Ka baka la gore, ke feela ka tlase ga Madi a a tšholotšwego!

<sup>104</sup> Gomme bao ba ka lekago, ngwanešu tsoko yo monnyane yo a lekago, ka tlase ga boikokobetšo, go tše Modimo Lentšung la Gagwe, le go sepelela ntle kua le go bolela dibe tša gagwe, le go lebala ka moka dithutotaelo tše le dilo, le go ema fale ka tlase ga Madi le go A dumela, gona ba nyaka go mmitša “lehlanya.” Ba nyaka go mmea...bjalo ka ge re ka e bolela; ga se lentšu le lebotse go le šomiša mo phuluphithing, eupša gore le tle le kwešiše, yena ke “learogi.”

<sup>105</sup> Ka morago ga tšohle, a ga re maarogi? Le a bona, modumedi ke learogi go mosedumele, gomme mosedumele ke learogi go modumedi, kafao learogi ke mang? Le a bona? Molemi ke learogi go rakgwebo; rakgwebo ke learogi go molemi, le a bona, kafao yena ke mang, go le bjalo?

<sup>106</sup> Ke a le botša, phološo ke taba ya motho ka motho le Modimo, a nnoši, motho ka motho o tee, “go puruputša phološo ya rena beng ka poifo le thothomelo.” Gomme ga ke tsebe motheo wo mongwe, bjalo ka morutiši, mosong wo, goba bjalo ka modiredi go tšwa go Kriste, go feta go e bea fase godimo ga Lentšu. Nka se kgone go e bea godimo ga e ka ba eng gape.

<sup>107</sup> Bjale re hwetša fao, gona, gore feela ka tlase ga madi, gore Modimo o kopane le morapedi, kafao ba kopane ka Jerusalema.

<sup>108</sup> Gomme Kriste ke Kwana ye e filwego ke Modimo ya Sehlabelo. Gomme lehono go na le lefelo le tee feela moo Modimo a tla kopanago le motho, gomme leo ke ka tlase ga Madi a Jesu Kriste. Kae kapa kae gape, e ahlotšwe; Modimo a ka se tsoge a e kwa. O ka no dira mehuta yohle wa maikutlo, le mehuta yohle ya diism, le go šikinyega, le go taboga, le go ba le madi le mollo le muši, le se sengwe le se sengwe gape; eupša ge feela bophelo bjola bo sa bapetšwe le Lentšu, gomme Modimo a tsebagatša ka go tsenelela bophelo bjola, gona ga go bohlokwa bja go e leka, gobane o ka ntle. Gomme Modimo a ka se tsoge a kopana le yona go fihla e etla ka tlase ga tlhokomelo ya Madi ale. Yeo ke nnete.

<sup>109</sup> Kafao, le a bona, ka Lengwalong, re na le Jerusalema, Kereke e nayo; ke Legodimong, Jerusalema ya Legodimong, moo Modimo a lego Modimo. Gomme, lehono, ga se ka tlase ga thutotumelo tsoko goba se sengwe, seo re lekago go se dira Jerusalema. Re tla rata, Mamethodist, ba tla rata go, bjale, go rata go dira mo—mo motsemošate wa Methodist Jerusalema. Katoliki e tla rata go dira Roma. Gomme—gomme mafelo a go fapano moo re nago le motsemošate wa rena, re tla rata go dira woo wa rena...Jerusalema. Eupša Beibele e bolela, gore, “Jerusalema ya rena e tšwa Godimo, e lego mmago badumedi bohole.”

<sup>110</sup> Bjale, gomme Kriste ke Kwana ye e filwego ke Modimo. Hlokamelang ka fao e bilego maleba bjale, go bontšha gore

Jerusalema yela e be e goma. Neng? E be e le maatla go fihla iring yeo. Madi a kwana a be a lokile go fihla letšatši leo, eupša bjale mo papolong e a fetoga. Tshepedišo ya kgale e fedile. Go bile ye mpsha, gomme kwa—kwa Kwana e be e le go Sehlabelo. Kwana, Kwana ya sehlabelo, e be e le mabaleng. Ba be ba ahlola le go dira sona selo kua se ba bego ba swanetše go se dira. Yeo ke nnete.

<sup>111</sup> Modimo a šegofatšwe, bakeng sa go bona Seetša se sa go makatša sa Legodimong ka go letšatši le la mafelelo! Gobane, dikereke di dira selo sa go swana lehono. Go fihla iri ye bodumedi bja mokgatlo bo ahlolwago le go netefatšwa go ba bo dira Lentšu la Kriste sehlabelo, go tloga nako yeo go ya pele go tla Lentšu, gomme Lentšu le nnoši. Go tloga, kwana ya kgale ya paseka e fetile gomme Kriste o bile Kwana ya rena, ka letšatsi la papolo. Gomme letšatši leo kerekeleina e bapotšego Lentšu la Modimo le go amogela thutotumelo sebakeng sa Lentšu, leo ke letšatsi le Lentšu le tlago ka go khuetšo ya go tlala. Seo se sa tšwa go ba kgaußwana.

<sup>112</sup> Hlokamelang, sa bobedi. Sa pele, “fao,” Jerusalema. Sa bobedi, “bona,” bona. Bomang? Bajuda, barapedi. Naganang ka yona! Barapedi ka bobona ba be ba bolaya yena yo Yena yo ba bego ba tleleimilego go mo rapela. A o ka kgona go eleletša selo se sebjalo, bjalo ka banna ba bohlale bao ba bego ba le baprista, bao ba bego ba katišitšwe, bao ba bego ba na le grata ya dingaka go fihla ka kgonagalo ba tla . . . Bona, ba ile ba swanela go tšwa go moloko wo itšego pele ga bona . . . goba—goba moloko, pele ebile ba ka ba moprista. Ba be ba swanetše go ba Balefi. Botate ba bona e be e le baprista. Borakgolokhukhu ba bona e be e le baprista. Borakgolokhukhu khukhu khukhu khukhu khukhu khukhu ba bona e be e le baprista. Gomme ba ile ba swanela go phela bophelo bjo bo gafetšwego bjalo, go fihla, ntsekana e tee kgahlanong le bona, ba tla kgatlwa ka maswika. Ga go kgaogelo ye e bego e fiwa. Bokgethwa? Ka kgonthe, eupša bokgethwa bja maitirelo. Ba ile ba swanela go dira ka mokgwa woo, go laetša sefahlego sa bona bakeng sa kereke ya bona. “Ka gare ga bona,” Jesu o rile, “le tletše ka marapo a batho ba ba hwilego.”

<sup>113</sup> Nka kgona bjang go tliša peomolato thwi fale! Gomme motho yo a tsebago Leo go ba Therešo, Lentšu *le* go ba Therešo, gomme a tla itšimeletša go Lona, go laetša sefahlego pele ga mokgatlo wo mongwe, uh-huh, ke na le tokelo ya go ba bea molato, thwi, godimo ga Lentšu la Modimo.

<sup>114</sup> Hlokamelang, “bona,” barapedi, banna ba ba bego ba lebeletše tshepišo, banna ba ba bego ba e lebeletše, go kgabola mengwaga le mabaka, gomme ba se na le selo go dira eupša kgafetša ka seminaring yeo. Eupša ba arogantše Lentšu go ya ka thuto ya seminari, gomme ba be ba fošitše yona Therešo ya Lona. “Bona,” baprista, bodiredi bja letšatši leo! “Fao,” motsemošate wa bona, “bona,” bodiredi bja letšatši leo, bo be bo *bolaya* yena

Modimo, yona *Kwana*. Yena Yo ba tleleimilego ba be ba mo rapela, ba be ba mmolaya.

<sup>115</sup> Gomme, lehono, ke bea molato sehlopha se sa badiredi ba ba beilwego; ka go dithutotumelo tša bona le dikerekemaina, ba a bapola, go batho, yena Modimo yoo ba tleleimago gore ba a mo rata le go mo hlankela. Ke bea badiredi ba molato, Leineng la Morena Jesu, godimo ga thuto ya bona, ba ba tleleimago gore “matšatši a mehlolo a fetile,” le gore “kolobetšo ya meetsse Leineng la Jesu Kriste ga se ya lekanela gomme ga se ya loka.” Godimo ga e a ba lefe la Mantšu a, ao ba a dirilego kemedi ka dithutotumelo, ke ba ba bea molato, bjalo ka ba molato, le Madi a Jesu Kriste godimo ga diatla tša bona, go bapoleng Morena Jesu ka boswa, lekga la bobedi. Ba bapola Kriste, go setšhaba, ba tšeа go tšwa go bona selo se ba swanetšego go be ba se fa. Gomme ba dirilego kemedi ya se sengwe gape ka lefelong la Lona; thutotumelo ya kereke, bakeng sa botsebalegi.

<sup>116</sup> Šebale bona, “bona,” bona ba bego ba swanetše go be ba tsebile bokaonana. Ge e ka ba mang a ka be a tsebile bokaonana, go be swanetše go bile bona badiredi. Ge e ka ba mang a ka be a tsebile bokaonana, e be e swanetše go ba baruti ba letšatši le. Ge e ka ba mang a swanetše go tseba, di—di—di dipišopo, le bopišopomogolo, le—le badiredi, le dingaka tša bokgethwa, ba be ba swanetše go tseba go fapano. Eupša gobaneng ba sa kgone? Uh! A thulano! Re na le eng pele ga rena mo eupša thu—thu thulano! Ba tleleima gore ba rapela Modimo, gomme ba bolaya Mokgoma wa Bophelo. Bona, “fale ba bapotše Yena,” gomme šeba gape *ba* dira selo sa go swana, ka gore Yena ke Lentšu.

<sup>117</sup> Seo ke se A lego sona, feela ponagatšo ya Lentšu. Gomme seo ke se A lego sona lehono, ponagatšo ya Lentšu, go leka go hwetša yo mongwe go iponagatsa ka Boyena ka yena.

<sup>118</sup> Gomme batho ba ba rakela phuthego kgole go tloga go Modimo. Gomme—gomme ge eba go ne e ka ba eng e diregago, gomme e bolelwa ka phuthegong, ba e ahlola go tšwa sefaleng, go tšwa phuluphithing, gomme ba re, “Ke bohlanya. Dula kgole le wona!” Ka go dira bjalo, ba bapola Jesu Kriste ka 1963, gomme ba no ba molato bjalo ka mathaka ale ka . . . ka letšatši lela. Seo ke setatamente sa go befa, eupša ke therešo. Godimo . . . Seo ke tlwa se ba se dirago lehono.

<sup>119</sup> Gomme godimo ga mabala a, godimo ga mabala a go bapola Kriste, godimo ga mabala a go tšeа Lentšu le go Le tšeа go tloga go batho; ke tlwa se ba bego ba se dira kua. Lona Lentšu leo Modimo a bego a le bonagatša ka Morwa wa Gagwe Mong, go netefatša Le be le le, le Yena yoo ba tleleimilego gore ba mo ratile, Jehofa yoo a iponagaditšego Yenamong ka Mangwalo, o dirile tlwa se A rilego O tla se dira, tlwa se Modimo a rilego O tla se dira, le go Le bonagatša pele ga bona. Gobane lerato la dihlopha

tša bona tša kereke, le dilo boka tšeо, ba ahlotše Mokgoma wa Bophelo.

<sup>120</sup> Gomme ke ahlola seholpha sa go swana lehono, le go ba bea molato, go ba molato pele ga Modimo, ka Lentšu la Modimo, gore ba dira selo sa go swana. Moloko wo o bewa molato. Elelwang Bahebere 13:8, “O a swana maabane, lehono, le go ya go ile.”

<sup>121</sup> Ba Mmeile molato bjang? Gobane dithutotumelo tša bona ga se di Mo amogele, gomme tlase ka pelong tša bona ba tsebile go fapano. A Nikodemo, ka go tema ya 3 ya Mokgethwa Johane, ga se a e hlagiše gabotse? “Rabi, rena, Bafarisei,” bareri, barutiši, “re a tseba O morutiši yo a rometšwego go tšwa go Modimo, ka gore ga go motho a ka kgonago go dira dilo tše O di dirago ntle le ge Modimo a be a na le yena.” Le a bona? Bona phatlalatša ba e hlatseditše ka yo mongwe wa banna ba bona ba go tsebega, le go kgorometša . . . ka baka la dithutotumelo tša bona, ba bapotše Kriste.

<sup>122</sup> Gomme lehono ga go mmadi yo a sa kgonego go bala Ditiro 2:38 go swana le ge ke kgona go E bala, le ka moka ga Yona, go no swana le ge ke kgona go E bala. Eupša ka baka la dithutotumelo tša bona, le ka baka la dithekethe tša bona tša kerekeleina tše ba nago natšo ka potleng ya bona, maswao a sebata ao ba a rwelego go dikologa bjalo ka dikarata tša kopanelo; le go tsea dilo tšeо, ba bapola go bonabeng Jesu Kriste ka boswa, le go Mmapola pele ga setšhaba, le go rogaka yena Modimo yoo a tshepišitšego go dira Se, go tliša kahlolo godimo ga morafe.

<sup>123</sup> Bjale, fao, “bona,” e sego modiradibe. “Bona,” ke gore, kereke ya letšatši leo, ba hweditše phošo go Monna Yo a bego a le Lentšu. A yeo ke nnete? Ba hweditše phošo go Monna Yo a bego a le Lentšu. Bjale ba hwetsa phošo ka Lentšu le šoma ka monna. Le a bona, ba no e fetolanya. Yeo, e lego ka go motho, Wo, Moya wo Mokgethwa o šomago go kgabola, ke bohlatse bja Modimo.

<sup>124</sup> Ba tsebile bjang O be a le Kriste? Gobane mediro ya Gagwe e netefaditše se A bego a le sona. O rile, “Ke mang wa lena a ka go Nkahlolka ka sebe? Ge Ke se ka dira feela tlwa se Lengwalo le rilego Ke tla se dira! Gomme se . . . Yo mongwe o Mpotša mo Ke šitlwego felotsoko, ge Ke se ka laetša leswao le lengwe le le lengwe gore Ke nna Mesia, gore Ke nna yena Yena yoo le mo tshepišitšwego.”

Ba rile, ba rile, “Gabotse, re na le Moshe. Re dumela Moshe.”

<sup>125</sup> O rile, “Ge nkabe le dumetše Moshe, nkabe le Ntumela. Ge le . . . Moshe o bone letšatši la Ka gomme a duma go—go phela ka go letšatši le. Moshe o bone kgolekgole, le baprofeta. Gomme ke lena ba, le phela thwi kgauswi le Lona, gomme le a ahlola.” O rile, “Lena baikaketši,” o rile, “le kgona go hlatha sefahlego sa mafaufau, eupša leswao la nako ga le kgone go le hlatha.”

<sup>126</sup> Šelete lona, leswao la nako. Le Mmeile ka legorong lefe? “Lehlanya, monna wa segafa.” Ya, ba hweditše phošo go Monna Yo a bego a le Lentšu.

<sup>127</sup> O be a le Lentšu. Mokgethwa Johane, tema ya 1, e a le netefatša, “Mathomong go be go le Lentšu, gomme Lentšu le be le le go Modimo. Gomme Lentšu la dirwa nama, gomme la dula magareng ga rena.” O be a le Lentšu la Modimo le le phelago, ka gore O be a hlagiša Modimo ka Boyena. O be a ineetše go felela go—go Lentšu la Modimo, go fihla Yena le Lentšu ba be ba swana. Gomme seo ke tlwa se Kereke e swanetšego go ba sona lehono, gore Lentšu la Modimo le a swana.

<sup>128</sup> O ka kgona bjang go ba karolo ya Lentšu lela ge o gana ka kgonagalo tšohle tša Lona? Gomme lebaka le e dirilwego, ga se ka baka la batho; ke ka baka leo ke naganago Modimo o boletsé le nna ka go bitša batho ba Gagwe “boRicky” le “boRicketta.” Ke ka baka la dikerekemaina tša boikholo, di na le batho bale ba phela ntle kua ka tsela ye ba phelago. Ba bapotše Therešo. Gomme batho ba E bitša maroga, gomme ba E dira maroga, ke ra gore. Ba E bitša bohlanya, le go ya pele, le go se tsebe gore ba rogaka yena Modimo yoo ba yago kerekeng go mo hlankela.

<sup>129</sup> Kagona, ke bea sehlopha se sa baruti molato lehono. Ke bea moloko wo molato, ka Leina la Jesu Kriste, ka tlase ga maatlataolo a Lentšu la Modimo. Le Mmapola gape.

<sup>130</sup> Hlokamelang, “O a swana maabane, lehono, le go ya go ile,” Lentšu la Modimo le bonagaditšwe ka go monna.

<sup>131</sup> Bapetše Dikhalibari tše pedi le pharomolato ya tšona. Elelwang, “Gobane O itirile Modimo Yenamong, re ka se be le Monna yo a buša godimo ga rena.” Pharamolato ye ba kgonnego go e hwetša ke eng, ka go khansele mosong wola, ge ba bapotše Jesu? Gore, “O itirile Modimo Yenamong.” O be a le Modimo. “Gomme O robile Sabatha.” Gomme O be a le Morena wa Sabatha. Ba Mo ahlotše ka gobane gore O itirile Modimo Yenamong. “Ga o na le tokelo ya go dira se. Ga o na le tokelo. Baprista ba rena ba bagolo, ge eng kapa eng e etla, e tla ka baprista ba rena.” Bjale bapetša seo le Khalibari lehono.

<sup>132</sup> Ge, Modimo, go kgahlile Tate kudu, Modimo, Moya, go tsoša Morwa wa Gagwe Mong; o apešitše Maria, ka Moya wo Mokgethwa, gomme a tliša pele mmele wo o bego o ka kgona go Mo direla le go direla morero wa Gagwe go Yena. “Modimo o be a le ka go Kriste, botlalo bja Modimohlogo mmeleng, ka go Yena,” a bonagatša se Modimo a bego a le sona, go batho, go dira—go dira lefase ka moka go tseba se Modimo a nyakilego motho ka motho yo mongwe le yo mongwe go ba: morwa, le morwedi. O tšere Monna yo motee gomme a e dira. Gomme ka baka la gore O be a sa tšoenane le dihlopha tša bona tša mokgatlo, ba Mo ahlotše le go Mmapola.

<sup>133</sup> Bjale bapetšang Khalibari yela le lehono. [Lefelo la go se be le selo godimo ga theipi—Mor.] Ka baka la ditsholo tša mokgatlo, ka baka la go hloka kgahlego gare ga dirutegi tše di swanetšego go tseba Lentšu la Modimo le peakanyo; ka baka la se, Modimo a ka kgona go tsea sehlopha se sennyane sa batho se A ka kgonago go šoma ka sona, felotsoko, le go bonagatša Boyena, ba ba tla ikokobetšago ka bobona go Lentšu. Gomme ga ba kgone go bolela gore ga go bjalo.

<sup>134</sup> Ga se ba kgona go re Yena ga se a e dira, ka gore phuthego ya bona e be e le hlatse ya yona. E bile pele ga bona. Ga se ba kgone go e gana. Ga se ba kgona go gana dittleimi tša Gagwe, gobane, lona Lentšu leo ba rilego ba le dumetše, e bile Yena Yo a netefaditšego gore O be a le. Gobane, Modimo o tšere Lentšu leo le bego le swanetše go ba Mesia gomme a Le bontšha ka Monna, gomme ba ile ba swanela go Mo fediša. Ke tsela e nnoši ba bego ba ka kgona go ya pele, e be e le go fediša Mesia. Gomme ba e dirile ka bofou le go hloka tsebo, go sa kgathale thuto ya bona. Ba be ba le ditswerere, bohlale; polelo ya selefase.

<sup>135</sup> Bjalo ka ge re bapeditše bošegong bjo bongwe, ge Seetša se rathile mmuši yo moswa wa mohumi, lebelelang se a se dirilego. O ganne; monna wa setswerere. Paulo, monna yo mongwe wa setswerere, Seetša se mo rathile. O dirile eng? O Se amogetše. O e lebetše, tšohle a kilego a di tseba, gore a ke a tsebe Kriste. Seo se dirile bophelo bja gagwe go swanela Ebangedi. (Molaetša wa Lamorena la go feta bošego.)

<sup>136</sup> Šeo Yona lehono. E ratha mohlomongwe monna tsoko yo monnyane, yoo a ilego kgole, o bile le pitšo ya Modimo, o ikwetše, o ile go seminar ye nngwe gomme a ithuta thutotumelo ye e itšego. O swanetše go phela ka thutotumelo yeo goba go neela karata ya gagwe ya kopanelo. Ge a dira, o swailwe boso, ga go yo mongwe gape a tla bago le yena, gobane gatee o be a le wa se sengwe gape gomme bjale ga se wa sona. Ba eleletša go na le se sengwe sa phošo ka monna yola, gomme ba ka se be le yena ka phuthegong ya bona. Ge, phuthego e lebeletše feela leswao le tee, ke gore, ge a dumela se ba se dumelago.

<sup>137</sup> Ge a na le karata, ge a le Momethodist, ge a le karata . . . ke wa kopanelo ye nngwe, goba Mooneness, goba Mothrinitarian, goba e ka ba eng e ka bago, kereke ya Modimo, goba ka go dikgao tša Pentecostal, le dikgao tšohle tsela. Ge a swere karata, ba ikwela gore motsemošate o mo lebeletše godimo, le go leka monagano wa gagwe, le go mo fa teko ya molekolamenagano, gomme o bone ge eba I.Q. ya gagwe, e be e le godimo go lekanelo gore a kgone go bolela pele ga bona. Ge a sa dire, ba a mo gana. Yeo ke nnete.

<sup>138</sup> Eupša, le a bona, phuthego e swanetše go be e šeditše seatla sa Morena, go bona ge eba Modimo o mo file tlhomamišo ya gagwe goba aowa. Seo ke se re swanetšego go be re se lebeletše. Eupša lehono ba bapotše mo—mo—mo Morwa wa Modimo ka

boswa. Ge, motho o a kgona, ka mogau wa Modimo, go bitšwa ke Modimo, go dumelela Modimo go bonagatša Yenamong ka yena. “Mediro ye Ke e dirago le tla e dira le lena,” O boletše. Hlokamelang letšatši le re phelago ka go lona!

<sup>139</sup> Ba, ba tšea, ba—ba tšea yona—yona Khalibari, re ka kgona mosong wo, le lona lebaka. Bjale, ba tsebile gore e be e le Therešo; eupša ka baka la mona, kgethologanyo. Jesu o rileng go bona? “Ge Ke lelekela bodiabolo ntle ka monwana wa Modimo, gona ke mang—ke mang le ba lelekelago ntle ka yena? A nke ba be moahlodi wa lena, le a bona, ge Nna ka monwana wa Modimo ke lelekela bodiabolo ntle.”

<sup>140</sup> Bjale, feela boka le ba kwele ba re, “A o ka netefatša ke monwana wa Modimo?” Ke tla rata go bona, ke tla rata go kwa potšišo yela e botšišitšwego Yena. Ba be ba le ditswerere kudu go seo.

<sup>141</sup> Hlokamelang, “Ka gobane O itirile Modimo Yenamong,” gomme O be a le Modimo. “Gomme re ka se be le Yena a buša godimo ga rena.”

<sup>142</sup> Eupša bjale selo, selo sa kgale sa go swana se tla gape, “Beibebe yela e ngwadilwe ke motho,” ba a bolela. “Ga ra swanela go phela ka Yeo.” Yeo ke ya Modimo. Leo ke Lentšu la Modimo. Ke Modimo, Yenamong.

Ke be ke bolela le monna maabane, o rile, “Gabotse, monna tsoko a ka no ba a ngwadile Beibebe yela.”

Ke rile, “Ee, go bile. Leina la Gagwe, re Mo tseba bjalo ka Modimo.”

<sup>143</sup> E ngwadilwe ka go mengwaga ye dikete tše nne go arogana, go nyakile, Mangwalo, morago go tloga go Jobo, tselo yohle go ya go Testamente ye Mpsha, gomme e ngwadilwe makgolo ka—ka... le makgolo a mengwaga go arogana; gomme e ngwadilwe ke banna ba go fapano, gomme bona ba sa tsebe yo mongwe, ka dikarolong tša go fapano tša naga, gomme ga go Lentšu le tee la Yona le tla ahlolago le lengwe. Ke hlohlala e ka ba mang go tla ka tlase ga Madi a Jesu Kriste le go tleleima tshepišo e ka ba efe ka Fale! Modimo o tlamegile go Le hlokomela.

<sup>144</sup> Eupša ba ka se e dire. Ba tla tla, ba re, “O Morena, ke nyaka go dira se sengwe. Mphe mpho ye kgolo. Haleluya, Morena! Letago go Modimo, ke a dumela ke e hweditše. Haleluya!” E ka se tsoge ya šoma. O ka no tliša pele bontši bja saekolotši, eupša e ka se šome.

<sup>145</sup> Modimo o swanetše go lemoga tshokologo yela. Modimo o swanetše go dira seo. Re ka kgona go bolela bontši go bapa mothalo wola, eupša ke a holofela le—le a kwešiša.

<sup>146</sup> Lebelelang, eupša bjale ba ka se be le Lentšu le buša godimo ga bona. Ke re, “Yo mongwe le yo mongwe wa lena boang

morago. Le kolobeditšwe ka phošo. Le kolobetšwa ka kerekeng ya Katoliki."

<sup>147</sup> "Ke wena mang go re botša seo?" Ga se nna; ke Lentšu. "Eupša ke a le botša, re—re a dumela . . ." Ga ke kgathale se le se dumelago; ke se Beibele e se bolelago. "Eupša ga ra swanela go phela ka Leo."

<sup>148</sup> O a e dira, goba o ka tlase ga kahlolo ya Beibele ye. Ka gore, "Mang kapa mang yo a ka tšeago Lentšu le tee go tšwa go Lona, goba a oketša le tee go Lona, wa go swana o tla ntšhwa, karolo ya bona, ya Puku ya Bophelo," a nke a be modiredi, monna wa moruti, goba e ka ba mang a lego. O swanetše go tla ka tlase ga pušo ya Lentšu le, ka gore Ke Modimo. Beibele e re Ke Modimo.

<sup>149</sup> "Re ka se be le Lona le buša godimo ga rena." Ba tšeа dithutotumelo tša bona, le dikerekemaina, le tša bona—tša bona dilo tše nnyane tša lefeela tše ba dumelago go tšona, gomme di beilwe ke dikhansele tša monna, le go e tšeа sebakeng sa Lentšu la Modimo.

<sup>150</sup> Ba dirile eng? Ba tšeа Baraba, mmolai, sebakeng sa Morwa wa Modimo, mo letšatšing la papolo ya mathomo.

<sup>151</sup> Gomme lehono ba tšeа lentšu la monna yo mongwe, leo e lego maaka le tsela ya lehu, le go gana go tšeа tsela ya Bophelo, Lentšu la Modimo. Ke ahlola moloko wo, go o bea molato, ka go Lentšu la Morena, gore ba phošo. Ba molato wa go bapolwa, goba go leka go bapola Moya.

<sup>152</sup> Ba bitša tsošeletšo, mogohle. Le ya go ba le tsošeletšo bjang ge Lentšu Lonamong le sa kgone go šoma ka batho? Ke tla rata yo mongwe go nkarabela seo. E ka kgona bjang go dira, ge le gana yona Tsošeletšo ka Boyona? Moprefeta o boletsé gabotsé ka bona, "dibopego tša bomodimo." Dibopego tša bona beng, morago kua, ba ganne Lentšu la Bophelo. Dibopego tša bona beng, lehono, ba gana selo se se ka kgonago go ba tlišetša tsošeletšo; dithutotumelo le dibopego tša bona. Ee, mohlomphegi.

<sup>153</sup> Ba tšeа kerekleinia le dithutotumelo tša bona sebakeng sa le—le Lentšu, gomme seo se bapola Lentšu la Gagwe le go dira Lentšu la Gagwe go hloka maatla go batho. Ge ba bona Lentšu la Modimo ka go hlaka le go no ipea Lonamong, gore Modimo o dirile tshepišo O tla dira se, gomme Yena šo o a e dira, gomme ba dira metlae ka Lona gomme ba tloga go Lona, ke maroga. Gomme ba leka go bapola Lentšu ka Bolona.

<sup>154</sup> Gobaneng ba Le bapola? Ga ba kgone go bapola Lentšu gape go feta ba ka bapola Modimo. Ba kgonne go bapola mmele woo o swerego Modimo, Morwa wa Modimo. Ba kgonne go bapola woo, eupša ba ka se kgone go bapola Modimo. O be a swanetše go ba, nako yeo, ka baka la go ba Sehlabelo, go tliša ka gare barwa ba bantsi ba ba kgethetšwegopele go ya Bophelong bjo Bosafelego. Ba ile ba swanela go e dira nako yeo, eupša ba ka se kgone go e

dira bjale. Ba ka se kgone go e dira, ka gore Lentšu Lonamong le tla phela go ya pele. Eupša ba . . .

<sup>155</sup> “Ba dira eng? Ba dira bjang? O bolela eng gona, moreri? Ka fao o agago sefala sa gago mo, gore ba Mmapotše, gona?”

<sup>156</sup> Ba bapola khuetšo ya Ebangedi godimo ga batho, ka dithutotumelo tša bona. Yeo ke papolo. Gore moo setšhaba se dutšego ka go mebušara ye megolo ye, e bitšwago dikereke, dikerekemaina, le go thala mothalo wa thutotumelo, gomme seo se bile . . . Lentšu la Modimo le ka se be le khuetšo godimo ga bona, gobane ba—ba ahlola tšona dilo tše Kriste a rilego di tla direga. Ga e no tla go ya ka thutotumelo ya bona.

<sup>157</sup> Gomme le Jesu ga se a tla go ya ka kwešišo ya bona ya Gagwe a etla. O tlie ka tsela ye Modimo a Mo romilego, gomme O tla tlwa le Lentšu. Ga go makatše O rile O be a “Le utetše mahlo a ba bohlale le ba tlhaologanyo, le go Le utolla go masea ao a tla ithutago.” A le a kwešiša?

<sup>158</sup> Oo, ba bapotše khuetšo ya Lentšu. Ke na le sehlopha sa Mangwalo mo. Nka no tsopola a mabedi goba a mararo a wona. Ba a Le bapola.

O re, “Ba bapotše Lentšu bjang?”

<sup>159</sup> Ge Jesu a boletše gore O a swana maabane, lehono, le go ya go ile, Bahebere 13:8; ba re, “Ka tsela ye bjalo O bjalo.” Le a bona? Go lokile.

<sup>160</sup> Gomme Jesu o rile, taelo ya Gagwe ya mafelelo go Kereke, “Eyang lena ka lefaseng lohle,” Mareka 16, “eyang lena ka go lefase lohle, gomme le rere Ebangedi. Maswao a a tla latela bona bao ba dumelago. Lefase lohle; go sebopiwa se sengwe le se sengwe!” Gomme ga se ya be ya fihla seripa bjale. Gomme go na le dimilione tše di hwago, ngwaga wo mongwe le wo mongwe, tše di sego, ga se nke ebile tša kwa Leina la Jesu. Kafao, e sa le ditaelo kakaretšo. E sa le taelo ya Modimo. “Lefase lohle, le go rera Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa; yo a sa dumelego o tla lahlwa. Gomme maswao a a tla ba latela bona ba ba dumelago: Leineng la Ka ba tla rakela bodiabolo ntle; ba tla bolela ka maleme a maswa; ge ba ka swara disephente, goba ba nwa dilo tše di bolayago, di ka se ba gobatše; ge ba Bea diatla tša bona godimo ga balwetsi, ba tla welwa ke maruru.”

<sup>161</sup> Gomme ba re, “Yeo e be e le wa moloko *woo*,” gomme ba dira taelo ya Modimo go hloka maatla go Le, gomme ba bapola khuetšo ya Lentšu go batho. Amene.

<sup>162</sup> Petro o rile, ka Letšatši la Pentecost, le dikgonyo go ya Mmušong; tše Kriste a sa tšogo mo fa tšona, “E ka ba eng o e bolelago fa, Ke tla e bolela godimo Fale.”

<sup>163</sup> Gomme ka Letšatši la Pentecost ba botšišitše se ba ka se dirago go amogela Moya wo Mokgethwa, gore ba be ba ipshina

ka Wona kudu; ba bogetše ba bangwe ba dira se ba bego ba se bitša bošilo; ba thekesela, le go taboga, le go wa, le go dira mo o ka rego ba be ba tagilwe.

Gomme bona, ba re, “Banna ba ba tletše ka beine ye mpsha.”

<sup>164</sup> Eupša go be go le monna a eme, ka leina la Petro, yo a swerego dikgonyo tša Mmušo, gomme o rile, “Ba ga se ba tagwa,” Ditiro 2, “bjalo ka ge le nagana, go boneng ke iri ya boraro ya letšatši. Eupša se ke seo se boletšwego.” Le a bona, thwi morago go Lentšu gape, go laetša gore Moya o sa le Lentšu, gomme Lentšu e sa le Moya, Lentšu la Modimo. “Gomme go tla tla, bjalo ka ge go boletšwe ke moprofeta Joele, Joele 2:38. ‘Gomme go tla tla go phethega mo matšatšing a mafelelo, go boletše Modimo, Ke tla tšollela Moya wa Ka ntle godimo ga nama yohle.’”

<sup>165</sup> Theetšang moprofeta yola a emego fale. Mo lebeleleng, ntle le poifo, a eme fale godimo ga sehlopha sela, gomme a ba ahlola, a ba bea molato. O rile, “Le ke Lengwalo! Se ke seo se boletšwego ke moprofeta! ‘Ke tla tšollela ntle Moya wa Ka godimo ga nama yohle. Barwa le barwedi ba lena ba tla profeta. Godimo ga balata ba Ka le bahlankagadi Ke tla tšollela ntle Moya wa Ka; gomme Ke tla bontšha maswao ka magodimong godimo, le lefaseng; mollo, le dipilara tša muši, le moyameetse.’” Go O netefatša ka Lentšu, gore O be O le Lentšu.

<sup>166</sup> Gomme ba segile le go dira metlae ka Wona, gomme ba ile kahlolong. Gomme toropokgolo ya tshungwa, gomme ba ja bana ba bona seng. Gomme lehono ke batho ba go šwalalana go kgabola lefase lohle, go bontšha Moya wo Mokgethwa o sa dutše o le Lentšu la Modimo, go tliša Lentšu le go Le dira le phele.

<sup>167</sup> Jesu Kriste o be a le Motho, Monna, Modimo. Haleluya. O be a le ponagalo ya Modimo. O be a le Modimo ka sebopego sa mmele, go bonagatša Lentšu la Modimo la lebaka leo, go dira lebaka leo go bona tshepišo ya Modimo bakeng sa lebaka leo.

<sup>168</sup> Gomme Moya wo Mokgethwa ke selo sa go swana lehono. Ke Moya wa Modimo godimo ga Lentšu le le ngwadilwego, o leka go hwetša yo mongwe go iponagatša ka Bowona go lebaka le, go netefatša gore O a swana maabane, lehono, le go ya go ile. Mokgethwa Johane 14:12, “Mediro ye Ke e dirago le tla e dira le lena.” “Jesu Kriste wa go swana maabane, lehono, le go ya go ile.” Le a bona, kgafetšakgafetša o leka go hwetša tsela ya Wona go iponagatša ka Bowona.

<sup>169</sup> Gomme ga se ba kgona go e dira. Batho ba naganne kudu ka dikerekemaina tša bona, dihlaga tša bona tše dinnyane tše ba bilego le tšona, le go ya pele, di bitšwago “dikereke tša bona,” kafao ga se ba ke ba o theeletša. Kafao ba e dira lehono, selo sa go swana, go bapola ka boswa.

<sup>170</sup> Petro, ka Letšatši la Pentecost, o rile, “Lena banna ba le dulago ka Jerusalema, ka Judea, kwang mantšu a ka. Ba ga se ba

tagwa. Ge le ka ema tuu, ke tla le laetša se e lego sona.” Gomme o ya pele le go ba hlalošetša.

<sup>171</sup> Ge dipelo tša bona di hlabega, ge ba kwele Se, ba rile, “Re ka dira eng go phološwa? Re ka dira eng go amogela Se? Re kgodišegile gore lentšu la gago le a rereša.”

<sup>172</sup> “O rile, Sokologang, yo mongwe le yo mongwe wa lena, gomme le kolobetšweng Leineng la Jesu Kriste tebalelong ya dibe tša lena, gomme le tla amogela neo ya Moya wo Mokgethwa. Ka gore ye ke ya lena le bana ba lena, bona ba ba lego kgole, le ba bantši ba Morena Modimo wa rena a tlago go ba bitša. Se ke se ba swanetšego go se dira. Sokologang, gomme le kolobetšweng Leineng la Jesu Kriste.”

<sup>173</sup> Gomme, lehono, kereke ya Katoliki ya Roma e tšere, “Tate, Morwa, Moya wo Mokgethwa,” go tšea lefelo la Leo. Sebakeng sa Leo, selalelo. “Ntšhetša leleme ntile gomme o tšee senkgwana, gomme moprista o nwa beine, gomme le ba batee mmogo.” Sona “selalelo,” sebakeng sa go ba Moya wo Mokgethwa, se bitšwago, “Eucharist ye sekgethwa.” Gomme “Tate, Morwa, Moya wo Mokgethwa,” kolobetšo ya thrinitarian, ge ebile e se ya bolelwa ka Beibeleng. Leina la Tate, Morwa, Moya wo Mokgethwa ke Morena Jesu Kriste. Gomme ge le bontšha gore go moloko wo wa go kgopama . . .

<sup>174</sup> Bjalo ka ge Petro a boletše, “Ipolokeng lenabeng go tšwa go moloko wo wa go kgopama.”

<sup>175</sup> Ge o Le laetša go bona, ba dira eng? Ba dira metlae ka Lona, gomme ba re, “Kereke ya rena ga e Le rute ka tsela yeo.” Gona le molato, le molato wa go bapolwa ga Jesu Kriste, ka go tloša maatla a Modimo go batho. Le bapola lona Lentšu go bona, gomme le ikahlola ka bolena le phuthego ya lena, le ba etepele go ya ka molabeng wa lehu.

<sup>176</sup> Bjalo ka ge ke boletše ka modiredi yola Lamorena la go feta, e be e le Martin Luther King tlase kua le bona batho ba bohlokwa, go ba hlahlela thwi ka go molaba wa lehu. Oo, ge yo mongwe a ka no bolela le monna yola! Ke duma nka kgona. Feela bakeng sa kgaruru ye nnyane sa tšhišinyo ya sekolo, le a bona, goba sengwe . . . Phapano efe? Nna, mmalo! Ge batho ba se na pelo ye e lekanego go amana le monna ka baka la mmala wa gagwe, ba ahlotšwe le go hwa, go le bjalo. Setšhaba se ba fa tokelo. Le se ke la lwa kgahlanong le yona. Le se ke. Go ka reng ge yo mongwe a rile bohole Mairishi goba yo mongwe, bohole Mojeremane, goba yo mongwe gape, ba swanetše go kgethologana? Seo se ka se tsoge sa tshwenya Bakriste. Ba tla sepelela pele thwi. Gomme monna yola ke Mokriste. Bjalo ka—bjalo ka modiredi, ga se a swanelo go etapele bona batho go ya ka go kgwabo kgahlanong le seo. Ba ya go hlola dimilione go hwa. E tla thoma mpherefere wo mongwe. Gomme Ke dihlong go dira seo.

<sup>177</sup> Selo sa go swana se direga thwi fa, tlwa selo sa go swana gape. Yeo ke nnene. Le a bona? Batho, ka fao gore ge feela ba ka lebelela go Therešo le go bona se Therešo e lego. “Kereke ya rena ga e dumele seo. Re na le tsela ye nngwe.” Gabotse, ga se tsela ya maleba. Ga se selo.

<sup>178</sup> O rile, “Sokologang, gomme le kolobetšweng Leineng la Jesu Kriste bakeng sa tebalelo ya dibe.” Bjale ba ka se e dire. Oo, gona ba dirile eng? Bjale seo e no ba selo se tee, godimo ga makgolo. Re tla fihla go, mohlomongwe, ka lebelo ka mo re ka kgonago.

<sup>179</sup> Bjale papolo ya bobedi, gona. Ge motho a amogela “Tate, Morwa, le Moya wo Mokgethwa,” thu—thu thutotumelo sebakeng sa Lentšu, dithaetlele sebakeng sa Leina, o dira eng go batho? O bapola khuetšo ya Lentšu go batho, ge a bolela, gore, “Mareka 16 e be e no ba bakeng sa moloko *wola*.”

<sup>180</sup> Gomme Modimo o rile, Yenamong thwi fao, Jesu a bolela le bona, a re, “Eyang lena ka lefaseng lohle, gomme le rere Ebangedi go sebopša se sengwe le se sengwe. Yo a dumelago gomme a kolobetšwa o tla phološwa; yo a sa dumelago o tla lahlwa. Gomme maswao a a tla ba latela . . .” Bokgole bjo bokae? Setšhaba se sengwe le se sengwe, thutotumelo ye nngwe le ye nngwe, leleme le lengwe le le lengwe, morafe wo mongwe le wo mongwe, batho ba bangwe le ba bangwe, Ebangedi ya go swana. “Gomme maswao a a tla latela bona ba ba dumelago.” Gomme ge monna a leka go ripa Leo go tšwa Beibeleng, o bapola khuetšo ya Ebangedi go phuthego yeo. Kafao ke ba Bea molato, Leineng la Jesu Kriste! Le na le molato wa go bolaya Morena!

<sup>181</sup> Kereke e Mo hloile. Gobaneng? O be a le yena Modimo wa bona. Ba Mo hloile, gomme ba Mo ganne go ba Mesia wa bona. Aowa, mohlomphegi, ba be ba sa nyake Mesia yo mobjalo ka yoo.

<sup>182</sup> Gomme lehono kereke e dira selo sa go swana. E gana Lentšu. Ga ba Le nyake. Le kgahlanong le se ba se rutilwego go dumela ka dithutotumelo tša bona.

<sup>183</sup> Gomme Lentšu ke Mesia. A le dumela seo? Gabotse, ponagatšo ya Lentšu gona ke eng? Go bonagatša Mesia, e lego Moya wo Mokgethwa magareng ga rena. O iponagatša Yenamong, o leka go, e ka ba kae A kgonago go hwetša lebone leo A kgonago go lebelela ka lona, leo le sego la tlala muši ka dithutotumelo le dilo, A ka kgonago go fa Seetša go kgabola.

<sup>184</sup> Elelwang, “ba tsogile le go lokiša mabone a bona,” le go hlatswa ntle ditšhimine, eupša go thari kudu. Kafao ge monna a bona Malutheran a, Presbyterian, Mamethodist, ba leka go tsena ka gare ka go matšatši a a mafelelo go amogela Moya wo Mokgethwa, gobaneng, le a tseba ga ba O hwetše. Gabotse, ba ka no bolela ka maleme le go tabogela godimo le fase, eupša šetšang se se diregago. Ka go felela ba . . . Ke leswao la nako mo a fedilelong.

<sup>185</sup> Bontšintši nako efe kapa efe, ke—ke Kereke e ka kgona go kwa tlhohlo, go, “Etla Godimo!” Amene.

<sup>186</sup> Feela tlwa go dula feela ka lenaneo. Moya wo Mokgethwa fa o dira Jesu Kriste kgontha ka bona bao A kgonago go šoma ka bona, a netefatša Yenamong; a tla fase, a tšeа seswantšho sa Gagwe, a se laetša, a dira saense go tšeа, go bolela ka sona, le se sengwe le se sengwe gape, go netefatša feela tlwa se A boletšego gore O tla se dira. A dira tlwa dilo tše A boletšego gore O tla di dira, ka Mangwalo. Bjale, e sego thutotumelo tsoko, goba kgopoloo tsoko ya motho ya maitirišo, madi a mantši, mollo, le muši, le dilo; eupša bohlatsa bja Bomesia bja Lengwalo. Ba na le dikekišo tše ntši, le baekiši, le—le go ya pele; eupša seo se dira feela Lentšu la kgontha go phadima bokaonekaone bja Lona, yeo ke nnete, a dumelala batho ba e lego ba semoya, ba ba kgonago go ahlola gare ga go nepagala le go fošagala. Le a bona?

<sup>187</sup> Ba a Mo gana! Ba ganne Mesia wa bona, “Re be re sa Mo nyake.” Gomme selo sa go swana ba se dirago lehono, “Gabotse, ge eba ke swanetše go ya tlase fale le go itshwara boka sehlopha sela, ga ke O nyake le gannyane.” Go lokile, gona ga o ne Wona, le gannyane. Ke phetho. Le a bona? Go swana le bjale.

<sup>188</sup> Le ge A tsebagaditšwe ka maleba, ba be ba sa Mo nyake. Ba Mo hloile. Gobaneng e bile? Re bitša badiša ba bona sehlopha sa “dinoga.” O rile, “Lena sehlopha sa maboto a mašweu. Ga le selo eupša serapa sa mabitla. Bokantle bja lena le phatsimisitšwe ka diaparo le dikholoro go dikologa, gomme bokagare ke marapo a batho ba ba hwilego.” Ga se A ke a goga matswele. Mogaleli yo motee yo monnyane wa nthathana, morwa wa mmetli, eupša ga se A goga matswele. O ba boditše.

<sup>189</sup> “Le se ke la nagana,” Johane o rile, pulamadibogo ya Gagwe, o rile . . . Ke yo mongwe a sego a ke a goga matswele. O rile, “Le se ke la tla go dikologa mo le bolela ka fao le nago Abraham go tate wa rena. Modimo o kgona ka matlapa a go tsošetša Abraham bana.” Ee, mohlomphegi. “Selepe se beilwe modung wa mohlare, gomme mohlare wo mongwe le wo mongwe wo o sa tlišego kenywa o matlolelwa fase gomme wa lahlelwa ka mollong.” Ee, mohlomphegi. Modimo o gagametše, o tiile le go tsetsepala ka Lentšu la Gagwe. Ee, mohlomphegi.

<sup>190</sup> Hlokamelang, Jesu, o kgonthišitšwe ke Lengwalo! A le a nkwa? [Phuthego e re, “Amene.”—Mor.] Jesu o tsebagaditšwe ke Modimo, ka Mangwalo, gore O be a le Mesia. A yeo ke nnete? Re tla fihla go peomolato ya Petro, mo metsotsong e se mekae, gomme le tla hwetša ge eba e be e le goba aowa. O tsebagaditšwe ka go tsenelela, gore O be a le Modimo a bonagaditšwe ka go Monna, a bitšwago Morwa wa Modimo. Yeo ke nnete. Le ge, O be a tsebagaditšwe ka maleba le go hlatsela Lentšu le le tshepišitšwego, gore O be a le Mesia. Moshe o rile, “Mesia yo, ge A etla, O tla ba moprefeta,” gomme dilo tšohle tše di tla direga.

<sup>191</sup> Mosadi yo monnyane ka . . . a eme sedibeng, le sohle seemo seo sa ditšhila a bego a le sona, seo se swantšhitše eng? Gore Modimo mo matšatšing a a mafelelo o tla gogela ntle balahlwa.

<sup>192</sup> Elelwang bošegong bja go feta, mo lenyalong . . . Goba, nako ye nngwe ke rerile fa. Ka selalelong sa monyanya, ba boletše ka fao ba boletšego. “Ke dirile monyanya wo mogolo, le go ya pele. Gomme banna ba bohole, ke ba laleditše, gomme yo mongwe le yo mongwe o bile le boitshwareletšo. ‘Nka se kgone go e dira, gobane e tla senya dithutotumelo tša rena. Nka se kgone go tla, ka gore ke na le wa ka . . . Ke nyetše mosadimogatša; a ka se ntumelele go tla. Nna, ke—ke nyetšwe go kereke tlase mo. Mme wa ka e be e le Momethodist, goba Mobaptist, goba Mokatoliki, goba Prote—. . . Ke no se kgone go emela Seo.””

<sup>193</sup> O rile, “Gomme le ka se tle. Gomme le ka se latswe selalelo sa Ka! Eupša ba ya ntle kua le go gapeletsā bommalegogwana le bommalegogwana, le matagwa, le e ka ba eng e lego fao. Ba tlišeng ka gare, gomme Ke tla ba otolla. Ke dirile selalelo sa Ka, le baeng ba Ka—ba Ka . . . Tafola ya ka e tekilwe, gomme go ya go ba yo mongwe fale.” Ga se ba tla. O be a ba ahlola bona Bajuda.

<sup>194</sup> Go reng ka lehono? “Ke—ke—ke nna wa Presbyterian. Nka—nka se kgone. Ke nna Momethodist, Molutheran. Ke nna mooneness. Ke nna motwoness. Ke nna se. Nka se kgone. Nka se kgone.” Ke lena bao. O ka se be fao nako yeo! Seo ke tlwa se A se boletšego. Go lokile.

<sup>195</sup> Ka maleba o hlatsetšwe, Mesia. A hlatselwa ka maleba, Lentšu, Lentšu le le tshepištšwego. Modimo yo a tshepištšego Lentšu, gore se Mesia a bego a tla ba sona, so O a tla gomme o eme tlwa. O rile go bona, “Bjale, Ke šitilwe kae? Ge le sa kgone go Ntumela bjalo ka Motho, dumelang mediro ye Ke e dirago; ka gore ke dilo tše di bolelagore Ke nna Mang. Ke yona yeo e rego Ke nna Mesia. Ga le nyake go Ntumela, gobane le nagana ka Josefa godimo fale . . . Gomme Ke belegwe godimo fale ka go ngwakwana wa bjang wo monnyane wola, gomme—gomme tate mohlokemedi wa Ka fa ke mme—mme mmetli tlase fale. Gomme—gomme lena . . . ”

<sup>196</sup> Ge A etla ka Galelia kua, bona, gomme o be a eya go dira . . . Ba rile, “Hei, Moisa yo ke Mang? Ke Mang Yo? Gabotse, Monna yo, a ga se . . . A boJose le bona bohole ga se bana ba Babo fa? A dikgaetsedi tša Gagwe ga di ne rena? A mme wa Gagwe ga a bitšwe Maria, gomme papa wa Gagwe a bitšwa Josefa? Kae, le hweditše kae Mothaka boka yola? Ke sekolong sefe A tšwago go sona? Ga A ne karata ya kopanelo. Yena, Yena ga a ne ditshwanelego tše itšego. Ke kae Mothaka wa go swana le yoo . . . Le hweditše kae yo, go le bjalo?”

<sup>197</sup> Gomme Beibele e rile O be a—O be a kgopilwe. O rile . . . Mediro ye mentši ye maatla ga se A kgone go e dira; gomme o nno retolla mokokotlo wa Gagwe le go sepela go tloga go bona. O

rile, "Moprefeta ga a hloke tlhompho ntle le ge a le magareng ga batho ba gagwe mong, le a bona, ka go nagafelo la gagwe mong," šetšang, "goba naga ya gabon mong."

<sup>198</sup> Šole Yena, a hlatseditšwego ka tshwanelo, Mesia. Ga se a itšeеле moputso wa Gagwe mong. O rile, "Ga Ke kgone go dira selo eupša se Ke bonago Tate a se dira." Gomme O ba hlohli le go botšiša ge eba yoo e be e le Mesia.

<sup>199</sup> Gomme lebelelang mosadi yola yo monnyane wa kgale wa tumo ye mpe; o ile a e lemoga. O, o be a se a kitelwa. Lebone le be le se... O be a le phošo ka maitshwaro, ka nnete. Ga go yo motee a ka dumelago seo. Melao ya Modimo e ahlola seo. O be a le phošo ka maitshwaro. Eupša o...

<sup>200</sup> Le a bona, Modimo ga a go ahlole godimo ga sa gago... se o lego. O ipshina... Ga A ahlole o mogolo gakaakang goba o yo monnyane gakaakang. O ahlola pelo ya gago, se o nyakago go ba.

<sup>201</sup> Gomme o be a sa nyake le setee sa dilo tšeо. Gomme ge Se se phadimile pele ga gagwe, Seo ke se a bego a se nyaka. Ga go kgathale se a bego a le sona nako yeo, o be a loketše go tla. Le a bona? Modimo o ahlola pelo. Motho o ahlola ponagalo ya ka ntle. Modimo o lebelela godimo ga pelo. Ga go kgathale se a bego a le sona; Seetša sel a se pekentše, gomme seo se e rumme. O swere kgwe—kgwe—kgwe—kgwe kgwekgwe ya Bophelo bjo Bosafelego.

<sup>202</sup> Oo, nna, se se humile bjang, go nna, le a bona, go bona le go tseba gore ke Therešo. Ke tla—ke tla ema ka Ye. Ke tla dira... Modimo wa Legodimo o tla tsoga, gomme segalontšu sa ka se tla ba godimo ga theipi ya makenete ya nako ye kgolo ya Modimo mošola, gomme se tla ahlola moloko wo mo letšatšing la mafelelo. Gobane, se—se godimo ga theipi ya makenete, se tla ba godimo ga theipi ya Gosafelego nako yeo. Yeo ke nnete. Ke bea molato moloko wo wa bareri ba ba nago le sebopego sa bomodimo, gomme ba gana Maatla a Lentšu le ponagalo ya Lona ge Le tsebagatšwa ka maleba gore O sa le Jesu Kriste, wa go swana maabane, lehono, le go ya go ile. Ke ba bea molato, ka Lentšu la Modimo.

<sup>203</sup> Ke tla swanela go ya go tshepišo ye nngwe, ka pela, gobane re ne feels e ka ba metsotso ye lesometlhano.

<sup>204</sup> "Fao ba—fao ba..." Eng? Oo, nna! Khalibari! Gomme ba "bapotše" Yena, sa boraro. Ba bapotše Yena, e sego ka go lemoga Lentšu la Modimo le le tshepišitšwego le dirwa go bonagala. Gomme ka baka la eng ba bapotše Monna yoo? A le ka no eleletša? A nke ke boele morago motsotso. Gobaneng bona batho ba bapotše Monna boka yola? Bjalo ka Maria...

<sup>205</sup> Bjalo ka ge ke badile puku nako ye nngwe, e bitšwa *Mokgoma wa Ntlo ya Dafida*. E ngwadilwe ke Ingraham, Ngaka Ingraham. Puku ye e makatšago! Ke terama, e tšewa go ba

therešo seripa, ya sengwalwa tsoko sa kgale se tšerwego go tšwa go mosadi yo a bitšwago Adina, gore wa gagwe . . . O ile godimo ka Palestina, go tloga—go tloga tlase ka Egepeta, go ya Cairo, Ke a dumela e be e le, go fetša thuto ya gagwe. Gomme o be a le fao lebakeng la nako ya—ya Kriste, gomme o be a swanetše go ngwalela morago go tatagwe. Go be go tla loka ge o be o ka e topa le go e bala. Ke, ka kgonthe ke e botse, *Mokgoma wa Ntlo ya Dafida*. Monna wa go swana yo a ngwadilego *Pilara ya Mollo*, gomme, go tšwa go yeo, Cecil DeMille o tšere *Melao Ye Lesome*.

<sup>206</sup> Bjale re hwetša gore, ka go puku ye, Adina yo o ngwadile morago. Gomme o rile, ka letšatši la papolo, gore Maria Magadalena, yena yo A lelekilego bodiabolo ba šupago, o kitimetše ntle pele ga lešaba, a re, “O dirile eng? O dirile eng? Go no fodiša balwetši le go leka go phološa bao ba bego ba le ka dikgolegong! O dirile eng eupša botse? Yo mongwe e bolele!”

<sup>207</sup> Gomme monna o mo phasotše go dikologa jarata, go nyakile, gomme o rile, “A o ka dumela mosadi yola wa lešilo, pele ga baprista ba gago?”

<sup>208</sup> Ke lena bao. Le a bona? O dirile eng? Ga se A dira selo. Gobaneng ba Mmapotše? Gobaneng? Gobaneng? Ka gobane ga se ba lemoga O be a le Mang.

<sup>209</sup> Seo ke selo sa go swana lehono. Bareri, le batho ba matšatši a, le barutiši ba rena ba sebjalebjale, ba kitetše batho kudu go dumela gore Ye ke “boloi, goba diabolo, goba go bala monagano, goba bofora tsoko, goba mohuta tsoko wa mathaithai,” go fihla ge batho ba sa lemoge gore ke ponagatšo ya Lentšu la Modimo la letšatši le. Ke maswao a letšatši la mafelelo.

<sup>210</sup> Dikereke, ge o se wa mokgatlo wa bona, ba tla re, “Aa, gabotse, yeo ke ye nngwe e itirišago. Seo—seo ke bofora. Go lokile, lebelela tlase mo go *Semangmang* le *Semangmang*.” Eupša a nke nako ye nngwe ba netefatše Selo sa kgonthe go ba bofora. Uh-huh. A nke nako ye nngwe ba netefatše gore Ke phošo. Ga ba kgone go e dira. Ga se nke La tsebja go ba phošo, gomme Le ka se tsoge la ba, gobane Ke Modimo. Le a bona? Eupša ba rata go šupa.

<sup>211</sup> Ba nagana, “Oo, gabotse, ge e be e le monna tsoko ka leina le legolo!” Gobane ke sehlopha se sennyane, sehlopha se sennyane seo se lego mohuta wa molahlwa, “Gabotse, re raketeš motho yola ka ntle ga kereke ya rena.” Le a bona? “Bona, ba be ba fela ba etla go sehlopha sa rena, le a bona, eupša ba ile godimo le *se*, gomme ba ile godimo le *sela*, gomme bjale, le a bona, di tatologela godimo . . . Gabotse, lebelelang se e lego sona, ke mang.”

<sup>212</sup> Ga ke tshwenyege. Ba kgonne go bolela selo sa go swana ka Petro, Jakobo, le Johane. “Monna wa go hloka šedi le go se rutege,” ba boletše. Eupša ba ile ba swanela go hlokomela, se sengwe se diregile ge e sa le go tloga nako yeo. Ba bile le Jesu. Seo ke se se dirilego phapano. Le a bona?

<sup>213</sup> Ba e dirile gobane ba be ba sa tsebe O be a le Mang. Ba be ba sa tsebe gore tlhatselo ya Lentšu la Modimo e be e se ya ema godimo kua ka letšatšing leo . . . Bjale, go bile ka letšatši le lengwe, gomme seo se be se nepile; go bile, ka letšatši le lengwe, go no boloka yona melao le dilo. Eupša melao ya go swana ye e bego e le yona, ba bego ba e boloka, e ba šupeditše go nako yeo ge A tla tla le go ba Monna yo yoo A swanetšego go ba. Ba bile le karolo *ye*, eupša ga se ba tšee karolo ye *nngwe*.

<sup>214</sup> Gomme seo ke selo sa go swana ba se dirago bjale. Ba na le kereke, gomme ba “dumela go Jesu Kriste,” le go re ba a dira, le dilo, eupša ba gana iri ye re phelago ka go yona! Ba sa tliša seema sa kgale morago gape: motho ka mehla o tumiša Modimo bakeng sa se A se dirilego, a lebeletše pele bakeng sa se A tla se dirago, gomme, goba a tla se dirago, gomme o hlokomologa se A se dirago, le go ahlolwa ka sona. Le a bona? Ba nagana, “Modimo o a makatša. O mogolo gakaakang! Se A yago go se dira: O ya go tla, le go ba Tlhatlogo, letšatši le lengwe, le go ya Gae,” gomme ba gana wona maswao le matete thwi mo ka nako ye Lengwalo le rego O tla be a se dira. Ba foša Selo ka moka!

<sup>215</sup> “Ge sefov se hlahla sefov,” Jesu o rile, “bohole ba tla wela ka moleteng.” E no rapela Modimo go bula mahlo a rena ka go matšatši a a mafelelo. Go lokile.

<sup>216</sup> Bjale, go swana, ba dira go swana lehono. Ba a gana le go bapola Modimo wa go swana, lehono, ka go se Mo tsebe. Go swana, ka go Mo gana. Gomme ba dira, ka go gana, dilo tše ba di dirago lehono, ga ba bapole Kriste gape, tlwa, eupša ba rogaka Moya wo Mokgethwa. Gomme ka go e dira, ba a dira. Ba rogaka bjang Moya wo Mokgethwa? Bjang?

<sup>217</sup> Ba O rogakile bjang kua, morago kua? Gobaneng, ga se ba kgona go O rogaka nako yeo; O be o sešo wa tla. Ba biditše Jesu, “Beletsebubu,” ba Mmiditše “Beletsebubu,” gobane O be a kgona go tseba diphiri tša dipelo tša bona, le dilo. Ba rile, “Yo ke diabolo.” Ka mantšu a mangwe, “Yena ke mmolelelamahlatse. Ke ka mokgwa wo A dirago se, ke ka go bolelamahlatse. Yena ga se selo eupša diabolo.” Le a bona, ba be ba se ba ke ba ba le mopropfeta mengwaga ye makgolonne, gomme ba šetše ba godile go tšwa go yona. Le a bona? Ba nno ba le melao ya bona. Ba rile, “Yo ke Beletsebubu.”

<sup>218</sup> Gomme Jesu o rile, “Ke tla le lebalela bakeng sa seo, eupša ge Moya wo Mokgethwa o tlie,” le a bona, bjale, “o bolela lentšu kgahlanong le Wona, gomme o ka se tsoge wa le swarelwawa.”

<sup>219</sup> Elelwang, e tla, gomme e ka se kgone, le ka mokgwa ofe, ga go kgaogelo, ge o rogaka, le go bitša Moya wa Modimo, Lentšu la Modimo leo le hlatselšwego ka Moya . . . Le a bona, Lentšu le bolela *bjalo*, Moya o a Le hlatsela, gomme o O bitša “selo sa ditšhila,” o tshetše mothalo gare ga kgaogelo le kahlolo, gomme o ka se tsoge wa swarelwawa seo.

<sup>220</sup> Ke ka baka leo ke beago moloko wo molato, wa molato, wa go bapola, go rogaka Morwa wa Modimo yo a bonagaditšwego bjalo ka ge go tshepišitšwe ke baprofeta bohole, le Kriste Yenamong, go ba ka matšatšing a mafelelo; go swana le ge go bile ka matšatšing a Noage, ka matšatšing a Sodoma. Maroga! Ao, ba bapola, go batho, Morwa wa Modimo ka boswa, Lentšu la Gagwe le le hlatsetšwego. Lentšu le tee kgahlanong le Lona le ka se tsoge la lebalelwā.

<sup>221</sup> Bjale o ya go dira eng gona? O ya go ema eng? Ba ahlotšwe, ba no leta iri ya bogale bja Modimo go tšhollwa ntle. Ba tla ba šošobanya.

<sup>222</sup> Ba rata thuto ya madirwakemotho ya dikerekemaina le dithutotaelo bokaonana go feta ka mo ba dirago Lentšu la Modimo le le hlatsetšwego; moloko wo wa batho. Oo! Ke—ke no duma ge nkabe ke na le nako ye telele bakeng sa se. Le a bona? Moloko wo wa batho, moloko wo o gana kutollo *ya Modimo*. Eupša re sepela moo baapostola ba gatilego. Nnete.

“Modimo,’ o a bolela? Gabotse, ba bangwe ba bolela seo le bona.” Modimo o a Le hlatsela.

<sup>223</sup> Jesu o rile, “Ge—ge—ge mediro e sa bolele ka Nna, gona nno yang pele gomme le re Ke a e bolela Nnamong. Eupša ge mediro e bolela, bokaonana le dumele mediro, le a bona, gobane ke iri.” Le rile, “O a tseba gosasa letšatši le ya go phadima, goba e ya go ba boso bjo bobe; ka leratadima ke le lehubedu le theogile, gosasa e tla ba mo go botse.” O rile, “Le kgona go hlatha sefahlego sa mafaufa; eupša maswao a nako, ga le tsebe selo ka wona. Ge nkabe le tsebile Modimo, nkabe le tsebile letšatši la Ka.”

<sup>224</sup> Gomme ba rile, “O tšeа bontši kudu godimo ga Gagomong; O itira Modimo wenamong.” Gomme ba Mmeile sefapanong.

<sup>225</sup> Gomme Moya wo Mokgethwa, lehono, ga se Motho wa boraro. Ke Modimo, ka Boyena, a bonagaditšwe ka nameng ya motho, ka Madi a Jesu Kriste, go hlwekiša bophelo gore A ke a bonagatše Yenamong ka bjona. Gomme ba bapotše Lentšu lela la go swana le dirilwego go bonagala. Le a kwešiša? Papolo ya Kriste, lehono, ke batho ba ba tla ganago Morwa wa Modimo yo a bonagaditšwego magareng ga batho, ka dilo tša Gagwe—tša Gagwe tše A di boletšego gore di tla direga ka letšatšing le ka Lentšu la Gagwe. Le a bona?

<sup>226</sup> Bjale, go hlatsela ga go swana, go swanetše go swana, ge A le Morwa wa Modimo wa go swana, gobane O boletše ka go Mokgethwa Johane 14:12, bjale, gore, “Mediro yeo Ke e dirago le tla e dira le lena.” Bahebere 13:8, “O a swana maabane, lehono, le go ya go ile.” “Ge le dula ka go Nna,” Johane 15, “ge le dula ka go Nna, gomme mantšu a Ka a dula ka go lena, e nong go kgopela se le se ratago gomme se tla fiwa go lena.” Ee, mohlomphegi!

<sup>227</sup> Elelwang, ba be ba le batho ba bodumedi kudu bao ba dirilego seo. Ba be ba se ba ka ntle. Ba be ba le batho ba bodumedi ba letšatši leo. Gomme seo ke se se e dirago lehono, ke batho ba bodumedi; go papolo ya go swana, selo sa go swana lehono. Ka pela . . .

<sup>228</sup> “Fao ba bapotše Yena,” nako yeo, nako yeo. Nnete. Nako yeo ba be ba gana Lentšu la Modimo le dirilwe go bonagala, ba amogela dithutotumelo tša bona sebakeng sa Lentšu.

<sup>229</sup> A ke seo ba se dirago lehono? Seo ke tlwa, go dira go swana lehono. O be a le Lentšu; gomme ba ganne Lentšu. Yeo ke ntlha e tee ke nyakago le se e foše, le a bona, ke nyaka le se e foše. O be a le Lentšu, gomme ge ba Mo ganne, ba ganne Lentšu. Gomme ge ba Mo ganne, mafelelong ba Mmapotše. Gomme seo ke se ba se dirilego lehono: ba gana Lentšu la Modimo, gomme ba amogetše dithutotumelo tša bona; gomme ba bapotše, phatlalatša, pele ga phuthego ya bona, go šoma ga Moya wo Mokgethwa. Gomme ba na le molato, gomme ke ba beile molato Leineng la Jesu Kriste.

<sup>230</sup> Mengwaga ye lesometlhano ke Mmone a sepela go kgabaganya naga, gomme go le bjalo ba swara dithutotumelo tša bona. Ba ne molato! Ba tšere Lentšu leo le ka bego le tlišitše kereke, dikereke tšohle mmogo, le go dira kopano ye kgolo ya boena magareng ga Mapentecostal le bohole ka moka ga bona; go na le gore ba dire bjalo, ba Le ganne, gomme ba Le gana, ba dirile metlae ka Lona, gomme ba Le bitša se sengwe le se sengwe bjale.

<sup>231</sup> Gomme bjale, ka kopano ya kereke, ka polane ya diabolo, ba leka go tla ka gare le go re, “Bjale re tla tla, go reka Oli tsoko.” Ba gannwe. Gomme ba ne . . . Ba ne molato wa go bapola Jesu Kriste. O e tsea go dipeelano tša Modimo, goba dipeelano tša gago di ka se šome. Le a bona?

<sup>232</sup> Ba ganne Lentšu la Modimo le dirilwe go bonagatšwa, bakeng sa dithutotumelo tša bona, gomme ba dira sa go swana lehono. “O be a le Lentšu,” Johane, Mokgethwa Johane 1. Bahebере 13:8 e re, “O a swana maabane, lehono, le go ya go ile.” Bjale ba Mmapola ka boswa.

<sup>233</sup> A le be le tseba gore Beibele e rile re ka kgona go dira seo? Ke ba bakae ba ba nyakago go bala feela gannyane ga nthathana? A le tla mpha metsotso ye mengwe ye lesometlhano ya yona? [Phuthego e re, “Amene.”—Mor.] Go lokile. A re phetleng godimo bjale, motsotso feela, go “bapolwa ka boswa.” A re yeng godimo go Bahebере, tema ya 6, gomme re bale feela nthathana gannyane. Bahebере ya 6, le go bona ge eba re “bapolwa Morwa wa Modimo ka boswa,” re bona ge eba e ka dirwa.

O re, “O ka se kgone go Mmapola lekga la bobedi.”

<sup>234</sup> Re tla hwetša ge eba re tla kgona goba aowa. Lentšu la Modimo ke therešo. A ke nnete? Ke Bahebере 6:1.

*Kagona go tlogeleng dikokwane tša thuto ya Kriste, a re yeng pele go phethagalo; e sego go go bea motheo wa tshokologo le mediro ya go hwa, le wa tumelo go leba go Modimo,*

*Le wa thuto ya kolobetšo,...go beeng ga diatla godimo, le wa tso tsogo ya bahu, le wa kahlolo ya gosafelego.*

*...se re tla se dira, ge Modimo a dumelela.*

<sup>235</sup> Le a bona, Paulo o nyaka go tseba gore dilo tše mo di bohlokwa ka go felela; dikolobetšo, go beeng ga diatla, tsogo, go Tla la bobedi. Dilo tšohle tše ke tša Gosafelego. Tšona ke Therešo ka go felela.

<sup>236</sup> Bjale hlokomelang:

*Gobane ga go kgonege...*

E baleng le nna, temana ye tee ye, Ke nyaka le e bale le nna bjale, temana ya 4:

*Ka gore ga go kgonege gore bao ba šetšego ba kile ba bonegelwa, gomme ba latswitše neo ya legodimo, gomme ba dirwa batšeakarolo ba Moya wo Mokgethwa,*

*Gomme ba latswitše go lentšu le lebotse la Modimo, le maatla a lefase le le tlago,*

*Ge ba ka wa, go ba mpshafaletša gape tshokologong; go boneng gore ba ipapoletše bonabeng Morwa wa Modimo ka boswa, le go mmea dihlonyeng tša phatlalatša.*

<sup>237</sup> Bjale, a leo ke lentšu la ka, goba la Gagwe? “Monna yo a tlago go tsebo.” Elelwang, ga se ba tsoge ba O hwetša. Ba be ba le badumedi ba mollwaneng. “Ka morago ga ge re amogetše tsebo ya Lentšu la Modimo,” o e hwetša go tšwa go tsebo, go tšwa go baleng le go Le bona, “gomme morago wa Le gana, gona, wena, ga go kgonege go wena go tsoge wa phološwa.” A le badile seo bjale? Le a bona, “O amogetše tsebo ya Therešo,” feela, le a kwešiša, ga se a tsoge a O hwetša.

<sup>238</sup> Go swana le bona badumedi ba ba tšwetšego ntle. Ke sona sekai sa leeto. Ye, ya boraro ye, khudugo ye ya boraro, e no ba sekai sa ka moka ga bona. Lebelelang, lebelelang morago kua. A ke le laetšeng se sengwe bjale, motsotsotso feela. Swarelang tlhagišo. Lebelelang.

<sup>239</sup> Israele e gogetše ntle banna ba lesomepedi, yo motee go tšwa go moloko wo mongwe le wo mongwe, hlogo ya kerekeleina, le go ba iša godimo go ntlha ya mollwane, naga ya tshepišo, le go ba laetša dilo tše botse tše di bego di etla, tše ba bilego natšo. Gomme ba tla morago, ba belaela, gore, “Re be re sa kgone go e dira.”

<sup>240</sup> Eupša go bile ba babedi go tšwa go ba lesomepedi, Joshua le Kalebe, ba rile ba lebeletše Lentšu. “Modimo o rile ke ya rena, gomme re ka godimo ga go kgona go e tšea.” A yeo ke mnete?

<sup>241</sup> E be e le eng seo? Badumedi ba mollwaneng. Le a bona, gabotse ba tswetšwe ka kerekeng. E be e le dihlogo tša batho. Ba be ba le dipišopo, bjalo ka go bolela, bao ba sepeletšego thwi tlase moo Lentšu la Modimo le laeditšwego go ba Therešo. “Naga šele!” Ga se ba ke ba tsoge ba ba kua. Ba be ba sa tsebe e be e le gona. Eupša ba tlide tlase go bona e be e le gona. “E be e le gona!” Gomme Kalebe le Joshua ba ile mošola, gomme ba tlišitše morago mo—mo—mo mokgotho wa diterebe gomme ba ba dira ba je ye nngwe ya tšona. Gomme ba latswitše tša naga ye botse, gomme morago ba ile morago gomme ba rile, “Re ka se kgone go e dira. Le a bona? Re no se kgone go e dira.”

<sup>242</sup> Sese sehlopha sa go swana, mo nakong ya Jesu Kriste. “Rabi, re a tseba Wena o morutiši yo a tšwago go Modimo.” Le a bona? Ba mollwaneng! “Re a tseba Wena o morutiši yo a tšwago go Modimo. Ga go motho a ka kgonago go dira dilo tše O di dirago. Re lemoga gore Modimo o swanetše go ba fao.” Gobaneng ba se ba e amogela? Gobaneng ba se ba e tšea? Ba mollwaneng! Ba mollwaneng!

<sup>243</sup> Šeba godimo ga khudugo ye ya boraro; leswao la go swana, ponagalo ya go swana, Kriste wa go swana, Moya wo Mokgethwa wa go swana, mediro ya go swana, Modimo wa go swana, Molaetša wa go swana, gomme ga ba kgone go O tšea. Ba tla swanela go tlogela karata ya bona ya kopanelo. Ke eng? “Ba bile le tsebo ya Therešo.” Ba lebeletše gomme ba bone gore ka go felela ke Therešo. Ga ba kgone go E ganetša. Dikgatišobaka di swanetše go paka ba E bone. Diswantšho, maphephe, bohlatse, tsogo ya bahu, ditatamente tša dingaka tša balwetši, ba swanetše go bolela gore ke Yena. Gomme dikakanyetšopele, ga go le e tee ya tšona e kilego ya šitwa go theoga go kgabola mengwaga, ye nngwe le ye nngwe ya tšona feela tlwa mo mothalong, ga ba kgone go bolela eupša se e lego Modimo. Eupša ga ba kgone go E amogela.

<sup>244</sup> Sehlopha sela sa badiredi ka Chicago, makgolo tharo le metšo ya bona, ba be ba eya go tla tlase le go kolobetšwa Leineng la Jesu Kriste. Ba kae? Poreisi ke ye kgolo kudu. Ga ba kgone go e dira. Ke eng? Beibele e rile, ge ba dira seo, ba dira eng? Ba ikaroganya bonabeng magareng ga kgaogelo le kahlolo. “Gobane ga go kgonege go bale bao ba kilego ba bonegetšwa,” ba tlišitšwego go O lebelela, “gomme ba bile le tsebo ya Therešo, gomme ba latswitše Lentšu le lebotse la Modimo, ge ba retologa go tloga go Yona, moo ba tla swanelago go impshafatša gape bonabeng, ba re, ‘Gabotse, bjale, ke tla dira, ee, . . .’”

<sup>245</sup> Lena Mapresbyterian, lena Mamethodist, le Mabaptist, le Malutheran, le dilo tše tša Banna ba Kgwebo ba Full Gospel, ba

re ba “tla ka gare,” ba ganne Molaetša. Kereke ya gago e tla dira. Go tla ba batho ka batho ka fale, kgonthe. Eupša, e sego kereke; o swanetše go tšwela ka ntle ga kereke, go O hwetša. Le a bona? Yeo ke nnete. Batho ka batho ba lokile.

<sup>246</sup> Eupša ge le nagana kereke ya Presbyterian e ya go amogela Moya wo Mokgethwa, gomme bohle ba bona ba tšeela ditokomane tša bona fase, gomme, o se tsoge wa nagana seo. Gomme le nagana lena Mamethodist le ya go e dira? Le ka se tsoge la e dira. A le nagana lena Mathrinitarian le ka tsoge la amogela Leina la Jesu Kriste gomme la kolobetšwa yo mongwe le yo mongwe wa lena ka go . . . Le ka se tsoge la e dira. Le ka se tsoge la e dira. Eupša batho ka batho ba tla tšwela ntle le go e dira, yeo ke nnete, gomme leo ke leswao la go Tla ga Gagwe. Eupša tšona dikereke tše di bonego Therešo, le go E gana ka go dikhansel tša tšona, “ga go kgonege.”

<sup>247</sup> Gona, ba molato wa papolo ya Jesu Kriste. Gomme ke ba bea molato ka Lentšu la Modimo, gore Modimo o . . . “O ba bea molato bjang, Ngwanešu Branham?” Ke ba bea molato, gore Modimo o itsebositše ka go hlaka ka Boyena ka go Lentšu la Gagwe, mo matšatšing a mafelelo, le go itira Yenamong go tseba gore O sa swana maabane, lehono, le go ya go ile, gomme ba Le ganne ka go tonya. Gomme le molato wa papolo ya Jesu Kriste, ka go rogaka Moya wo Mokgethwa. Yeo ke nnete.

<sup>248</sup> Re le iša go Bahebere 10, gape, moo e re botšago gape ka Mangwalong, e sego feels go ba “go se kgonege,” eupša o ka se tsoge. E go aroganya go tloga go Modimo, Kagosafelego. O ka se tsoge wa tla ka Bogeneng bja Modimo gape, ge o gana Moya wo Mokgethwa le go dira metlae ka Wona.

<sup>249</sup> Bjale, le a bona, “ba latswitše Lentšu.” Le a bona, badumedi ba mollwaneng!

“Oo, le re bona mathaka e be e se badumedi?”

<sup>250</sup> Ba be ba le badumedi, goba badumedi ba ipoletšego, eupša ge go etla go Lentšu . . . Ba be ba le Israele. Ba tlile ntle ka tlase ga madi. Ba tlile ntle ka tlase ga maswao a Moshe. Ba bone maswao ao a šoma.

Modimo o rile, “Ke tla le tšeela godimo mošola.”

<sup>251</sup> Gomme ge go etla thwi tlase go kokwane ya Lentšu le le tshepišitšwego le bego le etla, ba tla reng? “Oo, re ka se kgone go e dira.” Le a bona?

<sup>252</sup> Gomme šeba ba tla morago, le diterebe le se sengwe le se sengwe, go netefatša gore naga e be e le gabotse. Lentšu la Modimo le a rereša. Modimo o rile, “Ke le fa yona.”

<sup>253</sup> Eupša maemo, “Nna,” ba rile, “re lebega bjalo ka ditšie, godimo ka thoko ga bona. Re ka se kgone go e dira, ga go kgathale eng.”

<sup>254</sup> Mengwaga e se mekae ya go feta ge legapi le la kgale le eme mo bjalo ka tabarenakele, yo mongwe o tlide ka gare, gomme a sepelela ntle kua gomme a bolela le nna, a re, “Billy, o ya go rerele dikotana tše nne, le lengwe la matšatši a, ka Melaetša boka yeo.”

<sup>255</sup> Ke rile, “Ke tla be ke rerele dikota tše nne, ka gobane Modimo o a kgona ka tšona dikota go tsošetša Abraham bana.” Ee, mohlomphegi. Ke Therešo. Ke rile, “Ge o na le se sengwe seo o ka kgonago go Le ganetša, a re be le sona.” O no rata go goa, eupša ge go etla lefelong go e laetša, seo se a fapano. Ee, seo ke se se dirago phapano. Go lokile.

<sup>256</sup> Ya, ka dithutotumelo tša bona ba Mmapola ka boswa. Bjale Bahebère tema ya 6, gomme re ya pele go theoga. Gomme re ka no bala go theoga, pele go theoga go kgabola fa. Re ne nako ye ntši. Ke marakile ntle Lengwalo mo mo e tla bago, Bahebère tema ya 6. Feela, ke a thanka, e tšeeng yohle. “Ga go kgonege go bale ba kilego ba bonegetšwa, ba dirilwego batšeakarolo ba Moya wo Mokgethwa . . .” Ga re na le nako ya go ya kgole kudu, ka baka la gore ke na le Lengwalo le lengwe ke nyakago le le bala feela ka nakwana. Hlokamelang se, “Ba ipapoletše bonabeng Morwa wa Modimo ka boswa.” Ba dirile eng? Eng? Ka go ba le tatso, le go tseba gore Ke Therešo, gomme morago ba retologa go dikologa le go E gana. E dirile eng? “Ga go kgonege . . .”

<sup>257</sup> Kafao seo ke se setšhaba se se dirilego. Seo ke se batho ba ba se dirilego. Seo ke se dikereke tše di se dirilego. Di E ganne, gomme ba bapotše Molaetša. Ba bapotše Therešo, go batho. Ba dirile Jesu bjang? Ba Mmeile dihlonyeng, ba apotše diaparo tša Gagwe thososo go tloga go Yena, ba Mo lekeletša godimo ga sefapano le go Mo kokotela godimo kua, Mokgoma wa Bophelo. Selo sa go swana ba se dirilego lehono ka dithutotumelo tša bona! Ba dirile selo sa go swana. Ba hlobotše dilo thososo, ba hlobotše thososo bo-bo bobotse le diaparo tša Ebangedi, ka go leka go Le bea felotsoko gape, le go Mo lekeletša sefapanong. Oo, nna! Gobaneng?

<sup>258</sup> “Fao ba—fao ba bapotše,” bjale setsopolwa sa mafelelo, “Yena,” Yena, Motho yo yo bohlokwa kudukudu. Gobaneng ba e dirile? Ga se ba Mo tsebe. Gobaneng ba e dira lehono? Ga ba tsebe ye ke Therešo. Bona ke—bona ke semuma le sefofu sa Yona. Ga ba E tsebe. Leo ke lebaka. Dithutotumelo tša bona le metlwae di ba tlošitše go Lentšu la Modimo.

<sup>259</sup> Bjale go lena fa, feela go tswaleleng bjale, beang šedi sekgauswi. Le a bona? Ke a tseba go a fiša. Ke a fiša, le nna.

<sup>260</sup> Eupša, oo, ngwanešu, Lentšu le ke Bophelo ge o ka swarelela go Lona. Lebelelang, Lona ga se se sengwe re bolelago ka sona, seo se ka diregago fa le ka morago; Ke se sengwe seo se šetšego se le fa le rena le go direga bjale. E segó se sengwe se tla bago; se sengwe seo se šetšego. Ga re pake, “Re tseba se A se dirilego; re

tseba se A yago go se dira," eupša bjale re bolela se A se dirago. Le a bona? Ye ke iri ya renā.

<sup>261</sup> Re ka no se phele go bona Tlhatlogo. Nka no hwa lehono; le ka no hwa lehono. Ga ke tsebe. Eupša Tlhatlogo e etla. Yeo ke—yeo ke, ge yeo e etla, re tla ba fao, le se tshwenyege; uh-huh, go tla ba bjalo bohole ka moka ga bona morago go kgabola mabaka, bao ba e dumetšego le go e lebelela. Ba sepetše ka Seetšeng sa letšatši la bona.

<sup>262</sup> Gomme Seetsa sese, Jesu Kriste wa go swana maabane, lehono, le go ya go ile. Tlogelang dithutotumelo tša lena gomme le dumele Lentšu le. *Le ke Therešo.* Lentšu ke Therešo. Jesu o rile, "Lentšu la Ka ke Moya, Lentšu la Ka ke Bophelo." Le ya go amogela Bophelo bjang ge le gana Bophelo? Le ya go tsea bjang ka go thutotaelo, e lego lehu, le Lentšu la Bophelo? Le gana Lentšu la Bophelo, go tsea lehu, le ya go amogela bjang bobedi ka nako ya go swana? Le ka se kgone go e dira. "A nke lentšu la motho yo mongwe le yo mongwe e be maaka, thutotaelo ye nngwe le ye nngwe maaka." Lentšu la Modimo ke Therešo.

<sup>263</sup> Ke hlohla monna mang kapa mang go ntaetša, mang kapa mang... Gomme ke a tseba theipi ye e ya go dikologa lefase. Monna e ka ba mang, pišopo e ka ba ofe, yoo a tla tlago go go ithuta ga ka, goba pele ga phuthego ye, gomme a šupa monwana wa bona go lefelo le letee e ka ba mang a kilego a kolobetšwa Leineng la "Tate, Morwa, Moya wo Mokgethwa," ka go Testamente ye Mpsha. Ke tla le bontšha moo motho yo mongwe le yo mongwe yoo a kilego a kolobetšwa... Le bale ba ba kolobeditšwego go fapanā, ba ile ba swanela go tla le go kolobetšwagape, go hwetša Moya wo Mokgethwa.

<sup>264</sup> Le ya go dira eng ka yona? Go dula ntle kua ka go dithutotumelo tša lena? Go dula ntle kua ka go dithutotaelo tša lena le go hwa? Le ne molato! Ka diatla tše mpe, le tšere Mokgoma wa Bophelo, Lentšu la Bophelo, gomme le Le batopše go batho.

<sup>265</sup> Bjale ba dirile eng? Ga se ba e tseba. Lehono banna ba sepela ka go hloka tsebo. Ga ba tsebe seo ke Therešo. Ba nagana ke mohuta tsoko wa ism. Ga ba epe go subeletša go lekanelā go tsena ka go Moya wa kutollo. Ga ba rapele go lekanelā. Ga ba bitše Modimo go lekanelā.

<sup>266</sup> Ba no Le tsea bohwefo, "Oo, gabotse, ke a dumela go ne Modimo. Kgonthē!" Diabolo o dumela selo sa go swana. Diabolo o e dumela kudu go feta batho ba bangwe ba tleleimago go dumela. Diabolo o a e dumela le go roromela. Batho ba no e dumela gomme ba ya pele. Eupša diabolo o a thothomela, o tseba Kahlolo ya gagwe e etla, gomme batho ba a e dumela gomme ba sa fe šedi Kahlolo e etla.

<sup>267</sup> Molato wa go Mmapola! Nnete! Ke bea moloko wo molato, go ba hwetša molato, ka Lentšu la go swana leo le ba hweditšego

molato mo mathomong. Yeo ke nnete. Jesu o rile, “Ke mang a ka go Nkahlola?” O be a le Lentšu le dirilwe nama. Gomme lehono Lentšu la go swana le dirilwe nama.

<sup>268</sup> Petro o boletše ka go peomolato ya gagwe, ka go Ditiro. A re nong go e bala. Petro, ge a bone se se direga, se ba se dirilego, Moya... Lebelelang, Petro o be a šireletša Kriste, se ba se dirilego. Ke šireletša se Diebangedi di lego. Ke... Petro o be a ba bea molato bakeng sa go bolaya Monna, Kriste, Yo a bego a le Lentšu. Ke ahlola moloko wo bakeng sa go leka go bolaya Lentšu le le dirilwego go bonagala ka go batho. Šetšang se Petro a se boletšego. Bogale bja Gagwe bja toko bo swanetše go be bo tsogile botse godimo. Mo theetšeng mo ka go Ditiro tema ya 2, gomme go thoma ka temana ya 22.

*Lena banna ba Israele, ekwang mantšu a; Jesu wa Natsaretha, yo a netefaditšwego, monna yo a netefaditšwego ke Modimo magareng ga lena ka mehlolo,... maswao, ye Modimo a e dirilego ka yena ka makgatheng bjalo ka...ga lena, bjalo ka ge le tseba lenabeng:*

<sup>269</sup> Fše! Eleletšang ka fao ba ikwetšego! Theetšang seo.

*Lena banna ba Israele, mokgoma, lena banna ba kereke, lena banna ba bakgethwa, lena baprista, lena banna ba le swanetšego go ba banna ba Modimo, ekwang mantšu a; Jesu wa Natsaretha o netefaditšwe ke Modimo magareng ga lena...*

<sup>270</sup> Bjale ke bolela go lena banna ba baruti, le go lena batho. Jesu wa Natsaretha, Moya wo Mokgethwa, O mo ka Motho wa Moya wo Mokgethwa, e bego e le Bophelo bjo bo bego bo le ka go Yena. O fa o šoma ka batho, le go ipega Yenamong ka maswao le matete ao A a dirago. Gomme mo ba lekeleditše go dikologa godimo ga maboto, boitsebišo bja saense. Gomme batho ba ba dutšego mo, ba ba bego ba hwile, ba a phela lehono; le go lewa ke kankere, ba gabotse lehono; ba foufetše, ba a bona lehono; le digole, bao ba sepelago lehono. Yena ke Jesu wa Natsaretha.

*Yena, a gafilwego ke khantsèle ya maikemišetšo le tse tsebelopele ya Modimo, o kgethetšwepele bakeng sa mošomo wa Gagwe, le tšere, gomme ka diatla tše mpe lena le... bolaile:*

<sup>271</sup> A yeo—a yeo ke peomolato? O bea eng molato? Khansele yela ya Sanhedrin.

<sup>272</sup> Gomme ke a tswalela, mosong wo, federeišene ya dikereke. Ke bea Mapentecostal molato. Ke bea Mapresbyterian molato, Mabaptist, le kerekeleina ye nngwe le ye nngwe ka lefaseng. Ka bjo bobo, bojato bja boikholo le tšere Lentšu la Bophelo gomme la Le bapola pele ga batho, le go Le rogaka, le go Le bitša “bohlanya,” leo Modimo a le tsošitšego magareng ga rena

go netefatša gore O a swana maabane, lehono, le go ya go ile. Ke bea moloko wo molato!

<sup>273</sup> Modimo o inetefaditše Yenamong go phela. Modimo o netefaditše gore Le ke Lentšu la Gagwe. O na le eng eupša sehlopha sa thutotaelo le dithutotumelo! O ka kgona kae go laetša Modimo yo a phelago? Ka baka la gore o ganne Lentšu la Bophelo le le ka bego le go file selo se. Ee, mohlomphegi! Oo, a iri ye bjale re phelago ka go yona. Fše! Go swana! Oo, ke bitša . . .

Petro o rile . . . le tšere, *ka diatla tše mpe gomme le bapotsé le go bolaya:*

*Yo Modimo . . . a mo tsošitšego, a mo hunolotše mahloko a lehu: gobane go be go sa kgonege gore o swanetše go swarwa ke lona.*

<sup>274</sup> Gomme ka dithutotumelo tša lena, le mekgatlo ya lena, le dikerekemaina tša lena, ka sebopego sa lena sa bomodimo, le sa bolela. Dibopego tša lena tša bomodimo, le ganne maatla a tsogo ya Gagwe.

<sup>275</sup> Eupša iri e fihlile, matšatši a mafelelo a mo, ge Modimo a tshepišitše, go ya ka Maleaki 4, gore O tla tsoga mo matšatšing a mafelelo, “gomme o tla retollela dipelo tša batho morago go ditšhegofatšo tša setlogo le Tumelo ya pentecostal ya botate.” Gomme le ka se kgone go e gana, gomme le ka se kgone go emelana le yona.

<sup>276</sup> Bjale ke a le ahlola, molato, le go le hlohla, le go le bea molato pele ga Modimo, gore ka tše mpe, tša go ikhola, diatla tša kerekeleina le bapotsé Lentšu la Modimo pele ga batho. Gomme ke le bitša molato le go lokela Kahlolo. Amene. Ee, mohlomphegi!

<sup>277</sup> Ke bitša selo sa go swana seo Petro a se dirilego. O biditše tshokologo ya moloko wola. Ke bitša tshokologo go moloko wo, tshokologo go ya go Modimo, le go tla morago go Therešo ya setlogo ya Lentšu. Etlang morago go Tumelo ya botate ba rena. Etlang morago go Moya wo Mokgethwa, gobane Modimo a ka se kgone go O fetola.

<sup>278</sup> Ge Modimo a rile, “Maswao a a tla latela bona ba ba dumelago,” O swanetše go dula le seo gohle go kgabola Bokagosafelego. Ke Lentšu la Gagwe.

<sup>279</sup> Ge o re, “Šišinya diatla, goba tšea selalelo,” goba se sengwe go swana le seo, goba se sengwe godimo ga thutotumelo yeo, goba se sengwe godimo ga kgopolole yeo; gore monna mang kapa mang, letagwa lefe kapa lefe, mosedumele mang kapa mang a ka kgona go e dira. Moekiši ofe kapa ofe, mmalegogwana ofe kapa ofe—mmalegogwana a ka kgona go dira seo. Tšea selalelo, e ba le dibopego le dilo boka tše, o ka kgona go e dira.

<sup>280</sup> Eupša Jesu o rile se e tla ba boitsebišo, “Maswao a a tla,” e sego a *ka no ba*, “a tla ba, ka go meloko yohle, go bona

bao ba dumelago! Leineng la Ka ba tla lelekela bodiabolo ntle; ba tla bolela ka maleme a mangwe, ba bolela ka maleme a maswa; le go swara disephente; go nwa dilo tše di bolayago, di ka se ba gobatše; go bea diatla tša bona go balwetši, ba tla welwa ke maruru.” “Fodišang balwetši, tsošang bahu, leleklang bodiabolo ntle; ka mo le amogelago feela, efang feela.”

<sup>281</sup> Tšohle dikema tše kgolo tše tša go dira tšelete le dilo, le go kgokwa godimo ka go dilo lehono, ga go makatše ba tletše kudu ka kahlolo. Ee, mohlomphegi! Oo, mna!

<sup>282</sup> A re boneng bjale. Ee, mohlomphegi. Pitšo go ya tshokologong, le go tlengwa ga ka bjale.

<sup>283</sup> Khalibari ye mpsha ye ke ke—ke kereke, e bitšwago, mafelo a makgethwa kudukudu, diphuluphithi tše kgolo, aletara ya Bokatoliki, aletara ya Katoliki, e biditše phuluphithi ya bona. Methodist, Baptist, Presbyterian, Lutheran, Mapentecostal, mafelo a makgethwa kudukudu, fao O amogela dithothobetšo tše Gagwe tše thatathata. Khalibari ye mpsha! E hwetšwa kae? Ka mafelong a makgethwa, kereke.

<sup>284</sup> O bapotšwe kae? Go tšwa go badiša. Lena baikaketši, le tseba bokaonana go feta seo! Ga se ka befelwa, eupša se sengwe ka gare ga ka se a hiduega. Modimo o tsebagaditšwe ka go tsenelela magareng ga lena.

<sup>285</sup> Ke kae mo A hweditše marumo a Gagwe, ka lehlakoreng la Gagwe? O hweditše kae dithothobetšo tše Gagwe? Godimo ga Khalibari. Lehono O e hwetša kae? Ka phuluphithing. Di tšwa kae? Jerusalema. Di tšwa kae? Kerekeleina. Bao ba tleleimago go Mo rata, bao ke ba ba e dirilego. Bao ke ba ba e dirago lehono. Khalibari ya Gagwe ya bobedi, moo A amogelago dithothobetšo tše Gagwe kgahlanong le Lentšu, seo ke se se Mo thothobetšago. Yena ke Mang? Yena ke Lentšu. Yena ke Lentšu. Ke kae mo A thothobeditšwego thatathata go tšwa gona? Phuluphithi ka mafelong a makgethwa, go no swana le ge go bile nako yeo.

<sup>286</sup> Ke na le tokelo go bea moloko wo molato. Ke na le tokelo go e dira, bjalo ka modiredi wa Ebangedi ya Jesu Kriste, ka maswao a Gagwe, le go netefatša gore Yena ke Modimo. Ke na le tokelo go tliša peomolato kgahlanong le moloko wo. Gobane, dintlha tše lerumo tše thatathata tše Gagwe di be di le thwi go tšwa diphuluphithing, moo ba swaswaladitšego le go re, “Le se ye ntle go kwa selo seo. Seo ke sa diabolo.” Thwi ka lefelong le le swanetšego go Mo rata!

<sup>287</sup> Gomme wona maswao ao Jesu a boletšego gore a tla direga, “Lentšu la Modimo ke le bogajana go feta tšoša ya magale mabedi; Lentšu, mohlathi wa dikgopololo, wa maikemisetšo a pelo.” Gomme Le bitšwa diabolo, go tšwago kae? Diphuluphithi, mafelo a makgethwa.

<sup>288</sup> Oo, Modimo, A ka kgona bjang go lebelela fase? Feela—feela kgaogelo, yeo ke phetho, mogau. Re ka se kgone go dira selo gape eupša go lebanya kahlolong. Re šetše re le fao. Uh-huh.

<sup>289</sup> Naganang ka yona. Thothobetšo ya Gagwe ye thatathata e tšwa phuluphithing. Fao ke mo Khalibari ya Gagwe ye mpsha e lego gona. Ba Mmapotše, Lentšu, mo phuluphithing. Yeo ke nnete. Bjang, ba e dirile bjang? Ka dibopego tša bona tša bomodimo. Seo ke tlwa!

<sup>290</sup> O rwešwa mphaphahlogo go tšwa go batheeletši, ka bakweri! O na le mphaphahlogo wo moswa wa meetlwa, bakweri! O thothobeditšwe go tloga phuluphithing; go rwešwa mphaphahlogo ke bakweri. A O bapotšwe gape, ka boswa? A ntšhitšwe megogoma ke dithutotumelo tša madirwa ke motho, barutiši ba kerekaleina kgahlanong le Lentšu la Gagwe. Ba a Le hllobola thososo, ke dihlong, ba a Le ahlola.

<sup>291</sup> Jesu o rile, “Ba Nthapela ka lefeela.” Ka *lefeela*, “le se ke la dira botse.” Ba rapela mang? Ba rapela Modimo yola wa go swana. Ba be ba rapela Modimo yola wa go swana mo papolong ya Gagwe ya mathomo, gomme e be e le thapelo ya lefeela. Ke selo sa go swana lehono. Ka lefeela ba aga dikerekemaina tše. Ka lefeela ba aga disseminari tše. Ka lefeela ba na le dithutotumelo tše, go ruta thuto ditaelo tša motho, le go gana Lentšu la Modimo. Ba ne molato wa go bapola Mokgoma wa Bophelo, ba ruta dithuto tša motho bakeng sa Lentšu la Gagwe. “Ba Nthapela ka lefeela,” ba ntšhitše megogoma, ba thothobeditše, ba rwešitše mphaphahlogo.

<sup>292</sup> Ge le bona seo se theoga mokgotha, gomme ba bangwe ba lena bahumagadi ka moriri wo motelele; le re, “O na le fešene ya kgale, a ga se yena?” Elelwang, bao ke bakweri, woo ke mphaphahlogo wo o o aperego. Modimo o rile e be e le letago la gago; o apare ka boikgantšho. Haleluya! O apare ka boikgogomošo, bjalo ka ge o ka apara mphaphahlogo wa meetlwa bakeng sa Morena wa gago. O apare ka boikgogomošo. O se lewe ke hlong. O boletše bjalo, ga go kgathale se boIsebele ba ba se bolelago lehono. Se baekiši ba ba emego ka phuluphithing, babapodi ba Kriste, ga go kgathale se ba se bolelago, o o apara ka boikgogomošo. Modimo o boletše bjalo. O a o boloka.

<sup>293</sup> Go rwešwa mphaphahlogo, ka bakweri gape, meetlwa. Go thothobetšwa go tšwa phuluphithing, ka dithutotumelo.

<sup>294</sup> O na le Golgotha ye mpsha, moo ba Mo išago gona: dikhwaere tše tša go apešwa, basadi ba go apara mafonokana, meriri ya go kotwa, sefahlego sa go pentwa, ba opela ka khwaereng bjalo ka Barongwa, ka ditalente. Yeo ke Golgotha ya Gagwe ye mpsha, feela bommaletasa ba sebjalebjale ba šireletšwago ke molao, go swana le ka Sodoma le Gomora.

<sup>295</sup> Le bona mpša ye nnyane ya tshadi e eya go theoga mokgotha. Ka nako ye e itšego ga go mpša ya kgoto ebile e tla yago ntle

mo e lego. A nke selo se rilego se direge, gomme ye nngwe le ye nngwe ya tšona e tla mo šala morago. Go na le se sengwe se mo diragaletšego. Le a tseba gobaneng. A nke . . .

<sup>296</sup> Basadi ba ba apola diaparo tša bona bakeng sa eng, gomme ba ya go theoga mokgotha? Le se ke la mpotša gore ga se selo se se swanago. Ke boitsebišo. Le se ke la ahlola banna. Eupša ba šireletšwa ke molao wa Sodoma. Molao woo o swanetše go re ga go molaong go bona go ba ntle kua.

<sup>297</sup> Gomme bareri mo phuluphithing ba swanetše go ba le onoroko sebakeng sa jase ya baruti; ba eme ntle kua gomme ba tla e dumelela, le go lewa ke hlong go bolela kgahlanong le yona, gobane kerekela ya bona e tla ba rakela ntle. Le bapotše, go phu—phu phuthego, Lentšu la Modimo le le rego, “Ke makgapha go mosadi go apara seaparo se se swanago le sa monna.”

<sup>298</sup> Ke—ke ahlola selo. Ke—ke—ke—ke—ke—ke se phara molato wa go bapola Lentšu la Modimo pele ga batho. Basadi ba moriri wa go kotwa, ba go apara dišothi, le mphaphahlogo . . . ba eme godimo ka khwaereng!

<sup>299</sup> Yo mongwe o rile go nna, letšatši le lengwe, mosadi tsoko o mpotšišitše, o rile, “Gabotse, o nagana o tla hwetša kae?”

<sup>300</sup> Ke rile, “Ge Morena a nkogopetše go topa tasene ntle, godimo ga lefase, ke tla—ke tla tšhoga go iša lehung.”

<sup>301</sup> Ge, ka tlhatho ya Moya, ke eme fale le go ba šetša le go ema ka mokgwa woo le go bona tšona dilo godimo ga bona; ba ditšhila, ba bohlaswa, ba fasefase, bagogi ba sekerete, ntle kua ba tšwelapele ka mokgwa woo, le go ema ka go khwaere ya go apešwa le go opela ka go seemo seo, le go dumelela batheeletsi go ba bona. Ba tla re, “Gabotse, ge a ka kgona go e dira, nka kgona le nna.” Bophelo bja Bokriste ke bophelo bja bokgethwa le tlhweko, go hloka molato!

<sup>302</sup> Ke ba bea molato, Leineng la Jesu Kriste, bakeng sa bohlaswa le tšhila ya bona. Ba tlisitše Ebangedi go kgobogo. Gomme bao ba lekago go E swara, ba bitswa “mahlanya,” ba bitsa, “Tseo ke ditšiebadimo tša fešene ya kgale.” Ke ba bea molato, Leineng la Jesu Kriste.

<sup>303</sup> E no ba bommaletasa ba sebjalebjale mokgotheng, ba opela ka dikhwaereng, ba kgoga sekerete, ba bolela metlae ya ditšhila, ba bararo goba ba bane monnamogatša, gomme ka morago ga wa boselela, gomme ka gona ba opela ka khwaereng ka baka la gore ba na le segalontšu. Wena wa go šokiša wa bohlale, wa go tingwa semoyeng, wa go ganwa godimo ga mabala a gago mong. O bala Beibele ya go swana yeo motho e ka ba ofe yo mongwe a ka go e bala, eupša le ganne Moya wa Modimo, go fihla Beibele e rile le tla “neelwa go phoro ye maatla, go dumela maaka le go lahlwa ka yona.” Gabotse le dumela gore le a rereša, gomme Beibele e

bolela gore le tla e dumela le go ahlolwa ka maaka a go swana ao le a dumelago go ba Therešo.

<sup>304</sup> Kagona, ke le bea molato ka Lentšu la Modimo. Le ruta batho phošo, le go bapola dikokwane tša Kriste, tša bokgethwa le Bophelo godimo, gore motho a ke a sepele ntle mo mokgotheng le go ba motho wa go fapanā.

<sup>305</sup> Bareri ba eme lebaleng la kgwele, ba kgoga disekerete; dikotanašitiši; yohle tšhila ye nngwe ye ba bego ba e bea godimo. Basadi ka khwaereng ya bona, ba apere dišothi, moriri wa go kotwa, le go ya pele ka mokgwa woo, difahlego tša go pentwa, gomme ka gona wa e bitša, “Kgaetšedi, yo le yola,” gomme Beibele e ahlola selo seo. Seo ke therešo. O ya diphathing le go ya pele, o sa le leloko la kereke; o bolokile bopaki bja gago, gomme o phele ka tsela e ka ba efe o nyakago.

<sup>306</sup> Le se nagane ke bolela gohlegohle ka Mapresbyterian. Ke bolela ka lena Mapentecostal. Yeo ke nneta. Le kile la tseba Therešo, eupša le naganne le ka se kgone go E tšeа. Le ka se kgone go thekga modiša wa lena. Modiša wa lena—wa lena o be a ka se kgone go ba le mošomo wo mogolo wola ka ditolara tše makgolo a mantši bjalo ka beke, le kereke ye kgolo ye kaone go rera ka go yona, le go namela le go tšwelapele ka tsela ye ba dirago. Ge a ka sola seo, mokgatlo o tla mo lahlela ntle; kafao o swanetše go e boloka, o swanetše go e bolela. Kagona, o rekišitše ditokelotswalo tša gagwe, bakeng sa togotogo ya moro wa lefase, wa dikošo tša Esau. Gomme o ya go e hwetša eng bakeng sa yona? Bobedi di wela ka mokoting wa kahlolo, gomme tša ahlolwa. Ke ba bea molato, bjalo ka bommalegogwana ba Ebangedi.

<sup>307</sup> Ke be ke le go khwaere, le lengwe la a go tuma, mafelo a magolo, e sego telele go fetile, ye nngwe ya dikgao tša godimodimo tša Pentecost tšeо di lego gona. Gomme ke diregile go be ke dutše ka go boithutelo bja ngwanešu yo ge dikhwaeře tše nne goba tše tlhano di etla mmogo. Gomme ke go ye nngwe ya . . . ye mengwe ya mekgatlo ye mekaonekaone ya Mapentecostal. Gomme ba be ba sa tsebe ke be ke le ka go boithutelo bjo bja modiredi, ka Oklahoma. Ke be ke dutše tlase fale, ka tlase, moo modiredi a ithutago pele a etla sefaleng sa gagwe. Gomme ge ke dirile . . .

<sup>308</sup> Go be go le boRicky ba bannyanе ntle kua; le boRicketta, pente, ga go le o tee wa bona a bilego le moriri wo motelele, yo mongwe le yo mongwe wa bona ka moriri wa go kotwa, yo mongwe le yo mongwe wa bona a apere meikapo, yo mongwe le yo mongwe wa bona a apere diaparo. Gomme Ricky yo monnyane a eme tikologong fale, a sepela mmogo ka mokgwa *wola*, (gomme monna yo mongwe o be a tšeа moneelo wa boromiwa), o be a dira mo o ka rego o be a le monna wa sefov ka komiki, le go ya go dikologa a bolela dilo tša mohuta tšohle tša maroga ka go tšeа moneelo, le dilo tša go swana le tšeо. Eupša go tšwela ntle kua le

go leka go opela me—*Me Mesia*, oo, nna, le—le go kgona go dira mošomo wo mobotse wo mokaone go yona, eupša e be e se na le ntikodiko. Aowa, e be e hwile, le a bona. Oo, nna! Ke lena bao. Yeo ke Golgotha ya Gagwe ye mpsha.

<sup>309</sup> O nagana eng ka mosetsana tsoko yo monnyane, goba mosadi tsoko yo monnyane ka fale? Gobaneng, ge a ka tla ka fale, a apere boka a ka be a bile, ka moriri wo motelele, le pente yohle go tloga, le dilo boka tše, ba ka be ba dirile metlae ka yena; ge nkabe a ile a ema, gomme ge ba be ba dira seo go dira kua, sehlopha sela sa batho ba baswa, e ka ba ba masometharo goba masomenne ba bona. Karolo ye e hlaotšwego ya Pentecost, le go dira dilo boka tše! Gomme ge mohumagadi yo monnyane yola a ka be a boletše se sengwe ka yona, ba ka be ba mo raketše ka ntle ga khwaere.

<sup>310</sup> A nke moreri wa Ebangedi a eme ka phuluphithing gomme a bolele se sengwe ka yona, ba tla mo rakela ka ntle ga mokgatlo. Le bapola Morwa wa Modimo ka boswa, gomme le Mmea go dihlong tša phatlalatša. Ebangedi ya Gagwe ye le tleleimago go e rera, le a Mmapola. Ke bea moloko wo wa go gana Kriste molato, ka Lentšu la Modimo, le ka maatla a Lona a bohlatse bja matšatši a a mafelelo gore O sa phela. Ee. Ba kgahlanong le la go ripa go hlweka, Lentšu la Modimo le le hlatsetšwego. Mekgatlo ya bona e ka se kgone go ema godimo go Lona.

<sup>311</sup> Dikereke tše kgolo le dikerekemaina ke Khalibari ya Gagwe ye mpsha. Ke e bolela gape. Ye, bommaletasa bona ba sebjalebjale, ke dikhwaere tša bona.

<sup>312</sup> Moprista mogolo wa kerekeleina ye nngwe le ye nngwe o goelela ntle boka moprista mogolo wa letšatši lela, “Bjale fologa gomme o re bontšhe mohlolo.” Uh-huh. Yeo e bile papolo ya mathomo.

<sup>313</sup> Go a swana lehono. Ke bile le bona ba re, “Gabotse, bjale, o tsoša bahu, a o a dira? Gobaneng o sa ye godimo kua? O na le mosadimogatša ka serapeng sa mabitla. O na le les ea godimo kua.”

<sup>314</sup> Ba rile go Yena, “Re kwele O tsošitše bahu. Re na le serapa sa mabitla se tletše bona godimo mo. Etla o ba tsoše.” Oo, go hloka tsebo go tla tswala go hloka tsebo. Le a bona? Uh-huh.

<sup>315</sup> Dikereke tše kgolo, dikhwaere tše kgolo, baprista ba bagolo ba letšatši le, “Fologa, re bontšhe mohlolo wo kerekeleina ya ren a ka se kgonego go o dira.”

<sup>316</sup> Ke bile le monna, e segó telele go fetile, yo a dirilego tshwayo ka . . . morago ga kgašo ye nnyane ke bilego le yona ka Jonesboro, Arkansas, a bolela ka mosadi yo mongwe a fodišitšwe. Moisa yo e be e le wa kerekeleina ye e itšego, gomme o ile godimo ka morago fale gomme o rile, “Ke hlohlha monna mang kapa mang go ntlišetša le go mpontšha mohlolo.”

<sup>317</sup> Ke ile gomme ka hwetša ngaka. Monna o be a fodišitšwe, ka kankere. Ke ile gomme ka hwetša mosadi yo a bego a le ka go setulo sa bagolofadi lebaka la e ka ba mengwaga ye masomepedi; o ile a fodišwa atheraithisi, o be a le ka setulong sa bagolofadi. Ke e tšeetše godimo gomme ka re, “Bjale ke nyaka tšelete, ditolara tše sekete.”

<sup>318</sup> O rile, “Gabotse, uh, uh, uh, uh, ga e mo. E godimo ka Waco, Texas, moo motsemošate wa rena o lego.”

<sup>319</sup> Ke rile, “Go lokile, re tla no ya godimo fale le go e hwetša.” O rile, Ke rile, “O dire dipeakanyo gomme re tla ya gosasa.” Le a bona? Ke rile, “Re tla posa . . .” Ke rile, “Ngaka še go bolela gore batho ba ka phethagalo ba bile le kankere. Še yona mo lenaneong, x-ray. Mosadi šo yoo boagišani ka moka ba tsebago o dutše ka go setulo sela sa bagolofadi lebaka la mengwaga ye masomepedi, gomme o sepela thwi bjale. Gomme dingaka, e bile ngaka ka morago ga ngaka ka morago ga ngaka, le se sengwe le se sengwe, gomme šo o a phela lehono. Bjale, o rile o tla ‘fa ditolara tše sekete.’ Ke nyaka go e bea ka go matlotlo a boromiwa. Ke a e nyaka.” Le a bona? Le a bona?

O rile, “Gabotse, e godimo ka Waco, Texas.”

Ke rile, “Re tla ya gosasa.”

<sup>320</sup> O rile, “Ema motsotsso. A nke ke go botše se sengwe. Ke tla tšeа mosetsana yo monnyane le nna. Gomme a nke ke tšeа legare gomme ke sege letsogo la gagwe, gomme morago o a le fodiša, pele ga baena ba rena. Gomme ba tla go fa tšelete.”

Ke rile, “Wena diabolo!”

<sup>321</sup> “Ge O le Morwa wa Modimo, fologa sefapanong se.” “Re botše yo a Go iteilego,” ka lešela go dikologa hlogo ya Gagwe. Ba Mo itia godimo ga yona, ba rile, “Bjale, ge O le moprofeta, re botše yo prof- . . .” “Ge O le Morwa wa Modimo, fologa sefapanong.”

<sup>322</sup> Baetapele ba difofu ba difofu! Ba hloka phodišo ya monagano, monna yo a dirago selo sa go swana le seo, goba a dira tshwayo ya go swana le yeo. Nnete.

<sup>323</sup> Sello sa kgale sa go tlwaelega, go le bjalo, “A re Go bone o dira mohlolo. Mong, re tla hlologela mohlolo go tšwa go Wena.” Ge, letšatši le lengwe le le lengwe, iri ye nngwe le ye nngwe, o be o direga thwi mmogo, feela ge Modimo a be a tla e hlahlela go dirwa. Eupša ba be ba se gona. Ge ba be ba le, ba e biditše “Beletsebubu, diabolo.” Le a bona? “Mong, re tla hlologela ge O ka e dira ka tsela ye re nyakago O e dira.” Yeo ke yona. “Eya moo re nyakago O eya, dira se re se nyakago.” Oo, ee. Uh-huh. Ba be ba se na le manti godimo ga Gagwe. Aowa, mohlomphegi. Ke ka lebaka leo ba ilego ba swanela go Mo ntšha magareng ga bona. Ee, mohlomphegi. Ba leka go dira selo sa go swana lehono. Gomme ka federeišene ya dikereke, mafelelong ba tla fihelela

go e dira, le a bona, bohle ba bona ba eya mmogo. Sello sa kgale sa go tlwaelega.

<sup>324</sup> Mo re a bona, gape, lefelo la bodumedi kudukudu, le lekaonekaone, baithutamodimo ba go natha, ba bitša ntle gape, le kgahlanong le Yena, ba biletša ntle. Bona baithutamodimo ba bakaonekaone, ba ba swanetšego go tseba go fapano; tšona dikereke tša godimodimo kudu, le baithutamodimo ba ba hlahlilwego bokaonekaone, ba Mo lelekile go tloga magareng ga bona. Ga ba E nyake.

O re, “Yeo ke phošo, Ngwanešu Branham.”

<sup>325</sup> Ka gona o be o se mo go bona *Mabaka A Kereke*, goba go a kwa a rerwa. O be a se gona, ge, Lebaka le la Kereke ya Laodikia e bile lona le nnoši le ba Mo lelekilego go tšwa go kereke. Gomme O be a le ka ntle, ka ntle, a kokota, a leka go tsena ka gare. Ba Mo lelekela ntle ka gobane ga ba ne mohola go Yena. Ba Mmapotše ka boswa. Amene! Re ka ya botelele bjo bokae?

<sup>326</sup> Elelwang, moprofeta wa Lentšu la Modimo o re boditšepele, ka go Timotheo wa Bobedi 3, ge le e ngwala fase. Ga re na le nako ya go e bala. Eupša o boletše, gore, “Ka matšatšing a mafelelo, bakweri ba tla tla. Ba tla ba hlogothata, ba menagano ya godimo, barati ba maipshino go feta barati ba Modimo; baphari ba maaka, basekgotsofale, barataniswa, le banyatši ba bao ba lokilego, baeki, ba hlogothata, ba menagano ya godimo, ba rutegile; ba na le sebopego sa bomodimo, eupša ba gana Maatla a bjona: go ba ba bjalo retologa go tloga! Ka gore wo ke mohuta wo o tšeago ba go seleka, basadi ba moriri wa go kotwa,” ba go apara dišothi, difahlego tša go pentwa, “go tloga lefelong go ya lefelong, le go ba hlahlela bothopša.” Seo ke tlwa.

<sup>327</sup> O rile, “Tlogang go yona, ka matšatšing a mafelelo.” A re obameleng moprofeta. Retologang go tloga go dilo tše mo matšatšing a mafelelo. Ba mo. Ke bitša go Kereke bjale. Ee, mohlomphegi. Tlogang go yona!

<sup>328</sup> Ba na le, bona, ba—ba badiredi ba letšatši le, ba swanetše go tseba dilo tše. Ba be ba swanetše go be ba tsebile Jesu ka matšatšing a Gagwe. Ba be ba swanetše go be ba tsebile. Gomme bjale ba swanetše go e tseba, eupša ga ba e tsebe. Feela bjalo ka barutiši ba Bajuda ba matšatši a Gagwe ba ka be ba Mo tsebile ka letšatši la Gagwe, ka fao go bjalo lehono, ka Lentšu la Modimo le le hlatsetšwego nako yeo. O be a le Lentšu, gomme O ile a netefatša gore O be a le Lentšu. O netefaditše O be a le Lentšu la letšatši leo. Gomme Modimo o netefaditše lehono gore Yena ke Lentšu la letšatši le, Seetša sa iri. Gomme ba be ba swanetše go be ba e tsebile nako yeo, gomme ba be ba swanetše go e tseba bjale.

<sup>329</sup> Ba Mmapotše nako yela, gomme ba a Mmapola bjale. Ke ba bea molato ka yona! Nnete. E no tšwelapele e phadima ka nna, “Go ba bea molato, gobane Modimo o ya go ba dira ba o patele!”

<sup>330</sup> Bajuda ba letšatši la bona. Modimo gape, ka matšatšing lefaseng, Jesu o rile, “Jerusalema, Jerusalema, ke gakaakang Nkabego ke go kgobokile ka go sehlopha se tee se segolo bogolo, eupša ga se o nyake.”

<sup>331</sup> Ka fao Modimo a lekilego, ka go matšatši a a mafelelo, go kopanya batho ba Gagwe mmogo, eupša ga se la nyaka. Le hlohogetše thutotumelo ya lena, kafao bjale le filwe go tshenyego. Seo ke se Jerusalema e se amogetšego; o ile a phušuelwa fase, a tšhungwa, ga a sa le gona. Gomme seo ke tlwa se se tla bago, a mangwe a matšatši a, go dilo tšohle tše kgolo tše mo. Dithutotumelo tša lena tše kgolo le dikerekemaina di tla hwa le go senyega, eupša Lentšu la Modimo e tla ba Gosafelego le go phela go ya go ile. Le a bona?

<sup>332</sup> Dintho tša Gagwe tša go tsenelela di tšwa ntlong ya ba ba bitšwago bagwera. Naganang, naganang ka yona. Naganang ka yona! Emang! Ke letile motsotsso. Badiredi, naganang ka yona! Dintho tša Gagwe di tšwa kae? Ngwako wa ba ba bitšwago bagwera ba Gagwe. Bjalo ka ge go bile, go bjalo. Naganang ka yona! Kua Khalibari O be a se a dikologwa ke—ke diolorolo, dimpara, eupša ke badiredi ba ba tleleimilego go Mo rata. Gomme lehono, ge Ebangedi e tsebagaditšwe ka go tsenelela, ge maswao a magolo a tsogo ya Gagwe a netefatšwa magareng ga rena, ga se mokgotha ntle kua wo o tabogelago godimo ga gago, ke ba ba bitšwago badiredi.

<sup>333</sup> Bona ba ba swanetšego go Mo rata, ke ba A dikaneditšwego ka bona lehono. “Re ka se be le Selo sela magareng ga rena. Re ka se be le Monna yo a buša godimo ga rena. Re ka se thekge. Re ka se be le tirišano ka Yeo, ka toropongkgolo ye, ge Selo seo se etla ka tsela ye. Ga se selo eupša bosemoya. Ke diabolo.” Go se tsebe Lentšu la Modimo, sefov se hlahlal sefov. Bjalo ka ge go bile nakong yela, naganang, go bjalo le bjale. Feela bjalo ka ge go bile nakong yela, go bjalo le bjale. Naganang!

<sup>334</sup> Maatla a Gagwe go fodiša le go lokolla banna le basadi go tloga go lerato la lefase le la bjale, go tšwa go ba moriri wa go kotwa, boIsebele ba go pentwa difahlego ba ba ipitšago Bakriste bonabeng; le go tšweletša bophelo bjo bo bjalo ka bjoo, ba go kgoga sekerete, go bolela motlæ wa ditšhila. Ba dula fase le go ba le sosaaete ya boromiwa, le go nata le go roka, le go bolela, le bogoboga, le—le go tšwela ntle mokgotheng le go apara dišothi, le se sengwe le se sengwe boka seo; gomme morago ba ipitša Bakriste bonabeng, pele ga basadi ba bangwe. Le elelwakanegelo ya ka ka lekgoba a tseba o be a le morwa wa kgoši, semelo sa gagwe. Re swanetše go ba eng? Banna le basadi, gomme re gane...

<sup>335</sup> Banna ba ba baruti, diphuluphithi tše moo A hwetšago dithothobetšo tša Gagwe, ba beile godimo le go dumelela mohuta woo wa go phela magareng ga batho, moo ba Mo thothobetšago.

Ba gana Maatla go—go ba lokolla go tloga go yona, gomme ba e dumelela go ba bjalo. Ge, e le kgahlanong le Lentšu la Modimo, go mosadi go kota moriri wa gagwe, goba go penta sefahlego sa gagwe, goba go apara dišothi. E kgahlanong le Lentšu la Modimo, eupša ba a e dumelela, go dira Khalibari ye nngwe (go tloga kae? go tloga mokgotheng? go tloga pareng?) go tloga phuluphithing, go tloga phuluphithing.

<sup>336</sup> Gomme, gape, sello e be e le eng? “O itira Modimo ka Boyena.” Ba gana Bomodimo bja Gagwe. Ba leka go Mo aroganya le go dira Badimo ba bararo goba ba bane go tšwa go Yena. Mola, Yena ke Modimo; O be a le Modimo; ka mehla O tla ba Modimo, wa go swana maabane, lehono, le go ya go ile. Ge o bolela ka Modimo yo motee, go bona, ba a go sega. “Re dumela ka go thrinithi ye kgethwa.”

<sup>337</sup> Ke dumela go Modimo yo motee yo mokgethwa, ee, mohlomphegi, Maatla a Gagwe go fodiša, go lokolla, le go tšea batho ba go tšwa go lerato la lefase, go ba lokolla boka A dirile Maria Magdaline. Elelwang, o be a le Isebele yo monnyane wa go pentwa godimo, le yena. O be a na le bodiabolo ba šupa ka go yena. O be a le mmaletasa.

<sup>338</sup> Go no swana le mosadi wa sebjalebjale mo mokgotheng lehono; eya kae kapa kae o nyakago le go lebelela. Ge le sa dumele batho ba inama go sebatlabadimo sa basadi ba go ponoka, lebelelang ntle mokgotheng lehono. Bjalo ka ge go bile ka matšatšing a Sodoma, go tla ba bjalo. Lebelelang ntle, ge le sa e dumele, e nong go ya kae kapa kae. Bulang pampiri, bulang kgatišobaka, lebelelang go letlapa la kwalakwatšo, le hwetša eng? Elelwang se e se boletsego, “Ge barwa ba Modimo ba bone barwedi ba batho e le ba babotse, ba itšeetše basadi go bona.” Lebelelang bogoboga ka Engelane, lebelelang bogoboga fa, lebelelang selo ka moka, se fetogile ntlo ya bommaledogogwana.

<sup>339</sup> Gobaneng e le? Gobaneng Russia e bile bokomonisi? Ka baka la maroga le tšila, le go se be Maatla ga kereke ya Katoliki. Gomme seo ke tlwa gobaneng setšhaba se se thopša, bokomonisi le mokgatlo wa dikereke, le go itšoena yonamong godimo le kereke ya Katoliki. Yeo, bokomonisi le Bokatoliki di tla kopana mmogo, le a tseba, gomme šeba ba a e dira. Gobaneng? Ka gobane ba ganne Ebangedi ye e ba aroganyago le go ba dira batho ba go fapano! . . . ? . . . Leo ke lebaka tlwa.

<sup>340</sup> Gomme badiredi ka phuluphithing ba sepelelana le yona, bakeng sa thekethe ya dijo, bakeng sa maemo a leago a thutotumelo tsoko, o re, “Ke nna wa *Semangmang*,” go fetolanya thuto bakeng sa Maatla a Modimo; ba lokolle go tloga go moloko wo wa go gafa, boka Maria Magdalene.

<sup>341</sup> Wona Maatla ao a kgonnego go tšea mmaletasa yo monnyane yola mo mokgotheng, le go mo dira a apare diaparo le go itshwara

boka mohumagadi, go mo dira Mokriste, ba ahlotše Maatla ale, gomme ba bapotše Monna yo a bilego le Wona, kua Khalibari.

<sup>342</sup> Gomme lehono, yona Ebangedi le Moya wo Mokgethwa woo o tla tšeago mmaletasa yo monnyane yola le go mo dira a apare boka mohumagadi le go itshwara boka Mokriste, ba O bitša “bohlanya.” Ga ba O nyake o hlakahlakantswe magareng ga phuthego ya bona, ba O dira o hiduege magareng ga bona, go dira basadi ba bangwe go o dira. Ba dira eng? Ba O šušulela ntle, feela boka ba dirile nako yela. Gomme bjale ba bapola lona Lentšu gomme ba re Le be le la lebaka le lengwe. Ke ba bea molato gape, ee, mohlomphegi, go no swana le ge ba beilwe molato nako yela.

<sup>343</sup> Leswao le le dirilego Madira wa kgale go apara diaparo tša gagwe. Elelwang, motho yo a apolago diaparo tša bona o a gafa. Le a bona? Go reng ka mosadi? Madira o be a gafa; o apotše thososo diaparo tša gagwe go tloga go yena. Modimo o tšere Maatla a Gagwe le go mo dira a apare diaparo tša gagwe. O be a apere, ka go monagano wa gagwe wa maleba, a dutše fase dinaong tša Jesu.

<sup>344</sup> Lebelelang Maatla ao a dirilego sefofu Baratamio wa kgale go bona, thwi magareng ga dithutotumelo tša bona. O be a le lefaseng ge go be go no ba gosedumele mo gontši bjalo ka ge go le lehono, eupša ga se gwa ke gwa Mo emiša. O ile pele. Ga se A ke a goga matswele go bona. O ba boditše, “Ke lena ba tataweno, diabolo.” O ahlotše selo ka moka.

<sup>345</sup> Maatla ao a kgonnego go tsoša Latsaro go tšwa lebitleng, le go fa mosadi wa Naine morago morwa wa gagwe! O Modimo! Maatla ao a kgonnego go dira dilo tše, ao a kgonnego go bolelelapapele dilo tše di diregilego. “Go na le tše pedi... Pokolo, go na le pokolo e tlemilwe ka ditsela tše pedi,” le dilo tšohle tše tše A di boleletšegopele. Yena Monna yoo a ruilego Maatla ale, “Kgole le Yena. Re ka se be le Yena magareng ga batho ba rena. O tšhilafatša dithuto tša rena,” gomme ba Mmapotše.

<sup>346</sup> Sona selo sa go swana lehono, “Kgole ka Moya wo Mokgethwa,” ga ba nyake selo go dira le Wona. “O a ahlola le go dira dilo tše, le go botša batho ba rena dilo tše re sa nyakego go tswakana magareng ga mekgatlo ya rena. E kgahlanong le dithutotumelo tša rena.” Ba Mmapola gape. Oo, nna!

Hlokamelang bjale ge re tswalela. Re swanetše go tswalela.

Gomme, gape, ba O bitša “bohlanya.”

<sup>347</sup> Gomme ba Mmiditše “lehlanya.” Ba rile, “O be a gafa.” Yo mongwe le yo mongwe o a tseba gore Beibele e boletše gore, “Jesu o be a le,” bona Bafarisei ba rile, “Monna yo ke Mosamarria, gomme O a gafa.” Bjale lentšu go gafa le ra eng? “Go gafa.” “Monna o a gafa. Ke sehlopha sa batho ba go gafa ba Mo latelago. Ke Beletsebubu.”

<sup>348</sup> Gomme, gape, ba bolela selo sa go swana, “Ke mohuta wa boloi. Ke go bolelamahlatse,” go Mmea gape godimo ga sefapano sa dihlong. Sefapano sefe? Dihlong dife? Lentšu la Gagwe le le hlatsetšwego; ba dira metlae ka Lona, ba botša batho gore Ke diabolo. Ba dira se sengwe, gomme ba bitša . . .

<sup>349</sup> O rile, “Ba bitša mediro ye mekgethwa ya Modimo ‘moya wa ditšhila o e dira,’ ga go tebalelo go yona.”

<sup>350</sup> Ba dira dihlong ka Lentšu la Gagwe, ba leka go Le senola le go Le bitša bofora goba bohlanya, “Le se ye go yona. Le se ke la tsenela tšona dikopano.” Uh-huh.

<sup>351</sup> Ba dira eng ka go dira seo? Ba tšeа dipikiri tša bona tša thutotumelo ya kerekeleina. Yeo ke nnete. Barutiši ba ba go tsoma maipshino, selefase, bahlokamodimo, segafa sa kerekeleina, ba tšeа dipikiri tša kerekeleina gomme ba bapola Morwa wa Modimo ka sona, ka boswa, go tšwa go diphuluphithi tša bona.

<sup>352</sup> Gobaneng ba dira se? “Ba rata ditumišo tša batho,”igrata tše kerekere e ka kgonago go ba fa, “bontši go feta lerato la Lentšu la Modimo.” Ke a ba ahlola. Ga ba kgone go ipapetša le lefase, ka gore ba . . . Ga ba kgone go ipapetša le Lentšu, gobane ba šetše ba ipapeditše le lefase. Ba šetše ba e dirile. Letšatši la boikaketši le re phelago ka go lona! A le ga se . . .

<sup>353</sup> A Khalibari e tee ga ya lekanela bakeng sa Morena wa ka? Gobaneng le ka dira se? Lena ba le swanetšego go Mo rata, lena bao le tsebago Le ke Lentšu la Gagwe, lena bao le kgonago go bala Kutollo tema ya 22, e re, “Mang kapa mang a ka tšeago Lentšu le tee goba go oketša lentšu le tee,” gobaneng le e dira? A Khalibari e tee ga ya lekanela go Yena?

<sup>354</sup> Ke eme go tshireletšo ya Gagwe. Ke nna moemedi wa Gagwe, gomme ke le bea molato ka Lentšu la Modimo. Fetolang ditsela tša lena goba le tla ya heleng. Dikerekemaina tša lena di tla šwalalana. Ke le bea molato ka Bogeneng bja Moahlodi, thwi, lena, ka dibopego tša lena tša bomodimo, maikaketsi. Gomme gobaneng le O bitša . . . A Khalibari e tee ga ya lekanela?

<sup>355</sup> Bjalo ka ge Petro a rile, “Botataweno ba dikerekemaina,” Petro o le beile molato ka . . . O rile, “Ke ofe wa botataweno a sa dirago se?” Stefano o dirile selo sa go swana: “Ka diatla tše mpe le bapotše Mokgoma wa Bophelo.” A Jesu ga se a bolela, Yenamong, “Ke ofe wa botataweno a sego a bea baprofeta ka mabitleng? Gomme le a a kgabiša ka morago ga fao?” Go bile bjalo go monna wa moloki tlase go kgabola mabaka!

<sup>356</sup> Kafao ke bea molato se sa go nathišwa, sehlopha sa go ya ka kerekere sa batho ba go gana Kriste sa letšatši le. Lena, ka dibopego tša lena tša bomodimo, le bapola Kriste lekga la bobedi, ka go botša batho, gore, “Mantšu a ke a letšatši tsoko le lengwe, gomme Ga se a letšatši le.” Ke le bea molato. Le molato

wa bosenyi bja go swana bjoo ba bilego, mo letšatšing la papolo. Sokologang gomme le retologele go Modimo, goba le senyege.

<sup>357</sup> Gomme gape ke re, “Mo,” dikereke, “tšona,” barutiši, “ba bapola,” ka maroga, “Yena,” Lentšu. Modimo eba le kgaogelo! A nke ke bolele seo gape. Se ka no ba go hlakahlakana go theipi. “Mo,” dikereke, “bona,” baruti, “ba bapola,” ka maroga, “Yena,” Lentšu. Ga go makatše ke gape:

Kgatheng ga maswika a go phesuga le  
mafaufau a swiswalago,  
Mophološi wa ka o inamišitše hlogo ya Gagwe  
gomme a hwa,  
Eupša seširo sa go bulega se utolotše tsela  
Go ya mathabong a Legodimo le letšatši la go  
se fele.

<sup>358</sup> Ke e bolela go theipi ye, le go batheeletši ba, ke bolela se ka tlase ga tšhušumetšo ya Moya wo Mokgethwa: Yo a lego ka lehlakoreng la Morena, a a tle ka tlase ga Lentšu le! Modimo ka kgontha o tla tliša wo mobe wo, wa go gana Kriste, moloko wa go gana Kriste ka kahlolong, bakeng sa maroga, papolo ya Lentšu la Gagwe le le tsebagaditšwego. Ba tla Kahlolong. Ke o bea molato! “Yo a lego ka lehlakoreng la Morena,” go boletše Moshe, “a a tle go nna,” ge Pilara ya Mollo e lekeletše fale bjalo ka bohlatse. Yo a lego ka lehlakoreng la Morena, a nke a tsee Lentšu, a gane thutotumelo ya gagwe, gomme a latele Jesu Kriste tšatši ka tšatši. Gomme ke tla kopana le lena mosong.

A re inamišeng dihlogo tša ren a bjale bakeng sa lentšu la thapelo.

<sup>359</sup> O Morena Modimo, Mofi wa Bophelo bjo Bosafelego le Mongwadi wa Lentšu le, Yo a tlišitšego Morena Jesu gape go tšwa bahung, Yo a e tsebišitšego ka maleba pele ga mo—mo moloko wa batho ba gosendumele. E bile botelele, mosong wo. Ba bantši ba dutše mo. Kereke e pakelane. Batho ba eme go dikologa. Gomme ditheipi di a dirwa, go ya ntle go kgabaganya lefase, go ya ka mafelong a go fapania. Badiredi ba tla kwa se ka go ifthuteng ga bona. Ke a ba rapelela, Morena. A nke Mantšu a a wele go teba ka pelong, a sge go teba, a ripa go tloša lefase lohle. Gore ba bolele boka...

<sup>360</sup> Modiredi yo monnyane yo wa Methodist tlase ka Kentucky, o tlide go nna letšatši le lengwe, gomme o rile, “Ge ke be ke ekwa *Mabaka ale a Šupago a Kereke*, ke e kwele e goeletša ntle, ‘Tlogang go wona maboto a Babilonia,’” o rile, “Ke e neetše le go tloga. Ga ke tsebe ke ye ka tsela efe goba ke dire eng, eupša ke tlogile.” A go šegofatšwe tlhohleletšo ya lesogana lela, le mosadimogatša, le bana ba babedi goba ba bararo.

<sup>361</sup> Modimo, a nke ba bantši ba hwetše tsela ya bona go Lentšu la Modimo, tsela e nnoši ya Bophelo, ka gore Yena ke Lentšu. Ke rapelela yo mongwe le yo mongwe, Tate. Dinako tše dingwe ka

go bolela dilo tše, ga se ka sehlogo; ke ka lerato, gobane lerato le a phošolla. Gomme ke a rapela, Modimo, gore batho ba tla e kwešiša go ba ka tsela yeo, gore e be e era go phošolla. Wena Yo a swanetšego go phošolla, gomme o ba rapeletše sefapanong, wa re, “Tate, ba lebalele. Bona, ba foufetše, ba—ba no se kwešiše se ba se dirago.”

<sup>362</sup> Ke rapelela bona badiredi lehono ba ba bapolago Lentšu gape, ka go tsea dithutotumelo tša bona le dikerekemaina le dithutotaelo, le go e bea kemedi ya Lentšu la Bophelo. Gomme ka gona, pele ga batho, ba—ba swaswalatša Therešo ya kgonthe yeo Modimo a e hlatselago go ba Therešo ya Gagwe. Re a ba rapelela, Tate, gore O tla ba biletša go Selalelo sa Lenyalo gape. Gomme a nke ba tle nako ye, gomme ba se hwetše maitshwarelelo, ka gore ke lemoga pitšo ya mafelelo e ka no ba e šetše e ile. Go ka no ba thari kudu bjale. Ke a tshepa gore ga se yona.

<sup>363</sup> Šegofatša phuthego ye nnyane ye e lego gona mo, batho ba lekgolo ba ba sego nene ba ba kgobokanego ka mo mosong wo, letšatši le la go fiša, ba dutše mo botelele, mohlomongwe diiri tše pedi goba go feta, tirelo, le go theetša. Ga se ba tloga. Ba dutše ba homotše le go theetša. Bontši bja bona ba letile matena a bona, le basadi ba eme le masea a bona, gomme ba letile. Ba swareletše go Lentšu le lengwe le le lengwe.

<sup>364</sup> Morena, ke lemoga se se tla diregago go nna ka Letšatši la Kahlolo ge nka fapoša batho bale. Ke a lemoga, Morena, ka letsvalo gore ke kgona go kwa. Gore, ke leka go ba iša go Lentšu, le go ba dira ba phele ka Lentšu, go ba botša gore O “a swana maabane, lehono, le go ya go ile,” gore Moya wo Mokgethwa wo mogolo ke Jesu Kriste, feela ka sebopego sa Moya wo Mokgethwa, Monna wa go swana. O boletše bjalo. “Lebakana le lennyane gomme lefase ga le sa Mpona gape; efela lena le tla Mpona, gobane Ke tla ba le lena, ebile le ka go lena.” Gomme ke a tseba gore yo ke Wena, Morena. Gomme re a Go dumela, gobane re a Go bona o dira selo sa go swana magareng ga rena.

<sup>365</sup> Re ineela renabeng lehono, ka go hlapogelwa, re dira fa ka go phuthego ye le go ditheipi. Morena, feela mo motsotsong wo, a nke monna le mosadi yo mongwe le yo mongwe, mošemanе goba mosetsana, yo a lego—yo a lego mo a lego gona, goba a emego ka ntle, goba a e kwe godimo ga theipi, a nke rena ka go nakwana ye re dire go ikgafela ga go teba le go ineela borena bja go felela go tirelo ya Modimo.

<sup>366</sup> Sepelela godimo ga batheeletši, Morena, ka Maatla, gomme fodiša balwetši. Ba rile ba be ba na le mošemanе yo monnyane wa segole a dutšego godimo mo. A nke Moya wo Mokgethwa wo mogolo wola... Re a tseba, go no dula ka Bogeneng bja Gagwe bjalo ka ge wo o le, O tla e dira. Ge O ka kgona go ya go kgabola seyalemoya le thelebišene, ntle go kgabola dinaga, le go fodiša balwetši, “O rometše Lentšu la Gago gomme Le ba fodišitše,” O

ka dira selo sa go swana mo motsotsong wo. Ke a rapela, Modimo, gore O tla fodiša motho yo mongwe le yo mongwe a babbjago, segole se sengwe le se sengwe, tlaišego ye nngwe le ye nngwe, mo le bao ba kwago Mantšu a. Modimo, e fe. Thapelo ya ka ke ya bona.

<sup>367</sup> Ka le—ka lerato la Kriste ka pelong ya ka le go kwela bahloki, ke a ba neela, Morena, go Wena, godimo ga aletara ya sehlabelo, moo mmele wa Madi wa Kwana yela o letšego bjalo ka seloba sa dibe tša rena le bolwetši, o robetše pale. Ke phophotha bakeng sa kgaogelo bakeng sa batho. Ke nyaka go ema bjalo ka ge Moshe a dirile, magareng ga bona, Morena, le go re, “Modimo, ba gaogele, go bona, boteletšana gannyane, gomme ba fe sebaka se sengwe.” O se ke—o se ke wa e dira gonabjale, Morena. A nke—a nke Ebangedi e ye feela pejana gannyane.

<sup>368</sup> Ba—ba ahlotšwe, Morena. Ke a rapela gore kgaogelo ye kgolo ya Gago le mogau di tla—di tla katološetšwa go motho wa mafelelo yo a nago le leina la bona godimo ga Puku. Gomme ke a tseba ba tla dira. Ga go bothata go rapela kgahlanong le Lentšu la gago le Lekgethwa, goba kgahlanong—goba kgahlanong le... le Lentšu le Lekgethwa, ke ra go re, Morena; Lentšu le le tshepišitšwego, Lentšu le le hlatsetšwego, Lentšu le le kgethetšegopele batho ba morago kua pele ga motheo wa lefase. Ga go—ga go bothata go—go rapela gore O tla phološa bale ba maina a bona a lego Pukung, gobane ke a tseba O tla e dira. Jesu o boletše bjalo, “Bohle Tate a Mphilego ba tla tla.” Gomme ga go motho a ka tlago ntle le ge a filwe.

<sup>369</sup> Bjale ke a rapela, Modimo, gore mogohle Mantšu a a welago, bobedi go theipi le ba lego fa, gore Moya wo Mokgethwa o tla bitša motho yo mongwe le yo mongwe a kgethetšwegopele feela bjale, go tloga motheong wa lefase ge leina la bona le beilwe Pukung ya Kwana ya Bophelo. A nke ba kwe Segalontšu sa Modimo se bolelago lehono, ka go se sennyane sela, sa go homola, Segalontšu se sennyane tlase ka pelong ya bona, se re, “Ye ke Tsela, sepelang ka go Yona.” E fe, Tate. Ke e kgopela Leineng la Jesu.

<sup>370</sup> Gomme ge re sa le gona re ne dihlogo tša rena di inamišitšwe fa ka go batheeletsi. Ge le dumela se go ba Therešo, gomme le—le... Ke beile, beile seatla sa ka godimo ga disakatuku tše di letšego fa, le diphuthelwana bakeng sa balwetši le batlaišwa. Ke nyaka go le botšiša potšišo, ka tlhokofalo bjale.

<sup>371</sup> Ga ke tle tlase mo go no kwewa. Ke—ke—ke lapile. Ke kgathetše. Ga ke yo moswa bjalo ka ge ke be ke le, gomme ke—gomme ke a tseba matšatši a rena a badilwe. Gomme ke a tseba ke swanetše go bea ka gare selo se sengwe le se sengwe se sennyane nka kgonago, bakeng sa Mmušo wa Modimo. Ke swanetše go rera nako le nako nka kgonago go hwetša sebaka.

Ke swanetše go, ke swanetše go ya ge eba ke ikwela boka yona goba aowa.

<sup>372</sup> Ke tla fa gobane ke—ke ikwela go e dira. Ke—ke nyaka go e dira. Ke a le rata. Gomme ga ke bolele dilo tše bogale le bothata, go—go...gobane ke nyaka go. Go—go ne morethetho ka teng ga ka. Sona selo se se hlatseshego ke selo se se nkgatelelaggo go dira dilo tše. Ke se bolele ka botho, ka lerato. Ga ke re go kgadimola basadi ba rena goba banna ba rena. Ga ke re go dira seo, ngwanešu, kgaetšedi. Ke ra feela go le tliša go le—le lefelo le bogale, moo le ka kgonago go bona phošollo le sefepi sa Morena, gore o swanetše go tla ka gare bjale. O se ke wa e tima; o ka no leta botelele kudu.

<sup>373</sup> Gomme lena ba le hlologelago go tla ka lehlakoreng la Morena, ka boineelo bja go tlala ka pelong ya lena, ka bogoneng ka go batheeletši bjale, goba e ka ba ka nageng moo ditheipi di tla bago; a le ka, ka dihlogo tša lena di inamišitšwe... Le se phagamise diatla tša lena ge le sa e re. Bjale ge ka kgonthe o e ra, o nyaka go tla go Morena, ka bophelo bjo bo gafetšwego kudu, a o ka se phagamise seatla sa gago thwi bjale. Wena, Morena a go šegofatše. O a ikgafela wenamong ka boswa go Kriste, go leka go rwala kgobogo. O re, “Ke a rata lehono go tšea kgobogo.”

<sup>374</sup> Ke na le bobedi diatla tša ka godimo, le nna. Ke, ke nyaka go tšea kgobogo ya Jesu Kriste godimo ga ka. Ka lethabo ke apara leswao le le bitšwago “mopshikologimokgethwa,” e ka ba eng o ka nyakago go e bitša. Ke e apara ka boikgantšho, ka baka la gore ke ka baka la Morena. Ke e apara ka boikgantšho.

<sup>375</sup> A lena bohole ga le nyake go dira go swana? Emišang diatla tša lena, gomme le re, “Ka mogau wa Modimo, ke—ke—ke nyaka... ke...” Barutiwa ba boile, ba naganne e be e le tlhompho ye kgolo go rwala kgobogo ya Leina la Gagwe. Goba, le nyaka go rwala kgobogo ya naletšana tsoko ya Hollywood, goba selo tsoko sa thelebišene, goba moleloko yo mongwe wa kereke, goba se sengwe? Goba, a o nyaka kgobogo ya Lentšu la Jesu Kriste? “Mphe kgobogo ya Lentšu, Morena. Ke a tseba O rwale kgobogo ya Lentšu la Modimo. A nke ke e rwale, le nna, Morena.”

Gomme sefapano sa boineelo ke tla se rwala,  
Go fihla lehu le ntokolla,  
Morago ka ya gae, go rwala mphaphahlogo.

<sup>376</sup> Fao go tla ba mphaphahlogo bakeng sa rena letšatši le lengwe. E a dirwa bjale. Ge bophelo bjo bja lefase bo kitima, gona re a tseba gore go tla loka.

<sup>377</sup> Bjale ga go sekgora go tliša batho go dikologa aletara. A nke setulo sa gago, moo o lego, e be aletara. “Ba bantsi ba ba dumetšego...” Ge re rapela.

<sup>378</sup> Tate wa Legodimong, go bonagetše go nna gore bontšintši seatla se sengwe le se sengwe sa baswa le batšofe, se be se le

godimo, ka go batheeletši ba. Gomme ke a rapela gore, nako le nako ge theipi e tla bapalwa, gore batho ba tla bea diatla tša bona godimo, le go khunama fase ka kamoreng; tate le mme ba ya godimo le go swarana diatla seng sa bona, le go re, "Hani, re bile maloko a kereke botelele go lekanel. A nke re tle go Kriste." E fe, Morena.

<sup>379</sup> Šegofatša batho ba mo. Ke a rapela gore O tla ba fa, Morena, bophelo bjo bo gafetšwego. Bontši bja bona, Morena, ke batho ba go loka. Ke bona—ke bona batho ba Gago; ba no be ba sa tsebe Therešo. Gomme ke a rapela gore O tla ba laetša Therešo ya Gago, Morena. "Lentšu la Gago ke Therešo."

<sup>380</sup> Bjalo ka ge O boletše ka go Johane, ke nagana e ka ba tema ya 17, O rile, "Ba hlwekiše, Tate, ka Therešo. Lentšu la Gago ke Therešo."

<sup>381</sup> Gomme Lona gape, Lentšu la Gago, e sa le Therešo. Ka mehla ke Therešo, ka gore Ke Modimo. Gomme ke a rapela, Modimo, gore O tla ba hlwekiša ka Therešo. Seo ke, go hlwekiša, go ba hlwekiša go tšwa go dithutotumelo tšohle le dikerekemaina. Ba hlwekiša go tloga go dilo tšohle tša lefase, go ya go bophelo bjo bo gafetšwego bja Lentšu. E fe, Morena. Ke ba Gago bjale. O tshepišitše go e dira. Gomme bjalo ka mohlanka wa Gago, ke neela thapelo ya ka legatong la bona. Leineng la Jesu Kriste.

<sup>382</sup> Bjale ka dihlogo tša rena di inamišitšwe, a re opeleng pina ye ge re tšwelapele go rapela.

Jesu o e lefile yohle,  
Yohle go Yena . . . (Naganang ka yona!)  
Sebe . . .

<sup>383</sup> Maabane ke be ke le ka go le—le lefelo, gomme monna o be a nkela bakeng sa sutu yeo ngwanešu fa ka kerekeng a ntheketšego. O rile, "Sutu ya gago e bonagetše e fiša, gomme ke go reketše ya go fola."

<sup>384</sup> Gomme ke ile godimo go e dira e segwe, gomme o rile, "E re, legetla la gago le letona le sekamela fase. O swanetše go be o rwele morwalo wo boima letšatši le lengwe."

<sup>385</sup> Gomme ke naganne, "Ee, morwalo wa sebe. Eupša Jesu o se lefile sohle." Theetšang ge re e opela.

Jesu o lefile . . . sohle,  
Gona bjohle, bophelo bja ka bjohle, go Yena  
ke . . . (Sebe se dirile eng?)  
Sebe se be se tlogetše patso ye khubedu:  
O e hlatswitše bošweu wa leswele.

<sup>386</sup> Modimo, re gaoge. Bjalo ka nako ye ya go teba ya go naganiša, a nke Lentšu le nwelele botebong, Morena, go pelo. A nke batho, le ge ba le thari bakeng sa matena a bona . . . Eupša, Morena, Bjo ke go feta sejo. Bjo ke Bophelo. "Lentšu la Ka ke

sejo," O boletše. Gomme Leo ke le disoulo tša rena tša go swarwa ke tlala di ketekago go lona.

<sup>387</sup> Bjale re tšee, Morena, re kgoloke. Morena, ntšee le bona. Ke nyaka go ya le bona. Ke ya godimo Khalibari bjale, Morena, ka tumelo. Ke ya le phuthego ye. Bjale e no nkgoloka, Morena. Ke dirile phošo. Makga a mantši gore ke . . .

<sup>388</sup> Fa kgauswana ke be ke eya go no tlogela go rera. Batho ba be ba sa nkwe. Ba be ba no tšwelapele ba dira selo sa go swana, gomme ke—ke ile ka nolega moko. Ke agile tswalolemolato. O Modimo! Malamorena a mmalwa a go feta, ge O mpha leswao lela ntłe kua, e sego . . . le go bala Beibele, le go bona O boditše Moshe, feela ge toro yela e bile, gore fao go be go le thaba, le yena, gomme e be e tla ba leswao go yena. Gomme gona thwi mo bofelong bja yona, go tseba gore ke—ke tlogetše bontši bja batho ba go babja; bodiredi e sego feela ka go seprofeto, eupša ka go ruteng Lentšu, le—le go rapelela balwetši. O dumelitše monna go wa a hwile thwi mo ka lebatong, morago o mo tlišitše morago go bophelo, bakeng sa tiišetšo gore e be e le therešo. Ka mehla O tiišetša Lentšu la Gago.

<sup>389</sup> Bjale, Morena, Le tiišetše thwi bjale ge ke sa le pele ga Terone ya Gago. Tšea yo mongwe le yo mongwe wa batho ba, Morena, tloša lefase ka go rena. Ntšee, Morena, ge re sa le ka Bogeneng bja Gago. E no tšea lefase, go gamola dipelo tša rena, Modimo, thwi bjale. Goga lefase le tlhokomelo ya lefase go tloga go rena. A nke re be Bakriste ba ba gafetšwego, O Modimo, go ba ba go rata le botho le bose, go enywa kenywa ya Moya. A o ka se ke, Morena? Re pele ga Terone ya Gago. Sebe se tlogetše patso ye khubedu godimo ga yo mongwe le yo mongwe wa rena, eupša Madi a Gago a ka kgona go e tloša, Morena, le go e dira ye tšhweu bjalo ka leswele. E fe, ge re sa letile godimo ga Gago. Re tšee; ke rena ba Gago; re gafetše maphelo a rena go Wena. Ka go la Jesu Kriste Leina, e fe, Morena, go yo mongwe le yo mongwe wa rena.

<sup>390</sup> Gamola pelo ya ka, Morena. Ke bona diphoso tša ka tšohle. Ke bona diphoso tša ka. Modimo, go tloga nako ye, ke leka go phela bokaonekaone bjo ke kgonago, go Go thuša. Ke nyaka go ya, ke nyaka go gafela bophelo bja ka ka boswa go Wena, go kgabaganya mo mosong wo.

<sup>391</sup> Ka morago ga go tliša peomolato ye kgahlanong le bagwera ba ka—ba ka ba baruti ntłe kua, le go swanela go bolela dilo tše thata tše, eupša, Morena, ke e dirile ka tšhušumetšo ya Gago. Ke ikwela gore O mpoditše go e dira. Bjale e tlogile magetleng a ka, Morena. Ke—ke thabile gore e tlogile. A nke ba dire ka yona e ka ba eng ba ratago, Tate. Ke a rapela gore ba tla e amogela. Ke a rapela gore O tla phološa yo mongwe le yo mongwe, Morena.

<sup>392</sup> A nke fao go tle pele tsošeletšo ya baloki, gomme Maatla a magolo a tle magareng ga Kereke feela pele ga go tloga ga Yona. Ke . . . Ga go bothata go rapela seo, gobane O se tshepišitše.

Gomme re lebeletše, Morena, bakeng sa kgogedi yela ya boraro yeo re tsebago gore e tla re direla dilo tše kgolo magareng ga rena.

<sup>393</sup> Ke wa Gago, Morena. Ke ipea nnamong godimo ga aletara ye, feela ka go ikgafela ka mo ke tsebago mokgwa wa go e dira nnamong. Tloša lefase go nna, Morena. Tloša dilo go nna tše di senyegago; mphe dilo tša go se senyege, Lentšu la Modimo. A nke ke kgone go phela Lentšu leo sekgauswi kudu, go fihla Lentšu le tla ba ka go nna, gomme nna ka go Lentšu. E fe, Morena. A nke ke se tsoge ka retologa go tloga go Yona. A nke ke sware Tšoša yela ya Kgoši go swinelela kudu, gomme ke E tlimatele sekgauswi kudu. E fe, Morena.

<sup>394</sup> Re šegofatše mmogo. Re bahlanka ba Gago, ge re ikgafela ka borena go Wena mosong wo, ka boswa, ka dipelong tša rena. Ke rena ba Gago, Leineng la Jesu Kriste, bakeng sa tirelo.

Jesu . . .

Modimo a go šegofatše! Ngwanešu Neville.



*PEOMOLATO* NST63-0707M  
(The Indictment)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Julae 7, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)